

Quess Sp

Quess Sp Play

ghd-2-2

phs 1881

891.99

17-35

891.99
P-32

կայաց

Բ Ա Յ Յ Ի

Կ.

320

ԴԱԻԻԹ ԲԷԿ

Պ Ա Տ Մ Ա Կ Ա Ն Վ Է Պ

(1722—1728)

«Խղեսցուք զկապանս նոցա,

«Եւ ընկեսցուք ի մէջ զլուծ նոցա»

4224

2003

ԱՌԱՋԻՆ ԵՒ ԵՐԿՐՈՐԴ ԳԻՐԳ



ԹԻՖԼԻՍ

Կովկաս. ֆոխ. զլխ. կառավ. տպարանում:

1881

Handwritten blue ink markings on the left side of the cover.

1000

4300

44

320

Доз. ценз. Тифлисъ, 15-го Мая 1881 г.

ԴԱՆԻԹ ԲԷԿ

Պ Ա Տ Մ Ա Կ Ա Ն Վ Է Պ
(1722—1728)

«Խղեսցուք զկապանս նոցա,
«Եւ ընկեսցուք ի մէնջ վրոժ նոցա»:
Սաղմոս

ԱՌՆՁԻՆ ԳԻՐՔ

Ա.

Մինչև 1722 թւականը, այսինքն մինչև Գա-
ւիթ-բէկի յայտնվելը, հայոց մէլիքները տակա-
ւին պահպանել էին իրանց նշանակութիւնը: Նը-
րանք ունէին սեպհական ամրոցներ, ժառանգա-
բար իշխում էին ժողովրդի մի որոշեալ մասի
վրա, կապում էին զաշխարհութիւններ երբեմն
պարսից, երբեմն թիւրքաց ներկայացուցիչների
հետ, մասնակցում էին նրանց պատերազմներին,
և որպէս մի տեսակ վաստակաւոր իշխաններ, մի

մասնաւոր հարկ էին վճարում այն պետութիւններին, որոնք փոփոխակի կերպով տիրում էին Հայաստանին:

Միւսնայ աշխարհը (Ղարաբաղը) պէտք է առաջինը համարել, ուր մէլիքները մինչև ռուսաց տիրապետութեան ժամանակը (1813 ամ.) պահպանեցին իրանց գոյութիւնը: Այդ առանց պատճառի չէր: Նրկրի բնական դիրքը՝ լեռները և անտառները նպաստում էին ժողովրդի մէջ վաղեմի քաջազնական ոգու պահպանվելուն: Սովորած լինելով թշնամու մշտական յարձակումներին, ժողովուրդը, երբ չէր կարողանում ընդդիմադրել նրան, թողնում էր դաշտերը կամ տափակ երկրները, պատսպարվում էր անմատչելի տեղերում: Ղեկնային բնութիւնը ներշնչում էր բնակիչների մէջ արութիւն և հետևապէս ձգտումն դէպի ազատութիւն:

Յաւալին այն էր, որ հայոց մէլիքները մի ընդհանուր կապ չունէին միմեանց հետ: Շահերի տարբերութիւնը շատ անգամ առիթ էր տալիս նրանց մէջ թշնամական յարաբերութիւնների: Այս պատճառով նրանց ուժերը չէին միանում, որ կազմէին մի ամբողջութիւն և պատերազմէին հայրենիքի ընդհանուր թշնամու դէմ: Իւրաքանչիւրը իր գլուխն էր պահում: Եւ եթէ հարկը պահանջում էր, նրանցից ամեն մէկը պատրաստ էր միանալ թուրքերի կամ պարսիկների հետ և

ասոր ցտակել իր հարեան հայ մէլիքի երկրները:

Մէլիքներից ոմանք անկախ գրութիւն էին պահպանում, իսկ ոմանք ստորադրված էին պարսից խաների իշխանութեան ներքոյ: Այս վերջինները իրանց դիրքը չը կորցնելու համար, ստիպված էին խոնարհվիլ խաների բոլոր պահանջներին, թէև այդ պահանջները լինէին մեծ հայ ժողովրդին, ստիպված էին կատարել նրանց կամքը, որքան և անիրաւ լինէր, ստիպված էին դառնալ նրանց ձեռքում բոլորովին անարգ մի գործիք: Եւ որովհետև պարսից շահերը իրաւունք ունէին մէլիքներին փոխելու, այստեղից առաջ էր դալիս խիստ կեղտոտ մրցութիւն, որով մէլիքները միմեանց տեղը յափշտակելու մտքով, անձնատուր էին լինում, խաներին հաճոյանալու համար, ամեն տեսակ վատութիւնների, մատնութիւնների էին անում, կաշառում էին նրանց ոչ միայն փողով, այլ ոմանք իրանց հարազատ ազգիկներն անգամ տալիս էին խանին: Բայց այսպիսիներին պէտք է բացառութիւն համարել:

Այլին աւելի խղճմտաւոր և ազդեցութիւն ունեցող մէլիքներ, որոնք ծառայում էին որպէս ամուր պատուար հայ ժողովրդի և խանի մէջ. հեռու էին պահում նրա անմիջական ազդեցութիւնը ժողովրդից և պահպանում էին նրան խանի հարստահարութիւններից: Մէլիքի ձեռքով էր հաւաքվում տուրքը և ամեն հարկեր, որ պէտք

էր վճարել խանին: Մէլիքն էր վճռում իր զոր-
վրդի մէջ ամեն տեսակ դատեր և վէճեր: Եւ ո-
րովհետև նոյն իսկ խաները իրանց մէջ հաշտ
չէին, ստիպված էին մէլիքների հետ լաւ վարվել,
հակառակ դէպքում, մէլիքը կարող էր թողնել
խանին և իր ժողովրդով անցնել նրա թշնամու՝
մի ուրիշ խանի կողմը:

Հայաստանի այն մասը, որ այժմ ուստայ պե-
տութեանն է պատկանում, ուստների տիրելուց
առաջ, պարունակում էր իր մէջ զանազան մի-
մեանցից անկախ խանութիւններ, որոնցից նշա-
նաւոր էին՝ Ղարաբաղի, Գանձակի, Շամախու,
Նրեանի և Նախիջևանի խանութիւնները: Այդ
խանութիւնները գտնվելով անընդհատ թշնամա-
կան յարաբերութիւնների մէջ, կռիւք, կողոպու-
տը, արիւնհեղութիւնը, աւերմունքը երկրի մէջ
միշտ անպակաս էին լինում: Խանութիւնները
թէև պարսից պետութեան մի մասն էին կազ-
մում, և խաները թէև նոյն պետութեան աւա-
տական իշխաններ էին համարվում, բայց շատ
անգամ օգուտ քաղելով Պարսկաստանի ներքին
խռովութիւններից, կամ շահերի ստէպստէպ փոխ-
վելուց, որից առաջ էր դալիս անիշխանութիւն,
— խաները այդ ժամանակ ապստամբվում էին, և
քիչ չէր պատահում, որ շահերը կամ նրանց զօ-
րապետները տկարանային նուաճելու իրանց վա-
սալներին: Եւ այսպէս, ներքին ու արտաքին խը-

ռովութիւնները պահպանում էին իրանց անխղի-
ւի կապը:

Նթէ աւելացնենք դրանց վրա օսմանցիների
արչաւանքները, Աովկասի լեռնաբնակների յար-
ձակումները, կը տեսնենք, որ Հայաստանը այն
ժամանակ ներկայացնում էր մի սարսափելի պա-
տերազմական դաշտ, ուր առաւելապէս ձեռկալող,
փշրվող և մաշվող տարրը էր նոյն ազգը, որ մի
ժամանակ այդ երկրի տէրն էր: Եւ այդ կոտո-
րածների մէջ հայ ժողովուրդը և հայ մէլիքները
պէտք է պահպանէին իրանց գոյութիւնը...

Բ.

1722 թւին լեկզիների ահաղին բաղմութիւն,
խառն կովկասեան այլ լեռնաբնակների հետ,
արչաւանք գործեցին դէպի Աղուանից և Սիւնեաց
երկրները, և ասպատակելով Նուխու, Շամախու,
Գանձակայ գիւղերայքը, անցան մինչև Սևանայ
լիճը: Շամախու հայ իշխան Մուսա Բէգեանը
կամեցաւ արգելել վայրենիների յարձակումը,
բայց չը կարողանալով դէմ դնել նրանց ահաղին
բաղմութեանը, ընկաւ կռիւի դաշտում: Վայրե-
նիները յափշտակեցին բաղմաթիւ գերիներ հայոց
աղջիկներից, պատանիներից և մանկահասակ կը-
նիկներից, որպէս վաճառք, օտար երկրներում
ծախելու համար: Իսկ ձերուհիների մեծ մասը
կոտորեցին: Տեղային մահմեդականները, օգուտ

բաղելով այդ խոսովութիւններէց, իրանք էլ մի կողմից սկսեցին կողոպտել հայերին: Երկիրը սարսափի մէջ ընկաւ: Ազատվեցան նրանք միայն, որ թողեցին իրանց տունը, տեղը, կայքը և պատասխարվեցան լեռների, անտառների անմատչելի խորշերում: Այդ ժամանակ իր խումբերով վրա հասաւ Գուգարացոց (Մեծ Աղնախի) Յովհաննէս իշխանը, հաւաքեց ցրված հայերին, նրանց սիրտ և իրախոյս տուեց, և բաւական ուժ կազմելով, յարձակվեցաւ լեկզկների վրա: Թէև նրան յաջողվեցաւ մաքրել երկիրը այդ աւաղակներից, յետ խլել աւարի մի մասը և կրկին ժողովուրդը բնակեցնել իր տեղում, այսուամենայնիւ, լեկզկները թողեցին Աղուանից և Սիւնեաց աշխարհներում բարբարոսութեան սարսափելի հետքեր:

Սնցաւ տազնապը, սնցաւ կոտորածը, ժողովուրդը մոռացաւ բոլորը: Կրկին սկսվեցաւ սովորական վշտալի կեանքը:

Բայց մի երիտասարդ չէր կարող մոռանալ այդ բոլոր գաղանային անգթութիւնները: Նա տեսնում էր այն գեղեցիկ երկիրը, ուր աճուելի ամրոցների վրաստակները, ուր հոյակապ վանքերի բեկորները, ուր պալատների փշրանքները, ուր ամեն մի լեռ, ամեն մի գետ յիշեցնում էին նրան հայ մարդու վաղեմի փառքը: Խսկ այժմ ինչ էր մնացել:—Մի ստորուկ ժողովուրդ, որը, կարծես, յաւիտենական անէծքով դատապարտ-

ված, մի լաւ օր տեսնելու բախտ չունէր: Նրա վաստակը ձեռքից խլում էին, նրան ամեն կերպ տանջում էին, նա մինչև անգամ իր կնոջ, իր զաւակների տէրը չէր: Նա, տեսնում էր հայ իշխաններին, որոնց պարսիկները մէլիքներ էին կոչում, որոնց վրա էր դրված ժողովրդի հոգաբարձութիւնը, որոնք պէտք է սրբէին նրա արտասուքը և դարման տանէին խեղճ գիւղացու դառն ցաւերին: Բայց միմեանց հետ անհաշտ, անվերջ թշնամութիւններով, այդ իշխանները աւելի իրանք էին ծանրացնում ժողովրդի ստրկութեան լուծը: Մասնութիւնը, միմեանց դաւաճանելը, միմեանց մեատելը, նրանց ամենօրեայ դործն էր, իսկ մէջ տեղում ոչնչանում էր ողորմելի ժողովուրդը: Եւ եթէ կային նրանց մէջ այնպիսիները, որոնք ճշմարիտ սիրում էին ժողովուրդը, սիրում էին հայրենիքը և ցանկանում էին նրա թշուառ դրութեանը մի ճար անել, բայց ընդհանուր անկարգութեան, ընդհանուր ապականութեան մէջ նրանց եռանդը թուլանում էր, նրանց իղձը իրանց սրտում խեղդվում էր:

Երիտասարդը իր չորս կողմը տեսնում էր թէ հոգեկան և թէ բարոյական խորին դատարկութիւն: Նա աչք էր դարձնում դէպի Էջմիածինը, դէպի ընդհանուր հայոց Մայր Աթոռը, այնտեղ ևս մի և նոյն անկարգութիւններն էր նկատում,

—միաբանների մէջ երկպառակութիւն, կաշառք, մատնութիւն, դաւադրութիւն և ամեն ինչ, որ սուրբ չէ, որ անարգ է, որ զգուելի է... Էջմիածինը այդ ժամանակ գտնվում էր օսմանցիների իշխանութեան ներքոյ: Համադանցի Աստուածատուր կաթողիկոսը, խոյս տալով Էջմիածնի խռովութիւններից, ծածուկ թափառում էր Աբարատայ գիւղերում: Էջմիածնի աթոռը մնացած էր թափուր, որ պատճառ էր տալիս աւելի սաստիկ խռովութիւնների: Կ. Պօլսի հայոց պատրիարքարանը այդ ժամանակ զբաղված էր «Փրանկների» (հայ կաթողիկոսների) խնդիրով: Յովհաննէս «կօլոտ» (կարճահասակ) մականունանեալ պատրիարքը արգելում էր հայ-կաթողիկոսներին լուսաւորչականների եկեղեցիները յաճախել: Հայ-կաթողիկոսները դեռ առանձին եկեղեցի չունէին: Կրօնական երկչառակութիւնները, Կ. Պօլսի ֆրանսիական դեսպանի և լատինական եպիսկոպոսի մէջ մի կողմից, իսկ հայոց պատրիարքի մէջ միւս կողմից, պահում էին մայրաքաղաքի հայ ժողովրդին անընդհատ կռիւների մէջ: Երբուսադէմի հայոց պատրիարքարանը զբաղված էր սուրբ Յակոբայ տաճարով. կռիւները յոյն և լատին արեղանների հետ վերջ չունէին: Այստեղ, Աբարատեան նահանգում արիւն և արտասուք էր հոսում, իսկ այնտեղ զբաղված էին եկեղեցիներով...

Երիտասարդը իր շուրջը չէր գտնում ոչ մի միսիթարական երևոյթ, բացի հայրենիքի լեռներից և անտառներից, որոնք, կարծես, խուլ կերպով ասում լինէին նրան. «եկ, եկ, մեր գրկում քեզ համար լաւ տեղ կայ. բռնակալի ձեռքը այնտեղ մուտք չէ գործում»...

Ո՞վ էր այդ երիտասարդը, ո՞վ էր այդ ցնորամիտը, որ այն ժամանակվայ ընդհանուր խռովութիւնների, ընդհանուր բարբարոսութիւնների մէջ, մոռացած իր անձը, միայն հայրենիքի, միայն ժողովրդի վրա էր մտածում:—Կա Գեհուազի իշխան Ստեփաննոս Վարթանէսեանն էր Շահումեան տնից: Զրկված հայրենական ամբողջից, սիրտը լի վրէժինըրութեան դառնութեամբ, նա իր երկու հաւատարիմ ծառաների հետ, ծըպտեալ կերպով թափառում էր Սիւնեաց աշխարհում: Նա մտնում էր հայոց մէլիքներին, յորդորում էր նրանց միաբանվել և ընդհանուր ապստամբութեամբ թօթափել իսաների ծանր լուծը: Բայց ամեն տեղ գտնում էր սառն անտարբերութիւն, անհոգութիւն և մինչև անգամ արհամարհանք: Բարկութիւնը, յուսահատութիւնը երիտասարդի մէջ հասնում էր սուկալի կատաղութեան, երբ տեսնում էր, որ հայերը չէին ցանկանում օգուտ քաղել մի ամենայարմար ժամանակից, երբ կարող էին ամենալուրթեամբ ազատվել պարսից բռնապետութիւնից:

Handwritten notes in blue ink:
 Երիտասարդը
 Միայն հայրենիքի
 ժողովրդի վրա էր
 մտածում

Պարսից պետութիւնը այդ ժամանակ զան-
վում էր իր օրհասականի մէջ: Աւղանիստանի
Ղանդահար քաղաքից Միւրվէյիսի որդի Միր-
Մահմուդ-խանը, տիրելով Սպահան քաղաքին,
գահնւղէց արեց պարսից Յիւսէյն շահին և ինքը
նստաւ նրա տեղը: Արեւելեան Պարսկաստանը
ընկաւ աւղանների իշխանութեան ներքոյ: Այդ
ժամանակ պարսից Հայաստանում համարեա
անիշխանութիւն էր տիրում: Թէև աթուղուրկ
Յիւսէյն շահի որդին, Շահ Թահմասը, լսելով
աւղանների յաղթութիւնը, Մազանդարանում
թագաւոր դարձաւ և եկաւ, նստեց Թաւրիզ քա-
ղաքում, բայց նա այն աստիճան թոյլ, արբեցող
և փոփոխամիտ մարդ էր, որ չուտով զզուեցրեց
իր զօրապետներին, բոլորը հեռացան նրանից,
և ինքը, շահ-Թահմասը, անօգնական մնալով,
դնաց Աստապատ և գաղտնի ապաստան գտաւ
Աստուածատուր անուանով մի հայ իշխանի տանը:
Երևանի նահանգին այդ ժամանակ տիրում էին
օսմանցիները: Նրանք աւելի ցանկանում էին
Հայաստանի այդ մասը հայ իշխանների ձեռքով
կառավարել և նրանցից մի որոշեալ տուրք ստա-
նալ, քան թէ պարսից խաների ձեռքը տալ:

Բոլոր հանգամանքները յաջողութիւն էին խոս-
տանում: Պարսից և թիւրքաց արքունիքները
սարսափելի խռովութեան մէջ էին: Շահերի և
սուլթանների գահերը, խաղազնդակների նման,

անդադար մի ձեռքից միւս ձեռք էին անցնում:
Պարսկաստանի և թիւրքիայի մէջ ամեն օր ծա-
գում էին նոր ապստամբութիւններ, ամեն օր
կազմվում էին նոր, անկախ իշխանութիւններ:
Միայն հայերը անշարժ էին, միայն հայերը
իրանց ազատութեան վրա չէին մտածում: Այդ
սաստիկ խոցում էր Շահումեան իշխանների
վերջին ժառանգի՝ Ստեփաննոսի սիրտը: Ի՞նչ
պէտք էր արած: Բոլոր ժողովուրդներից աւելի
տանջված, աւելի հարստահարված, աւելի թշուառ-
ազգը, հայը, ոչինչ չէր զգում: Կարծես, հան-
գիստ, ապահով և վայելուչ կեանքի փափագը
մեռած լինէր նրա մէջ:

Երևասարդ իշխանը այդ կարծիքի հետ ընդ-
րովին համաձայն չէր: Ժողովուրդը հոգեպէս և
բարոյապէս բոլորովին մեռած չէր: Նրա սրտում
դեռ մնացել էին հարուստ, կենդանի տարրեր.
միայն պէտք էր ջերմացնել նրանց, պէտք էր
բորբոքել, ուժ տալ, և ահա մի և նոյն ստրկա-
ցած ժողովուրդը ոտքի կը կանգնէր հսկայի
անձնախօսահութեամբ: Ստեփաննոսը գիտէր
այդ բոլորը: Նա հաւատում էր հայի սովուհու-
թեանը: Նա գիտէր, հայը որքան համբերող է,
որքան սանող է բռնութեան լծի ծանրութեանը,
այնքան չուտով պատրաստ է թօթափել այդ
լուծը, եթէ հանգամանքները կը նպաստէին:
Միայն հայը զգոյշ է, հեռատես է, խորհող է,

բայց շուտ վճռող չէ, և դրա մէջն է կայանում նրա բոլոր դանդաղկոտութիւնը: Զգուշութիւնը նրա մէջ յանցաւոր երկչոտութեան կերպարանք է ստացել: Նա երբէք չի սկսի մի գործ, եթէ հաւատացած չէ, թէ յաջողութիւնը իր կողմը կը լինի: Ուր մի փոքր անզգուշութիւն, մի փոքր զոհողութիւն, մի փոքր խենթութիւնն անգամ կարող էր մեծ գործ կատարել,—այնտեղ հայը խնայող է և խելացի: Նա միշտ իրան հեռու է պահում անմիտ բաղտախնդրութեան ցնորքներից, և այդ, Ստեփաննոսի կարծիքով, վատ էր: Նրա թէօրիան շատ պարզ էր. «կամ մեռնել, կամ լաւ ապրել»: Ճնշված, հարստահարված, անապահով կեանքը նրան տանելի չէր:

Ստեփաննոսը մի ուրիշ բան ևս գիտէր: Նա գիտէր, որ հայ ժողովուրդը ~~կրօնապետական~~ ~~պաշտօնական~~ մէկը պէտք է առջևից դնայ, որ միւսները հետեւեն նրան: Բայց ո՞վ կարող էր լինել այդ «մէկը»: Ո՞վ կարող էր առաջնորդել ամբողջին: Նա դիմեց բոլոր հայ իշխաններին, բոլոր հայ մէլիքներին և ամենից սառն ընդունելութիւն գտաւ: Նա չէր ձանաչում ժողովրդի այդ գլխաւորներից և ոչ մէկին, որ համակրէր իր մտքերին: Իսկ ինքը.—Ինքը ինչ կարող էր անել: Ժողովուրդը հեղինակութիւն էր պահանջում: Ժողովրդի վրա ազդելու, նրան շարժելու համար պէտք էր փոքր ի շատէ

նշանաւոր մարդ լինել: Թէև ինքն էլ նշանաւոր մարդերի կարգից դուրս չէր, բայց ինչ կարող էր անել մի փառազուրկ իշխան, որի հայրենական ժառանգութիւնից մնացել էին՝ մի ձի և մի ձեռք զէնքեր միայն: Գեոտեղի ամբողջ զաւառը, որ նրա հօրերին էր պատկանում, այժմ զարձել էր մի խանի սեպհականութիւն: Իսկ ինքը անտուն, անտեղ, անօթեան թափառում էր երկրից երկիր, որպէս մի արկածախնդիր ասպետ, որին իջեան էին տալիս միայն այն պատճառով, որ նրանից վախենում էին: Այս մտածութիւնների մէջ խորատուզված, երիտասարդը քչում էր իր ձին Ներքին Ազուլիսից դէպի Օրդուբաթ տանող ճանապարհով, և այնքան զբաղված էր իր մտքերով, որ կարծես, չէր նկատում անձրևի տարափը, որ մանր, փոշիանման կաթիլներով մազվում էր նրա վրա: Երեկոյեան խաւարը դեռ այնքան չէր թանձրացել, որ գծուար լինէր առարկաները որոշել: Առջևում երևում էր խիտ այգիների մէջ թագնված Օրդուբաթը: Փոքր ինչ հեռու Արաքսը մի արծաթեայ ժապաւէնի նման ոլորվում էր ձորի միջով: Գետի մըւս ափի վրա Քամ-քուհ լեռան բարձր գագաթը կիսով չափ ծածկված էր մթին ամպերի մէջ: Կայծակը շեշտակի կերպով ձեղքեց այդ ամպերը և նրան հետեցին սաստիկ որոտ և զղրղին: Կարծես, ամբողջ երկինքը թափ տուեցին և

անձրերը միանգամից սկսեց հեղեղի նման թափ-
 Վել: Այդ ժամանակ միայն երիտասարդը արթ-
 նացաւ իր մտայուզութիւնից, քարչեց ձիու սան-
 ձը, ձին կանգնեց, և նա սկսեց բաց անել իր
 վերարկուն, որ կապած էր երիվարի դաւակի
 վրա: Նա խնամքով փաթաթվեցաւ վերարկուի
 մէջ, ոչ այնքան իր մարմինն հոգ տանելու հա-
 մար, որքան իր դէնքերը թըջվելուց պահպանե-
 լու համար: Այդ միջոցին հասան նրա երկու
 ուղեկիցները, որ բաւական յետ էին մնացել:
 Երիտասարդը դարձաւ դէպի նրանցից մէկը,
 ասելով.

— Զուճուդ, դու գիտե՞ս քաղաքի որ փողո-
 ցումն է այն հրէայի տունը:

— Գիտեմ, պատասխանեց Զուճուդը:

— Գէ, առաջ քշիր, մեզ տար ուղիղ դէպի այն
 կողմը:

Զուճուդը իր ձին առաջ քշեց, երիտասարդ
 իշխանը հետևում էր նրան: Ետեից գալիս էր իշ-
 խանի միւս ծառան՝ Աղասին:

Քամին հետզհետէ սաստկանում էր և մրրիկը
 աւելի սպառնալի կերպարանք էր ընդունում:
 Գիւղացիները սարսափով քշում էին իրանց ա-
 նասունները դաշտից դէպի տուն: Լեռներից լսելի
 էին լինում հովիւների խառն աղաղակները:
 Սաստիկ անձրևների ժամանակ հեղեղը այդ կող-
 մերում սոսկալի էր. նա տանում էր իր հետ ոչ

միայն մարդիկ և անասուններ, այլ անաղին քա-
 ռաժայուք, որ սրկոււմ էր սարերի կուրծքից:

Բոլորովին մութն էր, երբ իշխանը մտաւ Օր-
 դուբաթ քաղաքը: Փողոցներում ոչ ոք չէր երե-
 ւում: Բոլոր դռները կողպւած էին: Անձրերը,
 թէև փոքր ինչ մեղմացած, բայց տակաւին մաղ-
 վում էր: Անցնելով մահմեդականների թաղերը,
 նրանք մտան հայերի թաղը: Այստեղ բնակվում
 էին հրէաները մի առանձին փողոցում: Զուճ-
 շուդը իր ձին կանգնեցրեց աներից մէկի դռան
 հանդէպ, ցած լծաւ ձիուց և սկսեց դուռը բաղ-
 խել: Երկար բաղխում էր նա, իսկ բաց անող
 չը կար: Գիշերային այն տարածամ պահուն
 հրէան հեշտութեամբ իր դուռը չէր բաց անի
 օտարականի առջև: Կարծում էին, թէ ներսում
 մարդ չը կար: Բայց դռան ձեղքերից ձրազի
 լոյս էր երևում:

— Կոտրեմ, հարցրեց Զուճուդը:

— Չէ, ասաց իշխանը, — կարելի է բաց անեն,
 բաղխեցէք:

Ներսից լսելի էին լինում ոտքի ձայներ և
 մարդկային երկչոտ շնչոց:

— Նս այս բոպէում բաց կանեմ, ասաց Աղա-
 սին, իր ձին մօտեցնելով տան պատին և կանգ-
 նելով ձիւ թամբի վրա: Պատը շատ բարձր չէր.
 ձարպիկ երիտասարդը ձեռքերով չանկուեց պատի
 անհարթ մակերևոյթը և կատուի արագութեամբ

Թուաւ կտուրի վրա: Մի բոսկէից յետոյ բակից լսելի եղաւ նրա ձայնը, որ վիճում էր տան տիրոջ հետ, պահանջելով դռան բանալին:

— Է՛յ... վնայ... մի սպանիր... լսելի եղաւ հրէայի դառն հռոպչանքը: Երևում էր, նա մի քանի ապտակ կերաւ Աղասու ձեռքից:

Գուռը բացվեցաւ. չէմքի վրա յայտնվեցաւ հրէան ճրագը ձեռին: Նա անդադար միւս ձեռքը քսում էր իր երեսին, կարծելով, թէ Աղասու մասները դեռ կպած էին այնտեղ: Նա ինքն իրան մըթմըթում էր.

— Ձի էլ ստում, որ աղան է դալիս... աղայի առջև ո՞վ կը փակէ իր դուռը... իմ տունը աղայի տունն է... անիծված... ա՛խ, ինչ ծանր ձեռք ունի...

— Նս քեզ հաղար անդամ ասեցի, պատասխանեց Աղասին, — բայց դու էլի չէիր ուզում բաց անել:

— Լաւ է, լաւ, խօսեց իշխանը վէր գալով ձիուց, — Հարու՛նը լաւ մարդ է, նրան պէտք չէ ձեռել:

— Հա՛, այդպէս, քո հոգուն մատաղ, պատասխանեց հրէան, և դառնալով դէպի Աղասին էլի կրկնեց. — Ա՛խ, ինչ ծանր ձեռք ունի այդ անիծվածը...

Հրէան ձեռք ուտելուց յետոյ փափկացել, մամ էր դարձել. նա ամեն կողմ ծալվում էր, գործ


դնելով շողքորթութեան բոլոր ձևերը: Նա մի քանի բոսկէի մէջ ձիերը սեղաւորեց իր տան բակում և հիւրերին հրաւիրեց մի և նոյն սենեակում, ուր ինքը իր կնոջ հետ ապրում էր:

Գ.

35538
1906/

Հարու՛նը Օրդուբաթի հրէայ սոկերիչներին մէջ միակ վարպետն էր, որ բացի սոկերչութեանից գլխէր և կնիքներ փորագրելու արհեստը: Նա բաւական հարուստ էր, ինչպէս ամեն մի հրէայ, որ գոհարների և թանգաղին մետաղների հետ գործ ունի: Իշխանի անակնկալ այցելութիւնը, որի անունը միայն լսած էր, իսկ անձամբ չէր ճանաչում, սատարիկ վախեցրեց նրան: Ո՞ր սատանան բերեց այդ թափառաչըջիկ ասպետին իր տունը, այն ևս գիշերը, երբ հարեանները բոլորը քնած էին: Ի՞նչ էր ուզում նա: Ինչ էլ որ լինէր, հրէան համոզված էր, որ մի բարի բան նրանից սպասել չէր կարելի:

Խրճիթը, ուր ներս տարաւ Հարու՛նը իր հիւրերին, բազկացած էր երկու փոքրիկ սենեակներից, որոնցից մէկը ծառայում էր որպէս մթերանոց և բովանդակում էր իր մէջ նրա սնտուսութեան բոլոր պարագայքը, անկարգ, խառնիխառն կերպով ամփած միմեանց վրա, — իսկ միւսը նրա քնարանը, հիւրանոցը, խոհանոցը, մի խօսքով, ամեն ինչն էր:



— Բարով, հազար բարով, իմ աչքիս վրա, իմ գլխիս վրա, համեցէք, նստեցէք, ասաց հրէան խնդրելով նստել:

Չուճուզը և Աղասին մնացին ոտքի վրա, իսկ նրանց սէրը աչք ածեց իր շուրջը մի յարմար տեղ չը գտաւ նստելու համար: Սենեակի յատակը բաւական ցած լինելով բակի յատակից, անձրևի ջուրը դռան շէմքից ներս էր թափվել և լճացել էր սենեակի մէջ: Միակ տեղը, որ իր բարձրութեամբ ազատ էր մնացել այդ ջրհեղեղից, էր տան տիկնոջ սնդուկը, որ նա բերել էր որպէս օժիտ իր հօր անից: Նրա վրա նստեց իշխանը: Չուճուզը և Աղասին դուրս գնացին, երբ նկատեցին, որ այլ ևս իրանց տիրոջը պէտք չեն: Անձրևը դադարել էր: Գարնանային երկինքը այժմ պարզ էր հայելու նման: Աստղերը ժպտում էին: Փոթորիկը անցել էր, ինչպէս մի քանաճ երեխայ, որ յանկարծ բարկանում է, աղմուկ արտասուք և աղաղակ է բարձրացնում, և քանի ըստէից յետոյ կրկին հանգստանում է, սկսում է ծիծաղել:

Չուճուզը և Աղասին գնացին ձիաների մօտ, որ կապած էին բակում: Նրանցից մէկը բարձրացաւ հարեանի կոտրի վրա, ուր խոտ էր դիպված, մի քանի խորձ գողացաւ, բերեց, ցրվեց ձիաների առջև: Յետոյ երկուսն էլ նստեցին հաւարունի վրա, սկսեցին ծխել:

Իշխանը դեռ նստած էր սնդուկի վրա: Հարունը նրանից փոքր ինչ հեռու պըպըղել էր, մէջքը տալով պատին և չը համարձակվելով նստել, որովհետև գետինը թաց էր: Տան տիկինը այդ միջոցին մի խեցեղէն ամանով սենեակում լճացած ջուրը հաւաքում էր և դուրս էր թափում: Նրկու երեխայ, միմեանց դրկած, պառկած էին ցետի մէջ և ոչինչ չէին զրուս: Նրանց մայրը իր աշխատութիւնը մասամբ վերջացրել էր այժմ: սենեակում այլ ևս ջուր չը կար, միայն սաստիկ ցելի էր. պէտք էր չորացնել նրան: Նա բոլրիկ սոսներով, մերկ սրունքներով, ներքին հազուստը մինչև ծնկները վեր քաշած, ցետը կոխ տալով, դուրս գնաց: Մի բոպէից յետոյ նա վերադարձաւ, բերելով իր հետ, գոգնոցի մէջ ածած, ցամաք մոխիր, և սկսեց սփռել յատակի վրա: Այդ գործողութիւնը մի քանի անգամ կատարելով, յատակի վրա գոյացաւ մոխրի բաւական թանձր խաւ, որ ծծեց իր մէջ գետնի խոնաւութիւնը: Յետոյ տան տիկինը տարածեց նրա վրա մի փսխաթ և փսխաթի վրա մի կապերտ: Հիւրի օթոցը սրղէն պատրաստ էր: Չը նայելով այս բոլոր աշխատութիւններին, իշխանը չը կամեցաւ իջնել իր սնդուկից, ասելով, որ այնտեղ էլ լաւ է: Ասպերտի վրա նստեց Հարունը: Աինը դեռ պտոյտ էր դալիս այս կողմ և այն կողմ, ինքն էլ չիմանալով, թէ ինչ պէտք է անել: Ամենազլիսաւոր

Տաղաւ, որ մնացել էր նրան, այն էր, որ պէտք էր ոտները լուանալ: Քայց այդ մասին չը մտածեց նա. միայն հագուստի ներքի փէշերը ցած թողեց, մերկ սրունքները ծածկվեցան, և այնպէս ցեխոտ ոտներով մտնեցաւ, նստեց իր երեխաների մօտ, որոնցից մէկը պառկած տեղից գլուխը վեր բարձրացնելով, սկսեց լալ: Մայրը նրան հանգրտացնելու համար մի սաստիկ ապտակ տուց երեսին: Երեխան աւելի ևս խտացրեց աղաղակը: Նրա ձայնից միւսն էլ զարթնեց, և առանց գիտենալու պատահածը, սկսեց ձայնակցել իր եղբորը:

— Նրան էլ, նրան էլ... ասաց հայրը:

Մայրը միւսին էլ իրատեց իր ապտակով:

Իշխանը տհաճութեամբ սպասում էր, որ երեխաները իրանց ձայնը կտրեն, որ կարողանայ խօսել տան տիրոջ հետ: Այդ միջոցին մայրը գլուխը խոնարհեցրեց, յայտնի չէ, ինչ փափաց երեխաների ակամջին, երկունս էլ իսկոյն լռեցին: Նրանք, իրանց երկչոտ աչքերը լայն բացելով, նայեցին օտարական հիւրի երեսին և սատանայի նման մտան վերմակի տակը, կրկին պառկեցին:

— Ես քեզ մօտ գործով եմ եկել, Հարուն, խօսեց իշխանը:

— Տապանակ ուխտին թող ինձ կուրացնէ, եթէ սուտ եմ ասում.— մի սև փող էլ չունեմ, պա-

տասխանեց հրէան, կարծելով, թէ եկել է փող խնդրելու:

— Ես եմ բերել փող քեզ տալու համար, իշխանը կտրեց նրա խօսքը:

Հարունի կնճռած դէմքը պարզվեցաւ. նրա աչքերում փայլեց մի տեսակ լոյս, որ կարելի է տեսնել քաղցած դայի աչքերում միայն:

— Ինձ պէտք են մի քանի կնիքներ, Հարուն, և զրա համար ես քեզ առատ կը վարձատրեմ:

— Հարունը ձեր ծառան է, աղայ, Հարունը միթէ փող կառնէ աղայից կնիքներ չինելու համար, պատասխանեց հրէան. կեղծ բարեմտութեամբ:

— Կնիքներ օտար մարդկանց անունով:— Հասկանում ես...

— Հասկանում եմ... կրկնեց հրէան խորհրդաւոր ձայնով:— Քայց թող չը նեղանայ աղան, Հարունը իր մատները կը կտրի ու այդպիսի բան չի չինի:

— Իւրաքանչիւր կնիքի համար կը տոանաս հինգ սակի:

Հրէան բացատական կերպով գլուխը շարժեց:

— Տաղ սակի, աւելացրեց իշխանը:

Նա դարձեալ գլուխը շարժեց:

— Տան և հինգ սակի:

— Անկարելի է, աղա, փողի համար չէ իմ խօսքը, ինչքան էլ կուղէք, աւելացրէք: Եթէ կարելի

լինէր, ես ձեզանից ոչինչ չէի առնի, և ինչպէս
ասեցի, առանց փողի կը շինէի: Այն էլ բաւական
էր, որ ազան քաղցր աչքով կը նայէր ինձ վրա:

Յետոյ նա սկսեց երկար ու բարակ պատմել,
թէ ինքը ուխտ է դրել՝ երբէք կեղծ կնիքներ չը
շինել: Թէ միանգամ սատանան մուրեցրեց նրան
և մի այսպիսի մեղք գործեց. այն օրից իր գոր-
ծերը չեն յաջողում, երեխ, Աստուած բարկացաւ
նրա վրա, և նրա խարդախութիւնը յայտնուեցաւ:
Գատաւորը քիչ էր մնում, որ նրա ձեռքը պիտի
կտրել տար: Ատիպվեցաւ անազին կաշառք տալ
և ձեռքի փոխարէն կտրեցին մօրուքը: Այդ էլ
մի հրէայի համար շատ մեղք բան է: Մովսէսը
հրամայել է մօրուքը չը խուզել: Եւ դրա համար
հրէաները առանձին հարկ են վճարում պարսից
խաներին, որ թոյլ տան նրանց մօրուք կրելու:
Թէ ինքը առաջ շատ երկայն մօրուք ունէր, բայց
այն օրից, որ խուզեցին, կարճացաւ:

— Ես հիմայ կերկարացնեմ քո մօրուքը, ասաց
իշխանը փոքր ինչ խուզեալ ձայնով:

— Ի՞նչպէս:

— Ահա այսպէս...

Իշխանը բռնեց նրա մօրուքից, որ շատ էլ
կարճ չէր, սկսեց սաստիկ թափ տալ: Հրէայի
զուլսը զարկվեցաւ պատին. նա դռեց.

— Վ՛այ, վ՛այ... կը շինեմ, թող տաւր...

Կինը այս տեսնելով, ճիչ բարձրացրեց և վա-

զեց ազատելու իր այրիկը: Իշխանը թողեց մօ-
րուքը: Հրէան, որի զուլսը պատին զարկվելով,
ուշաթափ էր եղած, կրկին զգաստացաւ, և դեռ
աչքերը չը բացած, ասաց.

— Կը շինեմ, բայց քսան ոսկուց պակաս չեմ
առնի:

— Անպիտան, դու խօ առաջ փող չէիր պա-
հանջում, ասաց իշխանը ծիծաղելով:

— Ապա մօրուքս որ այսքան քաշեցիր, դա
ոչինչ չարժի, պատասխանեց հրէան ինքն էլ ծի-
ծաղելով:

Իշխանը զարմացաւ անամթութեան վրա:

— Ախար ձեր ծառան էլ ապտակ տուեց, աւե-
լացրեց նա,— անի, որքան ծանր է անիծվածի
ձեռքը...

Հարուճը այնպէս էր խօսում այդ բոլորի վրա,
կարծես, նա շատ կը վիրաւորվէր, եթէ նրան չը
ծեծէին: Ոսկիները նրան մոռանալ էին տուել
մարմնի ցաւերը: Նա ինդրեց իշխանից ցոյց տալ
թէ ինչ անուշներով և ինչ տեսակ կնիքներ է
կամենում:

Իշխանը հանեց իր ծոցից թղթերի մի մեծ
կապոց, որոնց վրա զրոյմված էին քառասունի
չափ կնիքներ զանազան ձևերով և զանազան
տառերով: Նրանց մէջ կային եպիսկոպոսների,
քահանաների, իշխանների, մէլիքների և տանու-

տէրների կնիքներ, հայերէն կամ պարսկերէն տառերով:

— Կրանցից մի քանիսը իմ ձեռագործն է, ասաց վարպետը ակնոյցները քնթի ծայրի վրա դնելով, և ուշի-ուշով քննելով կնիքները, — բայց սատանայի աշխատութիւն պէտք է այս բոլորին ճշտութեամբ նմանեցնելու համար:

— Մի և նոյն ժամանակ նա իր մտքում հաշուեց այն խոշոր գումարը, որ պիտի ստանար քառասուն կնիք փորագրելու համար, և սրտի հրճուանքը թագցնելով, հարցրեց.

— Թող իմ տէրը չը բարկանայ համարձակութեանս վրա, փողերը երբ կարող եմ ստանալ:

— Այժմ այս բողբոս, իսկ միւս կէսը՝ երբ աշխատութիւնը կը վերջանայ:

Հրէան առանց հարցնելու թէ ի՞նչ նպատակով է իշխանը փորագրել տալիս այդ կնիքները, սկսեց բացատրել այն բոլոր վտանգները, այն բոլոր աշխատութիւնները, որ ինքը յանձն է առնում իշխանի պատուէրը կատարելու համար: Նա ասաց, թէ ինքը ստիպւած կը լինի մի ամբողջ ամիս իր խանութը կողպել և տանը աշխատել, որովհետև այսպիսի աշխատութիւնը բազարում, հրապարակաւ չեն կատարում: Եւ այդ ժամանակ նա իրան կը ձևացնէ իբրև հիւանդ, տանը պառկած: Բայց որքան վնաս կը կրէ, երբ մի ամբողջ ամիս, դուցէ աւելի, նրա խանութը

կողպած կը լինի: Այդ ժամանակ նրա ոսկերչութեան առևտուրը պիտի դադարի: Բայց այդ բոլոր դժոգութիւնները յանձն է առնում Հարունը միմիայն արդարի սիրտը շահելու համար, միմիայն աղային մի «լաւութիւն» անելու համար:

— Ծնորհակալ եմ, պատասխանեց իշխանը, — բայց եթէ դու կը համարձակվիս այդ դատնիքը երևան հանել, զիտցած եղիլ, որ քեզ, այդ կնոջը և այն երկու երեխաներիս անպատճառ կը մտրթեմ:

— Այդ ես գիտեմ... պատասխանեց հրէան խորհրդաւոր ձայնով:

Սակարկութիւնը վերջացաւ: Իշխանը յանձնեց կնիքների օրինակները և այն գումարը, որ կանխիկ պիտի վճարէր: Պայլուն ոսկիները բոլորովին շլացրին Հարունի և նրա կնոջ աչքերը, որը դեռ նստած երեխաների մօտ, լուռ լուռ էր իր ամուսնի և պատուելի հիւրի խօսակցութիւնը:

Այդ ոսկիները իշխանը այն օր պարտքով էր վեր առել մի ազուլեցի հարուստ վաճառականից, այն պայմանով, երբ կտնկնայ, այն ժամանակ կը վճարէ: Բայց իշխանի որ և իցէ ժամանակ փող ունենալը շատ կատկածաւոր լինելով, վաճառականը սկզբում չը յօժարվեցաւ տալ: Բայց երբ իշխանը բռնեց նրա կոկորդից և սպառնացաւ զլուր կարել, ժլատը իսկոյն բաց արեց

քսակի բերանը: Հարուճը լսելով այդ պատմու-
թիւնը, ծիծաղելով բացականչեց.

— Ա՛յ, լաւ բան էք արել, Աստուած է վկայ,
չա՛տ լաւ բան է:

— Բայց եթէ մի այսպիսի լաւ բան քեզ հետ
անէին, դու, կարծեմ, շատ դո՛հ չէիր լինի:

— Օրհնած, ինձ մօտ ի՞նչ է մնացել. մի քա-
նի շահի ունէի, բոլորը կորցրի, ու՛մ սոււեցի, չը
կարողացայ յետ առնել. սովորս էլ գլխի հետ
կերան: Թո՛ղ հառամ լինի, հառամ...

Հրէան շարունակեց դանդաղովել իր դրութեան
վրա, թէ հազիւ է կարողանում ծայրը ծայրին
կպցնել. ժամանակը վատ է, ամեն ինչ թանգ է:
Այդ երեխաները նրան իսպառ կողոպտեցին,
ուտում են, ուտում և երբէք չեն կշտանում:
Այդ պատճառով շատ փօշմանել է իր ամուսնա-
նալու վրա, բայց ինքը մեղ չունի, ամենեին
միտք չունէր պսակվելու: Անիծվին հարևանե-
րը, հաւաքվեցան դօտով պսակեցին, և ինքը ըն-
կաւ կրակ—ցաւի մէջ...

Վերջին խօսքերը սաստիկ վերաւորեցին կնոջ
սիրտը, և նա մտաւնալով իր արեւելեան ամօթ-
խածութիւնը, թէ անվայել էր օտարների հետ
կամ օտարների մօտ խօսել,— շառաղուճած դէմ-
քով դարձաւ դէպի իշխանը, և կատաղութեամբ
ասաց.

— Սո՛ւտ է խօսում, շան նման սուտ է խօ-

սում... ևս գիտեմ, թէ սրտեզ են նրա փողերը...

Յետոյ նա սկսեց լաց լինել և արատաւքը
աչքերում պատմել, թէ ամբողջ օրերով մնում է
տանը քաղցած, երբ ամուսինը խանութից վե-
րադառնում է, հարցնում է, թէ ի՞նչու հաց չը
բերեցիր, նա միշտ պատասխանում է՝ «մոռա-
ցայ»: Եւ երբ ինքը շատ է խօսում, նա սկսում
է ձեծել:

— Սո՛ւտ կաց, կսթեր, քեզ ասում եմ՝ սո՛ւտ
կաց, անդադար կրկնում էր բարկացած ամու-
սինը:

— Չէ, սուտ չեմ կենայ, դու իմ այս տեղը
հասցրիր, և նա մատը դրեց իր կոկորդի վրա:

— Սուտ է խօսում, աղայ, ևս նրան երբէք
չեմ ձեծել. թող Աստուած իմ ձեռքը չորացնէ,
եթէ միանգամ գոնէ նրան ձեծած լինիմ:

— Չեն ձեծել, հէնց այսօր ձեծեցիր: Հիմայ
ցոյց կը տամ... ասաց կինը սպառնալից դէմ-
քով, և բոլորովին մտանալով իրան, մօտեցաւ
իշխանին: Նա գլուխը թեքեց, ցոյց տուեց իր
դեղեցիկ երեսը, որի վրա երևում էին մի քանի
կապոյտ նշաններ: Յետոյ նա շտապով բաց արեց
չապլքի օձիքը, մերկացրեց իր թիկունքը, այն-
տեղ ևս կային մի քանի կապոյտ նշաններ: Իշ-
խանը բոլորովին հիացաւ, տեսնելով այդ հա-
րուստ, սքանչելի մարմինը կեղտոտ ցնցոտիները
մէջ:

Բայց Հարունի բարկութեանը չափ չը կար-
նրա չիլ բիբերը բոլորովին թաղնվեցան աչքերի
կոպերի տակ: Նա իր մտքում ասում էր. «Նիմայ
խօ կը դնայ այդ մարդը, ես այն ժամանակ քո
կապուտակների թիւը կրկին կաւելացնեմ»...

Եսթերը, կարծես, գուշակեց նրա միտքը և
կնիկների սովորական թուելութեամբ, տեսնե-
լով իր առջև մի գերազանց ուժ, աշխատեց նրա
մէջ պաշտպանութիւն գտնել ամուսնի բռնու-
թեան դէմ:

— Դու զրա վիզը կը կտրես, երբ միւսանդամ
կը ձեռէ ինձ, այնպէս չէ, հարցրեց նա իր գե-
ղեցիկ, անբախտութեամբ լի աչքերը դարձնելով
դէպի իշխանը:

Իշխանին խիտ անախտրժ էր դատաւոր լինել
մի այսպիսի ընտանեկան կռիւի, բայց մանկա-
հասակ կնոջ վրդովմունքը, նրա թշուառութիւնը
և ձերունի ամուսնի անդթութիւնը այն աստիճան
ազդեցին նրա վրա, որ պատասխանեց.

— Կը կտրեմ...

Ծերունի հրէան սարսափեց:

— Եսթեր, ի սէր Աստուծոյ, գոչեց նա ողբալի
ձայնով, — ես աղբ կուտեմ, գլուխս քարին կը
տամ, ես քեզ էլ չեմ ձեռի, ինչ որ ուզես կառ-
նեմ, միշտ իւզ, մեղը, փլաւ կուտացնեմ...

Եսթերը այս խօսքերից ուրախացաւ և մի զը-
րաւիչ ժպիտով, որի մէջ արտայայտուում էր և՛

ակնածութիւն և՛ շնորհակալութիւն, մօտեցաւ իշ-
խանին, և բռնելով նրա աջը, սեղմեց իր վար-
դագոյն շրթունքի վրա: Կնոջ վարմունքը ամենե-
ւին օտարտօսի չը թւեցաւ նրա ամուսնին, որով-
հետև այս կողմերում սովորութիւն էր կնիկներին
ի նշան յարգանքի համբուրել տղամարդերի ձեռքը:

Հարունը ճշմարիտ էր ասում, որ ինքը ակա-
մայ ամուսնացաւ: Ֆողի սէրը բոլորովին կուլ էր
բոււել նրա սիրտը. կնոջ համար ոչինչ չէր մնա-
ցել: Վաթսուն և հինգ տարեկան հասակում նա
ամուսնացաւ տասն և վեց տարեկան Եսթերի
հետ: Աինը այժմ քսան և մէկ տարեկան էր, իսկ
ինքը բոլորովին ձերացած: Խանդոտ ձերունին
պահում էր Եսթերին իր այրի քրոջ պահպանու-
թեան ներքոյ, որը սատանայի նման հսկում էր
նրա վրա: Այս գիշեր մի դիպուածով նա տանը
չէր, գնացել էր իր աղջկայ մօտ: Եթէ տանը լի-
նէր, Եսթերը նրա մասին էլ շատ դանգամներ
կանէր իշխանին: Այդ պատաւը նրա հոգին առ-
նում էր, չէր թողնում ջահել տղերքի հետ խօսի,
չէր թողնում մենակ անից դուրս գնայ... Եսթե-
րը շատ անբախտ էր, Եսթերը մի լաւ օր չէր
տեսնում... Յուզիթների այդ գեղեցիկ, մանկա-
հասակ քոյրիկը այրվում, տանջվում, խորովում
էր երկու պառաւանքի ճանկերի մէջ... և նրա
սրտի բոլոր տանջանքները կարելի էր նկատել
նրա վշտացած, գունաթափ դէմքի վրա:

Գիշերից բաւական անցել էր: Այժմ Հարունին անհանգստացնում էր ոչ թէ կնոջ անդամութիւնը, այլ գլխաւորապէս այն միտքը, թէ ի՞նչ պէտք էր անել անտանելի հիւրի հետ: Պահել նրան իր տանը չէր կարող, իսկ այն ուշ, գիշերային պահուն դռները բաց անել նրա առջև, այդ ոչ միայն անկարելի էր, այլ իր երկրի հիւրասիրական սովորութիւններին բոլորովին հակառակ: Բայց ինչով հիւրասիրել նրան: Չը նայելով որ այն օր ուրբաթ էր, չը նայելով որ ուրբաթ օրը ամեն մի հրէայի տնում նախապէս պատրաստվում են շաբաթվայ բոլոր կերակուրները, իսկ իր տնում ոչինչ պատրաստութիւն չը կար: Ուրեմն, պահելով հիւրին իր տանը, նա պիտի արդարացնէր Նսթերի գանգատը, թէ հրէաների մէջ ամենահարուստ ամուսինը իր կնոջը քաղցած էր պահում: Այս պատճառով Հարունը շատ ուրախ եղաւ, երբ իշխանը հրամայեց նրան յայտնել ծառաներին, որ ձիաները պատրաստեն:

— Միթէ իմ տունը արժան չէ՞ ձեզ մի գիշեր անցկայնելու համար, ասաց նա կեղծ քաղաքավարութեամբ:— Այժմ ուր կարող էք գնալ, շատ ուշ է:

— Չեմ կարող մնալ, պատասխանեց իշխանը:

— Մ'նայէք, ինչդուրս եմ... աղաչում էր Նսթերը այնպիսի մի ձայնով, որ կարող էր ազդել ամեն մի երկտատարդ սրտի վրա:

Հարունը թեքվեցաւ և այնպէս պարզ փսփսաց կնոջ ականջին, որ բոլորը լսեց իշխանը:

— Դու չես հասկանում, յիմար, որ հրէայի տունը, հրէայի հացը պիղծ է քրիստոնեայի համար:

— Ես նրա համար մաքուր անկողին կը պատրաստեմ, ասաց կինը լսելի ձայնով, ուշադրութիւն չը դարձնելով, որ այրը նրա հետ ծածուկ է խօսում:

— Ծնորճակալ եմ, Նսթեր, ասաց իշխանը դառնալով դէպի կինը, — ցաւում եմ, որ չը պիտի կարողանամ մնալ. մի անհրաժեշտ գործ ստիպում է ինձ հեռանալ այստեղից: Բայց խօսք եմ տալիս, երբ միւսանգամ կը գամ կնիքները ստանալու, գիշերը հիւր կը մնամ ձեզ մօտ:

Հարունը առանց սպասելու իշխանի հրամանին, դուրս եկաւ խրճիթից ծառաներին պատուիրելու, որ ձիաները պատրաստեն: Այդ միջոցին Նսթերը մօտեցաւ իշխանին, և նրա աջը բռնելով իր դողդոջուն ձեռքերի մէջ, կրկին սեղմեց իր վառված շրթունքները վրա, ասելով.

— Ես ձեզ շատ բաներ ունէի խօսելու... խիստ շատ բաներ... Ափսոս, որ չը մնայիք...

Խեղճ կնոջ աչքերում երևացին արտասուքի կաթիլներ:

Գրտից լսելի եղաւ Հարունի հաղալու ձայնը,

որ նշան էր, թէ անա գալիս եմ: Այնը հեռացաւ իշխանի մօտից:

— Լսում ես, Հարուն, ուղիղ մէկ ամսից յետոյ կնիքները պէտք է պատրաստ լինեն, քառասուն հատ:

— Լսում եմ, աղայ, միամիտ կացէք: Հարունը մի աշխատութիւն էր. յանձն առեց, իր ժամանակին կը կատարէ:

— Մնացէք բարեաւ, Նսթեր:

Այր և կին դուրս եկան հիւրերին ճանապարհ դնելու: Երբ նրանք փոքր ինչ հեռացան, Հարունը ասաց Նսթերին.

— Նս էգուց ասաւօտեան քո հոգին կառնում...

— Կանչեմ... կանչեմ աղային... սպառնացաւ կինը բարկանալով:

— Չէ... չէ... մի կանչիր, թէ Աստուած կը սիրես, մի կանչիր...

— Տես, այդպէս կատու կը դառնաս...

Գ.

Մինչև հրէան կը պատրաստէ կնիքները, ես կը պատմեմ մի անցք, որ պատահեց մօտաւորապէս տասն և հինգ տարի առաջ:

Սէֆէվիների ժամանակ, երբ աֆղանները արեւելքից օր ըստ օրէ զօրանում էին, երբ պարսից հարաւային երկրների մի մասը անցաւ օսմանցիների ձեռքը, — այդ ժամանակ Պարսկաստանի

արեւմտեան մասնում, մանաւանդ Ասրպատականում շահերի իշխանութիւնը բոլորովին թուլացաւ: Խաներից շատերը սպստամբկեցան և կազմեցին զանազան մանր, անկախ իշխանութիւններ: Այդ խաներից մէկն էր Փայտակարանի (այժմեան Ղարաղաղի) Բարգիւշադ գաւառի Ֆաթալի խանը: Նա մի ազնուական էր աննշան տոհմից, որ իր ամբողջ կեանքում պարագել էր աւազակութեամբ և ասպատակութիւններով: Նուաճելով Բարգիւշադի բոլոր թուրք բէկերին, Ֆաթալի խանը, ոչ միայն այդ գաւառի բռնապետը դարձաւ, այլ մտածում էր տիրել ամբողջ Ղափանին: Եւ այն գաղանը, որ առաջ իր փոքրիկ խումբով մեծ ճանապարհների վրա միայն քարվանսներ էր կողոպտում, այժմ սկսեց անազին խումբեր կազմել և ամայի դարձնել հարեան երկրները:

Ամասնային ամիսներից մէկն էր:

Ֆաթալի խանը, թողնելով Ղափանի ջերմ տափարակները, իր Չալարիան կոչված խաչնորած ցեղի հետ, անցել էր Փայտակարանի հովասուն և անտառապատ լեռների վրա ամառը անցկացնելու համար:

Վիշեր էր: Հովիւների բոլոր վրանները պատած էին թանձր խաւարով. միայն խանի կանանոցը կազմող շտորների մէջ վաւժում էին մի քանի գունաւոր լապտերներ: Այդ շտորներից

զգոյշ և յուշիկ քայլերով դուրս եկան երկու հոգի, որ փաթաթված էին լայն վերարկունների մէջ: Մէկը գնում էր առաջ, իսկ միւսը հետեւում էր նրան: Մի փոքր հեռանալով կանանոցից, նրանք անհետացան գիշերային մթութեան մէջ:

— Չեռքդ տուր ինձ, տիկին, ասաց նրանցից մէկը, որը, երևում էր, տղամարդ էր, — այդ ճանապարհը անծանօթ է քեզ, դու անդադար սայթաքում ես:

— Շնորհակալ եմ, Ահմէդ, այսպէս էլ կարող եմ գնալ, պատասխանեց մի վշտալի կանացի ձայն, — դու միայն առաջ գնա և ճանապարհը ցոյց տուր ինձ:

Նեղ շաւիղը, որի վրայով անցնում էին նրանք, տեղ-տեղ կորչում էր թուփերի և մացառների մէջ: Մակոտող փուշերը պատառոտում էին նրանց հագուստը և երբեմն ծւառում էին նրանց մարմինը, բայց նրանք, կարծես, ոչինչ չէին զգում և շարունակում էին իրանց ճանապարհը: Անցնելով մի քանի կիրճեր, մի քանի դժուարին տարուփոսեր, նրանք հասան մի տեղ, ուր լժան քարաժայռերը գոգաւորվում էին, կազմելով այրի նման մի անազին խողով: Նրա մուտքի առջև պառկած, խռմիւղում էին մի քանի պահապաններ: Տիկինը կանգնեց փոքր ինչ հեռու, իսկ նրա ուղեկից տղամարդը մօտենալով, զարթեցրեց պահապաններից մէկին:

— Բաց արա դուռը, ասաց նրան հաղիւ լսելի ձայնով:

Այդ դուռ կոչվածը մի անազին սալ էր, որով փակած էր այրի նեղ մուտքը: Ուժեղ պահապանը, թիկն տալով, մի կողմ գլորեց ծանր սալը և մուտքը բացվեցաւ: Այդ միջոցին տիկինը, աւելի զգոյշ կերպով փաթաթվելով իր այրացի վերարկուի մէջ, մօտեցաւ այրին և ներս մտաւ: Նրա հետ եկող տղամարդը, որ կանանոցի ներքինապետն էր, պատուիրեց պահապանին հսկել մուտքի մօտ և ոչ ոքի ներս չը թողնել: Պահապանը, որի ամեն ձեւերից երևում էր ակնածութիւն և խոնարհութիւն դէպի այդ մարդը, խոստացաւ, թէ կը կատարէ նրա հրամանը:

Այրի մէջ տիրում էր մթին խաւար: Արթնս, նրանք իջնում էին մի ստորերկրեայ տարտարնի մէջ: Մի քանի քայլ առաջ գնալուց յետոյ, տղամարդը կանգնեց, և չախմախը զարկելով կայծքարին, վառեց արեթը, որով կպցրեց ծածուկի մէջ թաթախած լուցկին, և նրանով վառեց ձեռքի փոքրիկ լապտերը, որ իր հետ ունէր բերած: Մռայլ լոյսը տարածվեցաւ այրի մթին կամարների մէջ: Այդ ստորերկրեայ զնդանը ոչ խարների աղբւլ էր *), ուր պատասպարվում էին

(*) Աղբւլ կոչվում են այն գոմերը, որ զբոսաբերները լեռների մէջ և ծառայում են որպէս անասունների փարախ տարվայ ցուրտ և

հովիւներէի հօտերը աշնան և ձմեռվայ փոթորիկներէի ժամանակ, իսկ ամառը մնում էր դատարի: Այդ ժամանակ ոչխարները այսպիսի մթին, խեղդված խորշերի կարօտութիւն չունէին, լեռներէի արձակ, բացօթեայ կեանքը աւելի լաւ էր նրանց համար: Անասուններէի այդ խաւար պատսպարանը այժմ ծառայում էր որպէս մարդիկներէի գնդան: Խանը այնտեղ էր բանտարկում իր կալանաւորներին: Նա կատարելապէս լաւ բիրնթոսի ձև ունէր. մի աճագին գետնափոր խոռոչ, ուղորմուր պտոյտներով, տարածվել էր ժայռերի սրտի մէջ: Անասուններէի բորբոսած ապականութիւնը, ամբարվելով այնտեղ, աւելի անտանելի էր դարձնում առանց օդի և լոյսի այրը, ուր տիրում էր մշտական կոնսաւութիւն, խեղդող ժահհոտութեան հետ:

Տղամարդը ձեռքի փոքրիկ լապտերով դուրսաւորում էր այրի մուտքը և խարխափելով առաջ էր գնում, իսկ տիկինը հետևում էր նրան: Նրանք հասան մի տեղ, ուր այրի նեղ անցքը լայնանում էր, կազմելով մի ընդարձակ քարանձաւ: Այտտեղ ներկայացաւ նրանց առջև մի սարսափելի տեսարան: Մօտ երկու հարիւր բանտարկեալներ, աւանձին զաթաւնեքով,*)

գանակներէի ժամանակ. նրանք ըստ մեծի մասին լինում են բնական այրեր:

*) Ղ ա թ ա բ. նշ. չարք, այսպէս է կոչուում,

պառկած էին սառն և խոնաւ գետնի վրա: Իւրաքանչիւր զաթարը բաղկացած էր քսան հոգուց: Մի երկայն շղթայ, որի ծանր օղակները անց էր կացրած նրանց պարանոցով, կապում էր բոլորին միասին: Շղթայի այն օղակը, որ անց էր կացրած նրանց պարանոցով, աւելի լայն էր մըւններէից և ետեից ամրացրած էր երկաթէ կողպէքով: Այդ մի սոսկալի դրութիւն էր ողորմելի կալանաւորներէի համար: Երեակայեցէք, քսան մարդիկ համարեա կարված են մինը միւսի հետ: Բոլորի պարանոցները մի և նոյն շղթայով կապված լինելով, նրանք ստիպված էին միասին կանգնել, միասին նստել, միասին պառկել, մի խօսքով, ամեն շարժում պէտք է միասին դործէին, այլ կերպ անհնարին էր: Որովհետև, եթէ մէկը պառկէր, երբ միւսները նստած էին, կարող էր խեղդվել. եթէ մէկը կանգնէր, երբ միւսները պառկած էին, նոյնպէս կարող էր խեղդվել:

Մի ծանր սոսկում տիրեց տիկնոջ սրտին, երբ նա տեսաւ այդ թշուառ, դատապարտված բազմութիւնը: Նրա աչքերի առջև սեպցաւ և փոքր էր մնում, որ ուշաթափ լինէր: Նա թիկն տուեց քարանձաւի պատին և մի քանի բոպէ մնաց անշարժ, խորին սրտմութեան մէջ:

Երբ ուղտերին, ջորիներին և ձիաներին, թոկով կապելով միմեանց, խումբեր են կազմում:

Տեանելով լաւատէրի լոյսը, բանտարկեալներէց մի քանիսը շարժվեցան. նրանք բարձրացրին իրանց գլուխները և կրկին դրեցին խոնաւ գետնի վրա, չը կամենալով զարթեցնել իրանց մօտ պառկած ընկերներին:

Տիկնոջը դժուար էր ճանաչել իր ծպտեալ հագուստի մէջ. նա նմանում էր մի գեղեցկադէմ պատանու, որի նմանները խիստ շատ էին խանի մանկլաւիկների թւում: Երբ նա մի փոքր ուշի եկաւ, նրա ուղեկիցը մօտեցաւ, ասելով.

— Մենք ուշանում ենք...

Երկուսը միասին մօտեցան շղթայակապների մի խումբի, որ գտանվում էր քարանձաւի խորին անկիւնում: Նրանցից մէկը վիրաւոր էր: Տիկինը գթութեան քրոջ ցաւակցութեամբ սկսեց բաց անել նրա վէրքի փաթեթները: Կա մի պատանի էր, որ հազիւ քսան տարեկան կը լինէր: Նուաղած, արիւնաքամ եղած այդ մանուկը, պատերազմի դաշտում ընկած Արայի նման, յանկարծ կեանք ստացաւ, երբ իր Շամիրամի դիւթական մասները դիպան նրա մարմնին: Վէրքը գտանվում էր գլխի վրա. թշնամու սուրը խորին սպի էր թողել նրա գագաթի վրա: Տիկինը սկսեց լուանալ վէրքը և սրբել մաքուր կտաւով: Նրա հետ եկող տղամարդը սպեղանի դրեց, իսկ տիկինը դարձեալ փաթաթեց վիրակապներով: Այդ բոլոր գործողութիւնը կատար-

վում էր լուռ և անխօս կերպով: Բայց ոչ ոք չը կարողացաւ նկատել այն բողբոս, երբ տիկնոջ հողատար մասները զբաղված էին վիրաւորի փաթեթներով, պատանու գունաթափ շրթունքները տենդային շերտութեամբ սեղմվեցան իր խնամակալի ձեռքի վրա: Այդ ամենաթանգազին վարձատրութիւնն էր, որ ստացաւ նա իր գիշերային այցելութեան համար: Նա պատրաստ էր գրկել, համբուրել այդ գեղեցիկ, շղթայակապ վիրաւորին, բայց խեղդելով իր մէջ սիրոյ բուռն զգացմունքը, ախուր, սպանված սրտով վեր կացաւ նա, ասելով հիւանդին.— քո վէրքը հիմա բաւական լաւացած է, ես ամեն գէշեր կայցելեմ քեզ մօտ, մինչև բոլորովին կառողջանաս:

— Իմ վէրքը... կոչեց հիւանդը դառն հառաչանքով.— իմ վէրքը կը մնայ անբուժելի... նա այնքան խորն է, որ բժշկի ձեռքը հազիւ թէ կարող է շօշափել այնտեղ...

Պատանու խօսքը իր սրտի վէրքի մասին էր: Տիկինը պատասխանեց.

— Ես այն էլ կը բժշկեմ...

Նա վերջին անգամ իր գեղեցիկ, արտասուքով լի աչքերը դարձրեց դէպի պատանին և անցաւ մի քանի ուրիշ հիւանդների մօտ: Բոլորը վիրաւորներ էին: Տիկինը իր ձեռքով փոխում էր նրանց փաթեթները, իսկ նրա հետ եկած տղա-

մարդը սպեղանի էր դնում: Որպէս միջիթարու-
թեան հրեշտակ, ամեն տեղ հանդիպում էր նա
օրհնութեան և խորին շնորհակալութիւնների:
Շատերը բռնում էին նրա հագուստի փէշերը և
համբուրում էին: Այդ հիւանդ, քաղցած, ծարաւ
բազմութեան կեանքը կախում էր այդ տիկնոջ
առաքինութիւնից: Նրանք բազմին էլ կը մեռ-
նէին իրանց խոնաւ, միջին գերեզմանի մէջ,
եթէ այդ կինը չը լինէր:

Երբ ամեն հոգածութիւններ վերջացած էին,
տիկնոջ ուղեկիցը մի քանի անգամ դարձաւ դէպի
նա, շտապեցնելով, թէ ժամանակ է հեռանալու:
Բայց նա, կարծես, դժուարանում էր մի քայլ
անգամ փոխել, կարծես, մի ներքին, գաղտնի
զգացմունք կապում էր նրան այդ հոտած քա-
րանձաւի հետ, որի օդը խեղդելու չափ անտա-
նելի էր: Նա աւելի ուրախ կը լինէր այնտեղ
մնալ, նայել և միշտ նայել այն սիրուն պատա-
նու վրա, որի գունաթափ շրթունքների ջերմ
գրոշմը դեռ զգում էր իր ձեռքի վրա:

Մի զիւ, ձգական ձայն լսելի եղաւ դրսից: Տի-
կինը ամբողջ մարմնով դողաց: Գա վազորդեան
ազանի ձայնն էր: Եր նշանակէ, նա շատ էր ու-
շացել քարանձաւի մէջ. պէտք էր շտապել, հե-
ռանալ որ ոչ ոք չը տեսնէ:

Գրսի թարմ, հովասուն օդը փոքր ինչ կազ-
դուրեց տիկնոջ բոբրոքված սիրտը և նրա թու-

Քառորդ ժամ հազիւ էր անցել, սի՛ արարած
ստուերի նման անցաւ տիկնոջ վրանի ետեւի կող-
մը: Նրա սև մարմինը բուրբուլին մրախառնվում
էր գիշերային մթութեան հետ: Նա գաղանները
անշունջ քայլերով մօտեցաւ վրանի ցիցերից
մէկին և զօրեղ ձեռքով դուրս քարշեց: Պարանը
թուլացաւ: Հետևապէս թուլացաւ վրանի պատ-
տառի այն մասը, որ ձգված էր այդ պարանով:
Նա կուրծքի վրա սողալով, մօտեցաւ վրանին
և ձեռքով զգուշութեամբ բարձրացրեց նրա ան-
ջրակտը, որ բաժանում էր տիկնոջ քնարանը
վրանի միւս մասներից: Այս բացուածքից հազիւ
կարող էր մի կատու անցկենալ: Նա իր ահագին
զուլէը ներս տարաւ: Քնարանի մէջ վառվող
լապտերի լոյսը, ընկնելով նրա երեսի վրա, երե-
ւան հանեց խափշիկի այլանդակ կերպարանքը:
Նա կամաց-կամաց սկսեց առաջ սողալ: Նրա
մերկ մարմինը մինչև մէջքը արդէն անցել էր
քնարանի մէջ: Այդ միջոցին երկու ձեռքերը, օ-
րանգուտանի երկայն թաթերի նման, զրեց յա-
տակի վրա, և զուլսը վեր բարձրացնելով, քննա-
կան կերպով աչք ածեց դէպի քնարանի շուրջը:
Այդ դրութեան մէջ նմանում էր նա մի քած
շան, որի ահագին ստինքը հասնում է մինչև գե-
տին ծնունդից յետոյ: Եւ իրաւ, խափշիկը կին
էր: Պահպանելով իր դիրքը, նա սկսեց ուշա-
դրութեամբ ականջ դնել տիկնոջ շնչառութեանը,

առանց մի գծեթե հնչիւն անդամ փախցնելու իր սուր լսողութիւնից: Այդ քնած մարդու շնչառութիւն էր: Խափշիկի սև դէմքի վրա վաղեց մի վայրենի ծիծաղ և նրա հաստ շրթունքները կրճկուեցան, երևան հանելով սպիտակ, մեծ ատամները: Նա սկսեց առաջ սողալ և այժմ ամբողջ մարմնով գտանվում էր քնարանի մէջ: Նա բռնորովին հաղուստ չունէր, սպիտակ կտակից մի սիւնաձանեկիք միայն ծածկում էր նրա մերկութիւնը: Սատանայի զգուշութեամբ մօտեցաւ նա տիկնոջ անկողնին և չար դեի նման կկղեցաւ նրա կողքին: Արանի բոլոր վարագոյցները ձգած էին. քնարանի մէջ բաւական տաք էր և օդը խեղդված: Տիկինը կիտով չափ յետ էր ձգել իր վերմակը, նրա սքանչելի կուրծքը և ձոխ ուսերը մնացել էին բաց: Նրա փոքր ինչ շառագունած երեսը համարեա սքողված էր խիտ ծամերի տակ, որ ծածկելով պարանոցը, տիւրիւ էին մախմուրէ ծաղկաւոր բարձի վրա: Սև դեը մի առանձին դրժոխային մոլեգնութեամբ դեռ նայում էր երեսխաչի սէս քնած կնոջ վրա: Նրա տախակ քթի ծակերը անհանդիստ շնչառութիւնից լայնանում էին և արագաչարժ աչքերի սպիտակուցը շողողում էր երեսի խաւար մակերեոյթի վրա: Նա ներկայացնում էր մի դողան, որ դո՞ր իր ձանկերի մէջ ունի: Նա իր ձեռքը մեկնեց և սկսեց անզգալի կերպով յետ քաշել սիւնված ծամերը

տիկնոջ պարանոցի վրայից, կարծես, այդ խիտ, մետաքսանման ծամերը արգելում էին նրան կատարելու մի եղեռնական դործողութիւն: Նա այժմ իր երկու ձեռքերը տարաւ դէպի տիկնոջ պարանոցը և վայրենի կատաղութեամբ պատրաստվում էր խեղդել նրան, յանկարծ վրանի միւս մասնից լսելի եղաւ մի ձայն.

— Ահմէդ... Ահմէդ...

Դա տիկնոջ աղախնի, փէրիի ձայնն էր, որ քաղցր երազների հրապուրանքի մէջ, կանչում էր իր սիրելի Ահմէդին: Բայց որովհետև նոյն անունով կոչվում էր և կանանոցի ներքինապետը, խափշիկը կարծեց, թէ նրան օգնութեան է կանչում:

— Ա՛խ, Ահմէդ... կրկին լսելի եղաւ աղախնի ձայնը:

Խափշիկը սարսափեց. կանչում էին Ահմէդին, կանանոցի սոսկալի պահապանին: Նա սկսեց աճապարել, որ չը բռնվի: Եւ հանելով իր սիւնաձանեկիքի միջից մի սուր մկրատ, շտապեց նրանով կտրել տիկնոջ կոկորդը: Բայց երկիւղը և խռովութիւնը այն աստիճան չլիովել էին նրան, որ սխալվեցաւ իր դործողութեան մէջ. — փոխառակ կոկորդը կտրելու, կտրեց տիկնոջ ծամերից մի քանի հիւսեր:

Նա վազրի արագութեամբ, դարձեալ սողալով, դուրս թռաւ. քնարանից և աներևութացաւ կանանոցի բաղմաթիւ չաղրների մէջ:

Ե.

Առաւօտ էր: Արեգակի սուաջին ճառագայթները կորչում, անհետանում էին մխրադոյն մառախուղի մէջ, որ պատել էր Ղարաղաղի լեռների գագաթները: Խիտ անտառները դեռ մրափում էին գիշերային մռայլի մէջ: Մտեր չէին երևում: Սար, դաշտ և հովիտ ընկղմուած էին մի լաջնատարած, մառախլապատ ծովի մէջ:

Հեռուից սև բծերի նման երևում էին Չալաբխանլիների *) օբաները: Ամեն մի գիւղի հովիւները, առանձին խումբեր կազմելով, տարածել էին իրանց չատրները այդ լեռների ձօխ, խոտաւէտ արօտամարգերի վրա: Մի լեռնադաշտի վրա ցրված էին ցեղի պետի, Ծաթալի-խանի, չատրրները: Նրանք թէ իրանց ձևով և թէ նիւթով, որից պատրաստված էին, դանազանվում էին հասարակ մահկանացուների չատրներից. նրանք աւելի փառաւոր, բարձր և ընդարձակ էին:

Խանը դեռ քնած էր: Նրա բազմաթիւ կնիկները, վաղուց արդէն զարթնելով, զբաղված էին իրանց անտեսութիւնով: Վրանների առջև, բայց օդի մէջ, օջախները ծխում էին: Այդ օջախ-

*) Չալաբխանլիների ցեղը մինչև այսօր կայ Ղարաղաղի մէջ և յայտնի է որպէս մի վայրենի և աւազակարարոյ ժողովուրդ: Նրանք կազմում էին պարսից հեծելազօրքի քաջ և ամենաբնորոք մասը:

ների կազմութիւնը խիտ պարզ էր. հարթ գետնի վրա շարված էին երկաթեայ՝ եռոտանիներ, որոնց տակին կրակ էր վառվում և տաքացնում էր նրանց վրա դրած մեծ և փոքր կաթսաները:

Ամբողջ փայտակարանի բռնապետի կնիկները, որոնք ամեն յարմարութիւն ունէին իրանց տընտեսութեան մէջ բոլոր աշխատութիւնները աղախինների ձեռքով կտտարելու, բայց զարձեալ հաւատարիմ մնալով աւանդական սովորութիւններին, իրանց գարծը իրանց ձեռքով էին կտտարում: Քաղաքակրթութեան բացակայութիւնը ազատ էր պահել նրանց տանտիկնոջ թէ քնքշութիւնից և թէ ծուլութիւնից: Բայց պէտք է նկատել, որ աշխատում էին պառաւները միայն, իսկ աւելի մանկահասակները կամ դեռ քնած էին, կամ զբաղված էին իրանց առաւօտեան զարդարանքով:

Չատրները, որոնց մէջ զետեղված էր կանանոցը, բոլորովին առանձնացած էին խանի միւս վրաններից: Նրանք թւով քսանից աւել կը լինէին, որոնց իւրաքանչիւրը յատկացրած էր նրա կնիկներից մէկի բնակութեան համար: Ազուլեցի հայ վաճառականների Սպահանից և Հնդկաստանից բերած թանդաղին փարչաները զարդարում էին այդ շքեղ օթեակները, որոնց մէջ ապրում էին երկրի ամենազեղեցիկ կնիկներից ընտրեալները:

Չատրները կիտաբուրաակի ձևով շարված էին մինը միւսի մօտ, թողնելով մէջ տեղում հրապարակի նման ընդարձակ տարածութիւն: Խոտերը այդ տարածութեան վրա կոխվելով, բոլորովին սեպել էին և կպել գետնին: Այստեղ խառնափնթոր կերպով շարվում էր, վրժվրժում էր և խլրավում էր մի ամբողջ լէդէօն: Այստեղ կարելի էր տեսնել մի բազմութիւն ամեն ազգից և ամեն գոյնի.— սևամորթ և սպիտակամորթ աղախիճներ, ներքինի ծառաներ, Աֆրիկայի խորքերից բերած սև սպասաւորներ, խառն ահազին դամիւնների և նիհար որսորդական բարակների հետ: Գնչուների կատարեալ թաքուն էր դա:

Կանանց հագուստը շատ սրբոյ էր, երեք կտորից միայն բաղկացած՝— շապիկ, շալվար և թիկնոց: Նուրբ, թափանցիկ կերպասից կարված, կարճիկ շապիկը հազիւ սքոզում էր կիսաբաց կուրծքը և իջնում էր մինչև այնտեղ, ուր փորը բաժանվում է մարմնի մի այլ մասնից: Յետոյ սկսվում էր շալվարը, որ մեր կանանց իւրիպայի տեղ էր ծառայում: Նա կարված էր մետաքսեայ խառայից, զարդարած ոսկէհուս ծաղիկներով և հասնում էր մինչև ձեկները միայն, բոլորովին մերկ թողնելով ոտների լիքը և հաստիկ սրունքները *): Շալվարի ստորին եզերքը, չորս մաս

*) Լիքը սրունքները դեղեցկութեան մի նշան համարվելով, մահմետական կնիկները արհեստա-

լայնութեամբ, նոյնպէս զարդարած էին ոսկէ թելերով: Շապիկի վրա հազած ունէին կարճիկ թիկնոցը, որ սեղմված էր մէջքի վրա և մեր կանանց բէզրուկալիկի ձևը ունէր: Թիկնոցները ըստ մեծի մասին կարված էին թանգազին մանիչակագոյն և վարդագոյն թաւիչից և նախշած դարձեալ ոսկէ թելերով: Աղախիճները կրում էին իրանց տիկիներէրի հին հագուստը, որոնց մի կամ երկու անգամ էին հազել: Կարծես, այդ թիկնոցների նման նախշուն և խայտաճամուկ արարածները, զեռնոր էին դուրս եկել կնոջ այն դրութիւնից, երբ նա իր մերկութիւնը ծածկում էր թղնուտ տերկներով: Բայց ոչ, հագուստի այդ ձևը հարեմական հանճարի, հարեմական հեշտասիրութեան արդիւնք էր, որ երևան էր հանում մերկ կուրծք, մերկ սրունքներ և մերկ բազուկներ: Անոջ մարմնի այդ մասերը միշտ կարող էին զրգուել վալաշոտ կրքեր, որոնք թուլացած, բթացած էին հարեմի իշխանի մէջ, որը միայնակ տիրում էր կնիկների մի ահազին երամակի վրա:

Աւելի խորհրդաւոր նշանակութիւն ունէին նրանց միւս զարդարանքները: Թանգազին ակներով զարդարած, պարանոցի մանեակները ունէին

կան կերպով հաստացնում են նրանց, վերելից միշտ պլինդ կապած ունեհաւով, և արիւնը բնականաբար հաւաքվելով ոտների ստորին մասներում, հաստացնում է սրունքները:

իրանց շարքում մի տեսակ, ոսկուց շինած խո-
 ղովակածն թելիսման, որի մէջ գրած էին կա-
 խարդական բժժանքներ: Թէ բազուկների վրա,
 թէ թևքերի վրա (արմուկներից դէպի վեր) բոլոր-
 ըն էլ ապարանջաններ ունէին, այն զանազա-
 նութեամբ, որ թևքերի ապարանջանները կրում
 էին հագուստի վրայից, իսկ բազուկներինը մար-
 մնի վրա: Բացի դրանից, թևքերի ապարանջան-
 ները զարդարած էին գոյնզգոյն յուււններով,
 որոնք դիւթական նշանակութիւն ունէին: Մատա-
 նիններին թիւ չը կար, բացի դրանից, բոլորի ոտ-
 ների մերկ սրունքները նոյնպէս զարդարած էին
 գոյնզգոյն յուււններով: Մի քանիսը ունէին հա-
 մա յիւն եր, այսինքն ակներից ոսկուց և մար-
 գարիաներից հիւսված մի զարդ, որ գեներալների
 ժապաւէնի նման ձգել էին իրանց ուսից և կա-
 պել աջ թևքի տակ: Այնը, որպէս մի կախար-
 դական էակ, բառի բուն նշանակութեամբ, իր
 զարդերի մէջն էր ամփոփել իր բոլոր գորու-
 թիւնը *): Այդ զարդերը ոչ միայն աւելի փայլ
 էին տալիս նրա գեղեցկութեանը, այլ պահպա-
 նում էին նրան չար աչքից, սիրելի էին կացու-
 ցանում նրան իր իշխանի աչքում և ազատ էին

*) Պարսից լեզուում ամբողջ դրքեր կան գըր-
 ված, որոնք բացատրում են այս և այն գոհարի,
 այս և այն մետալի կախարդական նշանակու-
 թիւնը:

պահում միւս կնիկների նախանձից ու նենգա-
 ւոր որոգայթներից: Արեք հայ ոսկերիչներ,
 իրանց աշակերտների հետ, խանի բանակի մէջ,
 անդադար դործում էին նրա կնիկների զարդա-
 րանքի համար, որ լսվում էր ամբողջ գաւառ-
 ների եկամուտը:

Չաարների այդ խումբը, որ յատկացրած էր
 կանանոցի համար, բոլորովին անմատչելի էր:
 Նա շուրջանակի պատած էր բարձր ալա չ ու լ-
 զ ո վ, *) որ կոչվում էր ս ա Ր ա յ Վ Է Ր դ ա յ,
 այսինքն սէրալի վարագոյր: Այնտեղ կարող էին
 մուտք դործել միայն ներքինիները և սեամորթ
 ստրուկներն ու ստրիկահիբ:

Այն առաւօտ կանանոցի հրապարակի վրա
 կատարվում էր մի արտակարգ շարժողութիւն:
 Բոլորը զբաղված էին մի մեծ պատրաստութիւ-
 նով: Աղախիներից մի քանիսը նստած էին
 մերկ գետնի վրա, բոլորել էին անաղին, երկա-
 թեայ կասկարայի շուրջը: Նրանցից մէկը ալիւր
 էր մաղում, միւսը փայտեայ տաշտի մէջ խմոր
 էր հունցում, երրորդը խմորից գնդակներ էր շի-
 նում, չորրորդը գնդակները հարթ տախտակի
 վրա դնելով, փայտեայ կլորիկ կունակով բաց էր

*) Ալա չ ու լ զ նշանակում է մի հիւսվածք,
 որ պատրաստվում է բարակ եղեգներից: Նրանով
 են շինում թափառաչրջիկ ցեղերը իրանց տա-
 զավարները:

անում և նրանց բոլորակ լաւաչի ձև էր տալիս։
 հինգերորդը վեր էր առնում լաւաչները, տա-
 րածում էր տաքացած կասկարայի վրա և նրան-
 ցից հաց էր թխում։ Աշխատութիւնը կատար-
 վում էր ամենայն արագութեամբ. մի և նոյն V
 ժամանակ նրանց զբաղմունքը չէր արգելում
 խօսել, ծիծաղել և բամբասել։ Երկու կնիկներ
 դրանցից փոքր ինչ հեռու, պտտեցնելով շրջա-
 կան երկանաքարի թեքը, ալիւր էին աղում։
 Սպիտակ փօշին պատել էր նրանց սև մազերը
 և երեսը։ Մի քանիսը կաթսաների մէջ տապա-
 կում էին ամբողջ գառներ, կամ շամփուրները
 վրա միս էին խորովում։ Կարծես, մի ահազին
 բանակի համար պատրաստվում էր նախաճաշիկ։

— Հաֆսան, դիտես ինչ է պատահել այս գիշեր,
 ասաց մանկահասակ Այիշան մի սևաչեայ կնոջ,
 որ նստած չաղրի մէջ, հարում էր խնոցին կա-
 րագ պատրաստելու համար։

— Ի՞նչ է պատահել, հարցրեց Հաֆսան հե-
 տաքըրբութեամբ և դադարեց խնոցին հարելուց։

— Ասում են, սատանաները այս գիշեր Սիւրբի
 մազերը մկրատով կտրել են։

— Ճշմարիտ, հարցրեց Հաֆսան, և մի և նոյն V
 ժամանակ ուրախութեան նման մի լոյս արտա-
 փայլեց նրա սիրուն դէմքի վրա։

— Բոլորը կտրել են։

— Բոլորը, թէ դուլֆերը, թէ հլուսերը, — հիմայ

այլանդակվել, քէչալ Ասլօի նման է դարձել
 Սիւրին։

— Նրա տեղն է։ — Շատ էր պարծենում իր եր-
 կայն մազերով Սիւրին։ — Պէտք է նրա պոչն էլ
 կտրէին։

— Ի՞նչ պոչ, հարցրեց Այիշան զարմանալով։

— Գու չես իմանում, ախար այդ հայ կնիկ-
 ները պոչ ունեն։ Սիւրին էլ ունի։ Չէ՛ յնաբն էր
 ասում։ Նա մի անգամ տեսել էր, Սիւրբի լողա-
 նալու ժամանակ։

Երկու մանկահասակ կնիկները սկսեցին եր-
 կար խօսել Սիւրբի պոչի վրա, սկսեցին դատել,
 քննել, թէ ինչից էր այդ յետոյ այն եզրակա-
 ցութեան հասան, որ բոլոր հայ կնիկները ջին-
 ների տոհմից են, դրա համար Սիւրին այնքան
 վարպետ և խորամանկ է, որ կարողացաւ կա-
 խարդել, խեղքից հանել խանին, կարողացաւ
 բոլոր կնիկներին նրա շաքից գցել, և իրան
 միայն սիրել տալ։

— Հիմա ինչ է անում Սիւրին, հարցրեց
 Հաֆսան։

— Ի՞նչ պէտք է անէ, պատասխանեց Այիշան
 արհամարհանքով, — իր վրանում նստած, լաց է
 լինում, ասում է՝ ես դիտեմ, այդ սատանայի
 գործ չէ, դա Չէ՛ յնաբնի գործն է... Չէ՛ յնաբն մի
 քանի օր առաջ ասել էր նրան, թէ ես քո գլխին
 մի «օյին» պիտի խաղամ... Հիմա Սիւրին մտա-

ծում է, թէ գիշերը քնած ժամանակ Չէյնարն է կտրել տուել նրա ձագերը, ասում է, ես բոլորը խանին կը յայտնեմ...

Չէյնարը խանի հարեմի թագուհին և նրա առաջնակարգ կնիկներից մէկն էր, բայց Սիւրիի խանի հարեմը մտնելուց յետոյ նա իր նշանակութիւնը կորցրեց: Գեղեցիկ Սիւրին ստուեր ձգեց նրա վրա, և այստեղից առաջ եկաւ երկուսի մէջ նախանձ և ատելութիւն: Հաֆսան և Այիշան հաւանական էին գտնուած, որ Չէյնարը, իր վրէժխնդրութիւնը գոհացնելու համար, իր աղախինների ձեռքով կտրել տուած լինէր Սիւրիի մագերը, որ այլանդակէ նրան, որ նրա գեղեցկութիւնից մի բան խլած լինի: Բայց միւս կողմից, սնահաւատութիւնը նրանց թոյլ էլէր տալիս բոլորովին հաւատալ այդ խայտառակութեանը, որ հարեմի մէջ մի սովորական բան էր: Նրանք կարծում էին, թէ անպատճառ սատանայի մատը պէտք է խառն լինէր այդ գործի մէջ, թէև դրա նման շատ գործեր կատարվում էին առանց սատանայի մասնակցութեան, ինչպէս էին՝ կնիկների միմեանց նոր կարված հագուստի վրա բծեր պցելը, մկրատով կտրատելը, միմեանց նոր դնված հողաթափների մէջ ցելի լցնելը, միմեանց զարդարանքները, ակննդէնները գողանալը և այլն: Վերջին ժամանակներում խանը այն աստիճան ձանձրացաւ կնիկների անընդհատ կռի-

ներից, և դժուարանալով արոշել, թէ ո՞րն է արդարը և ո՞րը մեղաւորը, սկսեց անխտիր կերպով ծեծել, թէ արդարին և թէ մեղաւորին, մտածելով, ի հարկէ նրանցից մէկը յանցաւոր կը լինի: Բայց Հաֆսան և Այիշան չէին կարծում, որ Սիւրիի վիրաւորանքը անց կը կենայ առանց հետեանքի, գիտէին, որ խանը նրան շատ սիրում է և Չէյնարը լաւ ծեծ կուտէր նրա մագերը կտրել տալու համար: Թէև այդ սատանայի գործ ևս լինէր, բայց պէտք էր աշխատել, որ Չէյնարը պատժվի. նա էլ մի բարի պտուղ չէ. նա էլ առաջ փքվում էր, տրաքվում էր, աշխատելով բոլոր կնիկներին իր ոտների տակ դնել...

Թանձր մառախուղը սկսեց փոքր առ փոքր նօսրանալ և կապոյտ երկինքը տեղ-տեղ բացվեցաւ. արեգակի ճառագայթները սկսեցին շողալ այդ բացուածքներից, որպէս սպիտակ վրանի պատուված ձեղքերից: Չը նայելով որ ամառն էր, բայց վաղորդեան արեգակը դեռ անզօր էր ջերմացնելու լեռնային օդի ցրտութիւնը: Առաւօտեան ցօղը մանր գոհարների նման դեռ փայլում էր խոտաբոյսերի վրա, յիշեցնելով տաք երկրների զարնան սկզբները:

Խանի կիսաքուն երևիւմները, բոբլիկ ոտներով, առանց վարտիքի, դուրս էին թափվել չադրներից, և օջախների կրակի մօտ կկզած, տաքանում էին: Այստեղ նրանց մայրերը նախաձա-

չիկի պատրաստութիւնն յին անում: Երեխաներից մէկը կատուի ճարպկութեամբ իր թաթիկը տարաւ կաթսայի մէջ և այնտեղից խլեց մի կրտոր միս: «Չօռ, ցաւ, վարամ՝ ուտես, ասաց բարկացած մայրը և առեց վառելու փայտը, որ պատժէ նրա լրբութիւնը: Տղան սատանայի նման փախաւ, տանելով իր կողոպուտը. մօր ձգած փայտը դիպաւ նրա ոտներին և նա ընկաւ երեսի վրա: Մսի կտորը դուրս պրծաւ նրա ձեռքից և թաւալվեցաւ դետնի փոշիների մէջ: Տղան շուտով ուշի եկաւ, և վեր բարձրանալով, կրկին յափշտակեց իր աւարը, փախաւ, և հեռուից ըսկսեց ծիծաղել, ջիգրացնել մօրը և ախորժանօք կրծել փոշեթաթախ մսի կտորը:

— Զըմ... հըմ... տեսնո՞ւք, աչքդ հանեցի... տաբայ... ասաց նա երեսը ծռմուկելով:

— Չօռ ուտես, ցաւ ուտես, վարամ՝ ուտես, կրկնեց մայրը, — թէ ձեռքս կընկնես, ես գիտեմ ինչ կանեմ...

Չատրներից մէկի մէջ, խորասանի գեղեցիկ գորգի վրա, միայնակ նստած էր մի մանկահասակ կին, գրկած ունելով մի փոքրիկ երեխայ: Նա կպած էր մօր կուրծքին և ծիծ էր ուտում: Արեւի ոսկեգոյն ճառագայթները թափվելով վրանի մէջ, լցրել էին նրան խիստ ախորժ և փափուկ ջերմութիւնով: Մայրը տխրութեամբ նայում էր երեխայի երեսին և նրա սևորակ աչքե-

89 29 094

րը լցվում էին արտասուքով: Երեխան երբեմն թողնում էր բերանից ծիծը, նայում էր մօր երեսին և ժպտում էր, կարծես, այդ անմեղ ժպտիտով կամենում էր ասել, թէ դեռ չեմ կշտացել: Մօր գլուխը, չալմայի նման, փաթաթած էր մետաքսեայ սև քօղով, որի տակից մազեր ամենեին չէին երևում: Այդ կինը Սիւրբին էր, Տաթևի Դաւիթ ուրացողի աղջիկը: Նրա առաջվայ անունը Մարիամ էր, բայց երբ մահմեդականութիւն ընդունել տուեցին, կոչեցին Սիւրբի: Խանը ունէր այդ անունով մի ուրիշ կին, որին շատ էր սիրում, վաղահաս մահը զրկեց նրան այդ կնոջից, և նրա անունը չնորհեց գեղեցիկ Մարիամին: Հայրը ծախեց Մարիամին Տաթևի մելիքութիւնը ստանալու համար, և թողնելով քրիստոնէական կրօնը, ինքն նոյնպէս ընդունեց մահմեդականութիւն, այդ պատճառով հայերից ստացաւ «ուրացող» անունը և Տաթևի համար դարձաւ մի երկրորդ Վասակ, իսկ ինքը իրան թուրքի անունով Բաղր էր կոչում:

Սիւրբի տխրութիւնը նրա համար չէր, որ այն գիշեր իր նախանձորդների ռիակալ ձեռքը զրկել էր նրան իր հարուստ և սև սաթի նման փայլուն գիսակներից: Նա այդ մասին չէր մտածում և ինչ հարկ կար մտածելու: Նրա գեղեցկութիւնից պակասեց մի զարդ: Աւելի լաւ, այդ մեծ կորուստ չէր Սիւրբի համար: Այդ կորուստ համա-

րում են այն կնիկները, որոնք ախորժակ ունեն սիրվելու: Բայց ումից պէտք է սիրվէր Սիւրին: Մի գազանից, մի եղեռնագործից, որին նա ամեն սրտով ատում էր, որի սէրը աւելի բարկացնում էր նրան, որի ձեռքում գերի էր նա: Նա զոհ էր, մի անբախտ զոհ հօր փառասիրութեան: Հայրը վաճառեց նրան Տատևի մէլիքութիւնը ստանալու համար. և ծնողական այդ անգթութեան հետ չէր կարող հաշտվել նա: Ամեն անգամ հայ քահանայի երեսը տեսնելիս, ամեն անգամ հայոց եկեղեցու զանգակի ձայնը լսելիս, նրա սրտում կրակ էր լցվում. նրա աչքերը հեղեղվում էին արտասուքով, և նա մտածում էր, որ կորած է թէ հոգով և թէ մարմնով: Այս աշխարհը սև էր նրա համար, իսկ այն աշխարհում սպասում էր նոյնպէս տանջանք: Կրօնական զգացմունքը ջերմ էր նրա մէջ: Իր մօրից լսել էր նա շատ բաներ մահմեդականների մասին: Մահմեդականի հայը ուտելը, մահմեդականի հաղուստը հագնելը, մահմեդականին զիպչելն անգամ մեղք էր համարում նա, իսկ այժմ... այժմ սարսափում էր նա, երբ նայում էր իր սիրելի զաւակի վրա. այդ իր մարմինը և արիւնը կրող մանուկը մահմեդականի պտուղ էր... Քանիցս անգամ նա պատրաստվեցաւ ինդղել իրան, քանիցս անգամ կամեցաւ թունաւորել իրան, բայց ամեն անգամ, երբ նայում էր այդ մանուկի վրա, նրա ձեռքե-

րը թուլանում էին, նա անզօր էր լինում կատարել իր մտադրութիւնը: Ի՞նչն էր պահում նրան. մեղքի ծնունդը, թէ մայրական սէրը. — այդ մասին նա անկարող էր իրան հաշիւ տալ:

Խորին տիրութեամբ նայում էր նա այս առաւօտ փոքրիկ հրապարակի վրա, որ չըջապատած էր սպիտակ չաղրներով: Այնտեղ ման էին գալիս խանի կիսամերկ կանայքը, երեխաները արջի քոթոթներին նման վխտում էին, աղախիւնները, գլուխը կորցրած այս կողմ և այն կողմ էին վազում, ամեն ինչ գտնվում էր մի անսովոր շարժողութեան մէջ: Ի՞նչ էր պատահել. ում համար էր այդ մեծ պատրաստութիւնը: Կասկարայի վրա հացի թխելը դեռ չէին վերջացրած. կաթսաների մէջ կերակուրները դեռ եփվում էին. շարժական երկանաքարը անդադար ալիւր էր աղում. օդը լցված էր այդ մեծ խոհանոցի ախորժ հոտով: Արեղակը բաւական բարձրացել էր հօրիզօնի վրա, վաղորդեան մառախուղը բոլորովին փարատված էր. մտնիշակագոյն երկնքի վրա ամպի մի փոքրիկ կտոր անգամ չէր երևում: Անտառապատ լեռները ծփում էին արեգակի ճառագայթների մէջ, ներկայացնելով մի սքանչելի տեսարան: Սիւրիի երեխան, առանց մօր ծիծը թողնելու բերանից, աչքերը փակեց և ննջեց. նա դեռ իր վարդագոյն չրթունքները չարժում էր, երևակայելով, թէ ծծում է: Մայրը զգուշու-

Թեամբ ցած դրեց նրան բարձի վրա, սկսեց պատրաստել լանդիկը, որ կապած էր վրանի երկու սիւների մէջ: Այդ միջոցին, իր շուրջը նայելով, ներս մտաւ մի մարդ, որը, ինչպէս երևում էր, զգուշանում էր, որ իրան չը նկատէին: Դա մի կլորիկ մարդ էր, փոքրիկ հասակով. գըլխի ալետրած մազերը ցոյց էին տալիս, որ նրա տարիքը վաղուց արդէն անցել էին յիսունից, բայց երեսի վրա մազերի մի նշոյլ անգամ չը կար: Մի այսպիսի թառամած, կնճռոտած, և զուրկ այրական բոլոր արտայայտութիւնից դէմք կարող էին ունենալ պառաւ կնիկները միայն: Երեսի լերկ կաշին դեղին պղինձի գոյն ունէր մոյգի հետ խառնված, իսկ աչքերում ամենևին փայլ չը կար: Նրա ձայնը երեխայի անզարգացած ձայնի կատարեալ նմանութիւնը ունէր, որը, կարծես, դուրս էր գալիս փորից: Այդ ծերունի երեխան խորին յարգանքով մօտեցաւ տիկնոջը, և չոքելով նրա առջև, ասաց.

— Մի խնդիրք ունեմ:

— Գիտեմ ինչ պիտի ասես, Ահմէդ, պատասխանեց տիկինը երեսը շուռ տալով. — Լաւ է, որ չը խօսես:

Ծերունին ձեռքը մեկնեց և վեր առեց տիկնոջ հողաթափների մի հատը, որ դրած էր վրանի մուտքի մօտ, և սեղմելով իր ցամաքած շրթութունքի վրա, ասաց.

— Ես ձեր սուքը համբուրում եմ, լսեցէք ծերուկ Ահմէդի աղաչանքին:

— Երկար խօսել պէտք չէ, Ահմէդ, ես երդվել եմ երբէք չը տեսնել նրա երեսը:

Ծերունին փորձ փորձեց նորից կրկնել իր խնդիրքը, բայց տիկինը հրամայեց նրան հեռանալ, յայտնելով, թէ իր յիմարութիւններով կարող է զարթեցնել երեխային, որին պատրաստվում էր կապել օրօրոցի մէջ:

Ահմէդը ազգով հայ էր, զարաբաղցի, տեղային ամենալաւ թառածողներից մէկը: Նրան երիտասարդութեան ժամանակ բերել տուեց խանը և պահում էր իր սաղանդարների (նուագախումբի) մէջ, որոնց իր մօտից չէր հեռացնում: Եւ որպէս զի Ահմէդը կարողանայ հարեմի մէջ ևս մտաք գործել, խանումների համար ևս ածել, խանը հրամայեց նրան ներքինիացնել: Երկար տարիներ նա զուարճացնում էր խանումներին իր թառով, բայց երբ ծերացաւ, թողեց ածելը, այժմ կանանոցի մէջ ներքինապետի պաշտօն էր կատարում: Բայց մի բան, որ պահեց նա ամենայն սրբութեամբ, — դա էր քրիստոնէական հաւատը, որ պաշտում էր զադամի կերպով:

Չ.

Գուրս գալով Սիւրիի վրանից, Ահմէդը դիմեց դէպի մի վրան, որ բաւական հեռու էր

կանանոցից և գտնվում էր անտառի խորքում: Այստեղ կային մի քանի ուրիշ վրաններ ևս, որ յատկացրած էին խանի թիկնապահներին և նրա ծառաներին: Մի մարդ կէս ճանապարհի վրա կանգնած, սպասում էր նրան. երբ տեսաւ ներքինուն, մօտենալով հարցրեց.

— Ի՞նչ եղաւ...

Ահմէդը պատմեց նրան, թէ ինքը ամեն հնար դործ դրեց, աղաչեց, պաղատեց, ոտքը համբուրեց, բայց տիկինը ասում է. — չէ ու չէ, չեմ ուզում տեսնվել նրա հետ:

— Նա չէ ուզում տեսնվել իր հօր հետ... շատ լաւ... խորին դառնութեամբ կրկնեց Ահմէդի հետ խօսող մարդը և դիմեց դէպի այն վրանը, ուր նրան իջեան էին տուել:

Ահմէդը սառած կանգնել, երկար նայում էր նրա ետեկց: Նրբ նա բոլորովին աչքից հեռացաւ, ներքինին գլուխը շարժելով, ասաց իր մտքումը. — քեզ նման հայրը արժան չէ այնպիսի զաւակի երեսը տեսնելու...

Այդ մարդը Մլերիի հայրն էր, Տաթևի մէլիք Գաւիթ «ուրացողը», որ թուրքի անունով իրան Բաղր էր կոչում: Մի ժամանակ նա Տաթևի մէլիք Գիւլամբարի մօտ գըզիրի և լրտեսի պաշտօն էր կատարում և շատ սիրելի էր նրան, վերջը կամենալով իր բարերարի տեղը զբաւել, թուճաւորեց նրան, և իր աղջիկը կաշառք տալով խա-

նին, ոչ միայն կարողացաւ աղատվել այդ չարագործութեան համար պատժվելուց, այլ իր զոհի փոխարէն ժառանգեց Տաթևի մէլիքութիւնը: Բռնութեամբ, դաւաճանութեամբ և եղեռնագործութեամբ յափշտակված իշխանութիւնը բոլորովին անտանելի դարձաւ Տաթևի հայ ժողովրդին, առաւել այն պատճառով, որ Գաւիթը խանին աւելի հաճոյանալու համար փոխեց իր կրօնը: Այս պատճառով «ուրացողը» անբաւական ժողովրդին իր ճնշման տակ պահելու համար ստիպված էր այնուհետև միշտ նորանոր միջոցներ հրնարել խանի սիրտը զբաւելու և նրա պաշտպանութիւնը վայելելու համար, որպէս զի նրա օգնութեամբ կարողանայ պահպանել իր խախտու գիրքը:

Միջակ հասակով մարդ էր նա, մի ոտքով կաղ. երեսը կապիկի դէմքի նմանութիւն ունէր, մազով պատած մինչև աչքերի կոպերը: Նթէ հաւատանք ժողովրդական կարծիքին, թէ «չօլախ» մարդիկը «եարամազ» (հնարագէտ) կը լինեն, — պէտք է ընդունենք, որ Գաւիթը մարմնացած խորամանկութեան ճիշտ տիպարն էր: Գա այն տեսակ մարդիկներից էր, որոնց մասին ասում են, թէ սատանայից եօթն օր առաջ են ծնվել:

Բայց այդ մարդը, որ ոչ տխրել, ոչ յուսահատվել և ոչ բարկանալ զիտէր, այդ մարդը, որ ոչ մի անաջողութեան, ոչ մի դժուարութեան դէմ

իր կեանքում չէր դողացել, — ներքինու խօսքերը լսելուց յետոյ, մի խեցեղէն ամանի նման, կարծես, փշրվեցաւ: Հարազատ աղջիկը զզվում էր տեսնել նրա երեսը: Դա մի սարսափելի հարուածք էր: Աշխարհից արհամարհված, հազարաւոր թշուառների անէծքով դատապարտուած մարդը միշտ ոչինչի տեղ էր դնում իր դոճերի լացը, տանջանքը և արիւնը... Բայց աղջկայ բողբոջը ազդեց նրա վրա: Տատանվելով շարունակում էր նա իր անհաստատ քայլերը դէպի իջեանը, որ դեռ բաւական հեռու էր: Ճանապարհը ընկած էր ոտնակոխ եղած խոտաբոյսերի միջով, որ ձևացնում էր մի օձապտոյտ շաւիղ: Թռչունները չորս կողմում չըկչըկում էին, բայց նա ոչինչ չէր լսում: Արեգակի վառ ճառագայթների մէջ անտառի ծառերը նկարվում էին իրանց բուրբոն գեղեցկութեամբ, բայց նա ոչինչ չէր տեսնում: Կարծես, ամեն զգացմունք, ամեն կիրք սպանված լինէին նրա սրտում: Նրա ուղեղը այդ բոստում այն աստիճան խառնաշփոթութեան մէջ էր, որ անկարող էր իր մտածութիւնները որ և իցէ կարգի դնել: Նա ասելու շատ բաներ ունէր իր աղջկան, նա իր նպատակները իրադրութեւս համար յոյս էր դրած աղջկայ աջակցութեան վրա: Բայց բոլորը քանդվեցաւ: Կամ այսօր պէտք էր յաջողեցնել, կամ ամեն ինչ կորած էր յաւիտեան...

Այսպիսի դառն և յուսահատ մտածութիւնների մէջ գնում էր նա, յանկարծ թուփերի միջից դուրս եկաւ նրա առջև մի մարդ, որը սպասում էր նրան:

— Բարի լինի... խօսեց մէլիքը հարցական հակացքով նայելով նրա երեսին:

— Կարող էր բարի լինել, բայց... անձանօթը չաւարտեց խօսքը, սկսեց աչք ածել իր շուրջը, զգուշանալով, մի գուցէ մի ուրիշ լսող լինէր:

— Ուրեմն ոչինչ չը շինեցիք... հարցրեց մէլիքը անհամբերութեամբ:

— Ոչինչ... և անկարելի էր մի բան անել...

— Ի՞նչու...

Անձանօթը սկսեց հազիւ լսելի ձայնով պատմել, թէ ինքը ամեն հնարներ գործ դրեց, բայց չը յաջողեցաւ... Այն օրից, որ գերիները բերված են, ասաց նա, խանութը (խօսքը Սիւրբի մասին էր) մի առանձին խնամքով հոգ է տանում նրանց վրա: Իրան կասկածելի չանելու համար, խանութը իր հոգատարութիւնը ծածուկ յանձնել է Ահմէդ ներքինապետին: Այդ ծերունի ազուէսը այն աստիճան խորամանկ է, որ սատանային այնպէս կը նալէ, որ ոչինչ չի զգայ: Նա խանութին կուռքի նման պաշտում է: Եթէ խանութը ասէ՝ գնա ջուրի կամ կրակի մէջ ընկիր, նա առանց ծպտուն հանելու, կը կատարէ:

Ահմէղը ոչ միայն կերակրում էր զերիններին, այլ գիշերները այցելում էր նրանց մօտ և պահապաններ էր նշանակում հսկելու, որ նրանց զըլխից ոչ մի մազ չը պակսի: Անկարելի էր նրանց մօտ մտնել: Պահապանները բոլորը Ահմէղի մրտերինմեղին էին, հազար թուամանի համար նրան չեն դաւաճանի: Բացի զրանից, Ահմէղը խանի մօտ մեծ նշանակութիւն ունի, բոլորը նրանից վախենում են:

Որքան առաջ էր գնում անձանօթը իր պատմութեան մէջ, մէլիքի դէմքը աւելի և աւելի մրուայլում էր, նրա չրթունքը զողողում էր և աչքերում վառվում էր կատաղութեան կրակը: Անիրաւ աղջիկը հասցրեց նրան երկրորդ հարուածը և այդ աւելի սաստիկ էր: Նա զրկեց հօրը իր թանգազին յայտերից. նա ոչնչացրեց հօր բոլոր պլանները, որ այնքան մեծ աշխատութեամբ յորինել էր նա....

— Շնորհակալ եմ, Յիւսէին, խօսեց մէլիքը զսպելով իր բարկութիւնը, — դու դարձեալ արել ես, ինչ որ կարող էիր անել, եթէ չը յաջողվեցաւ, զրանում դու մեղաւոր չես: Նա դարձեալ կը տամ քեզ այն, ինչ որ խոստացել եմ:

Նա հանեց իր զրպանից մի քսակ և մեկնեց թուրքին. վերջինը հրաժարվեցաւ ընդունել: Մէլիքը երկար թախանձում էր նրան, յայտնելով, թէ շատ կը վշտանայ, եթէ նա մերժէ ոսկիները,

և դարձեալ յիշեցրեց, թէ ինքը Յիւսէյնի յանձն առած պարտքը կատարած է համարում, իսկ անաջողութիւնը պէտք է վերաբերել նրանից անկախ պատճառների: Թուրքը ընդունեց ոսկիները, և զըլխ տալով, հեռացաւ: Նա խանի աստուապետն էր, որ մի ժամանակ դահճի պաշտօն էր կատարում: Իր ծառայութեան ընթացքում ուղիղ հազար մարդիկ մորթելուց յետոյ, նա մի ներքին սնահաւատութեամբ զղջացաւ, թողեց այդ արիւնոտ պաշտօնը և իր դանակը թաղեց գերեզմանատան մէջ, ինչպէս լաւ որսորդները թաղում են հողի մէջ իրանց հրացանը հազար երէ սպանելուց յետոյ: Բայց Յիւսէյնը, որ այժմ իրան տուած էր չափազանց արբեցութեան, չը կարողացաւ պահել իր ուխտը, և մէլիքը օգուտ քաղելով նրա զրութիւնից, կարողացաւ կաշառել նրան, կատարել տալու մի նոր եղեւնագործութիւն, մանաւանդ, որ նա մի քանի օր առաջ խաղի մէջ տանել էր տուած բաւական խոշոր գումար, և մէլիքի խոստացած ոսկիներին շատ կարօտութիւն ունէր: Բայց բոլորը անցաւ իզուր... բոլորը ոչնչացաւ Սիւրիի բարեսրտութեան առջև... և այդ աւելի կատաղեցնում էր մէլիքին, որ հարազատ աղջիկը խոչնդոտներ էր սարքում նրա դէմ...

Գաւիթ ուրացողը երկչոտ էր, ինչպէս լինում են ամեն նենգաւոր մարդիկ, որոնց բոլոր զօ-

րութիւնը ամփոփված է լինում մտաւոր ուժի մէջ: Նա զուրկ էր արութիւնից, նա զուրկ էր քաջութիւնից, բայց այդ չէր արգելում նրան միշտ խրած ունենալ մի զոյգ ատրճանակ գօտիի մէջ և միշտ կողքից քարշ ընկած ունենալ իր երկայն թուրը, որին երբէք չէր գործ ածոււմ: Բայց նա սովորութիւն ունէր միշտ պարծենալով խօսել իր երեսկայական քաջագործութիւնների վրա և հաւատացնել, թէ ոտքի կաղութիւնը առաջ էր եկել հրացանի գնդակից, որը զեռ դուրս բերված չէր, թէ և մօրից կաղ ծնված «չօլախ» Գաւիթը բոլոր տաթևացիներին ծանօթ մի անձնատրութիւն էր:

Տխուր յուսահատութեան մէջ հասնւո նա այն վրանը, որ նշանակված էր նրա համար իջևան: Այստեղ սպասում էր նրան մի երկրորդ մարդ: Նա բարձրահասակ, ցամաք կաղմուածքով և բաւական շնորհալի դէմքով մի ձերուռի էր, որի սպիտակ, փառահեղ մօրուքը, ներկված լինելով հինաշով, ստացել էր ծիրանի գոյն: Նա նոյնպէս խրած ունէր իր քիրմանի շալի թանդազին գօտիի մէջ մի զոյգ ատրճանակ և երկայն թուրը, արծաթէ կօթով և արծաթէ պատեանով, դրած էր ծնկներին վրա: Նա ծալապատիկ նստած էր նախշուն գորգի վրա և թիկն էր տուած կարմիր մախմուրով պատած փափուկ մութաքաներին, որ բերված էին խանի հանդերձատնից յարգելի հիւրերին պա-

տուելու համար: Տեսնելով Գաւիթին, նա անհամբրութեամբ հարցրեց.

— Ի՞նչ լուր բերեցիք...

Գաւիթը թագգրեց նրանից, թէ Սիւրին, իր աղջիկը, չընդունեց նրան, չը կամեցաւ տեսնվել հօր հետ: Այդ անպատուութիւնը կարող էր պակասեցնել Գաւիթի կշիռը իր խօսակցի աչքում, կարող էր կոտրել նրա համարումը: Գաւիթը սովորութիւն ունէր պարծենալ իր աղջկանով և ամենին ցոյց տալ, թէ նրա միջնորդութեամբ ամեն զժուարին գործ իր ձեռքում հնարաւոր էր, որովհետև Ֆաթալի-խանի սիրելի խանումը նրա աղջիկն էր, և ամեն բան անել կը տար իր ամենակարող ամուսնին: Սիւրիի հետ չը տեսնվելու պատճառը, ասաց նա, տիկնոջ մի փոքր տկարութիւնն է, որի համար նա ոչ ոքի չէ ընդունում պսօր: Բացի դրանից, ասաց նա, այս գիշեր պատահել է տիկնոջ հետ մի անախորժ դէպք, և հազորդեց նրա մագերի կտրվելու պատմութիւնը, աւելացնելով, թէ այդ շատ լաւ է պատահել, որովհետև դրա համար գուցէ կարտաքսվեն խանի հարեմից մի քանի անդգամ կնիկներ, որոնք միշտ նախանձվում էին Սիւրիի փառքին: Գաւիթը դահճից ստացած տեղեկութիւններին, Գաւիթը ասաց, թէ դա՛նիճը ոչինչ չէ կարողացել յաջողացնել... միայն թագգրեց, որ արդէլառիթը եղել է Սիւրին....

— Կա շատ վատ է... պատասխանեց ծիրանի մօրուքով մարդը և ընկղմվեցաւ խորին մտածութեան մէջ: Նրա բազմահոգ զէմքից երևում էր, որ խնդիրը խիստ ծանր և կարևոր էր, թէ շուտով պիտի ոչնչանային ահագին յոյսեր, թէ այդ յոյսերը կախված էին մի պատանու մահից... որը չը յաջողվեցաւ....

Այդ փառահեղ մարդը կարմիր վանքի կամ երիցվանիկ աւանի մէլիք Ֆրանգիւլն էր. հայոց հարուստ և ազդեցութեան տէր իշխաններից մէկը:

— Այդ վատ եղաւ... կրկնեց նա փոքր ինչ վերդովված ձայնով. — Կրանից յետոյ մեզ ի՞նչ է մնում անել... ես յոյս ունէի, որ Յիւսէյինը (դահիճը) կը կատարէ մեր ցանկութիւնը... բայց բոլորը ոչնչացաւ....

Նա սպասում էր Գաւիթից ստանալ մի մխիթարական պատասխան, բայց այս վերջինը, չը նայելով իր սատանայական խորագիտութեանը, այն աստիճան շփոթված, այն աստիճան մոլորված էր մտքով, որ չը գիտէր, թէ ի՞նչ խորհուրդ պէտք էր տալ:

Այդ երկու հայ մէլիքները հագնված էին բոլորովին պարոսից աւագների ձևով. զլիններին դրած ունէին բուխարայի սև մօրթից երկայն գզակներ, հագել էին նուրբ մետաքսից կարմիր գոյնով կ ա բ ա յ (պատմուճան), որ իջնում էր

ծնկներից ցած, և նրջև վրա կանաչ մահուդից ջիւբբայ (վերարկու), որ համուտ էր մինչև գետին: Մէջքները պնդած էին Քիրմանի գոյն-զգոյն շալից հատտ դօտիով: Երկուսի էլ զուլաների մագերը բոլորովին ածեղած էին, թէև հայերը սովորութիւն ունէին ածիլել գագաթի մէջ տեղը միայն: Երկուսի էլ մօրուքները և ձեռները ներկված էին հինայով: Երկուսն էլ խօսում էին պարսկերէն, երբ սպասուորը ներս էր մտնում և նրանց զէյլան էր մատուցանում ծխելու համար: Բայց երբ նա դուրս էր գնում, սկսում էին հայերէն խօսել, որ հասկանալի չը լինի:

— Կեռ յոյս կայ... ասաց Գաւիթը խորհրդաւոր կերպով. — այսօր Թորոս իշխանը պիտի գայ գերիները դնելու. մենք ամեն հնար պէտք է գործ դնենք, որ նա չը կարողանայ գնել:

— Ի՞նչ հնարք, հարցրեց մէլիք Ֆրանգիւլը, դարձեալ յուսահատ մարդու եզանակով:

— Մենք պէտք է աշխատենք համոզել խանին, որ նա նշանակէ գերիների համար մի այնպիսի մեծ փրկանք, որ Թորոս իշխանը չը կարողանայ վճարել:

— Կրանով ի՞նչ կը շահենք:

— Կրանով կը շահենք մի քանի օրեր, գուցէ մի քանի շաբաթներ, և այդ ժամանակի ընթացքում շատ բան կարելի է անել...

«Ուրացողի» խորհուրդը բոլորովին նպատակա-

յարմար էր գտնու՞մ մէ կը Ֆրանսիւլը: Նա այնքան ուրախացաւ, որ քիչ էր մնում, պիտի գրկէր և համբուրէր խորամանկին, բայց իր հըպարտութիւնը թոյլ չը տուէց այդ աստիճան թեթև լինել: Նա հարցրեց.

— Դուք հաստատ գիտէք, որ թորոտը այսօր գալու է:

Նա թորոս իշխանին, Չաւնդուրի ամբողջ գաւառի տիրոջը, լոկ անուշով միայն թորոս էր կոչու՞մ, կարծես, «իշխան» տիրոջօտը այրու՞մ էր նրա լեզուն: Հայերից իշխան, բայց իրանից, ուրիշ ոչ ոք չը պիտի լինէր, — այդ էր այդ փառասէրի ուխտը:

— Գիտե՞մ, պատասխանեց Գաւիթը, ինքն էլ հետեւելով մէլիքի եղանակին, — հաստատ գիտե՞մ, որ թորոտը այսօր գալու է: Նրան հիւրասիրելու համար խանի խոհանուցում մեծ պատրաստութիւններ էին տեսնու՞մ:

Վերջին խօսքերը աւելի զայրացրին մէլիք Ֆրանսիւլին. պատրաստութիւններ էին տեսնու՞մ պատուելու այն մարդուն, որին ատու՞մ էր ինքը, որի թշնամին էր. որը այսօր պիտի գար գնելու մի դերի, որի մահն էր ցանկանում ինքը...

— Աւրեմն պէտք է շտապել խանի մօտ, ասաց նա, աշխատելով սառնասիրտ երևալ. — քանի դեռ այդ անպիտանը չի եկիլ, պէտք է խանի հետ խօսել ինչ որ հարկաւոր է:

— Նա ճաշից առաջ չի գայ, պատասխանեց Գաւիթը. — մենք մի քանի ժամ ունենք մինչև ճաշ, այսու ամենայնիւ, պէտք է շտապել...

Երկու մէլիքները հագոն իրանց թանգագին վերարկուները, որոնց եզերքը զարդարած էին ոսկէ թելերով, կապեցին իրանց արծաթապատ թրերը և սկսեցին դիմել դէպի խանի վրանը, խափանելու հարիւրաւոր հայ դերիների փրկութիւնը, որ ընկած էին մահմեդական բռնապետի ձեռքը... Մէլիք Ֆրանսիւլը, իբրև աւագ, գընում էր առաջ, իսկ մէլիք Գաւիթը, որպէս նըրանից աստիճանով կրտսեր, գնում էր նրա ետևից: Նրանց հետեւում էին մի խումբ ծառաներ, որոնց պարսկական սովորութեամբ իրանց հետ ման էին ածում: Ծառաները բոլորն էլ մի — մի սուր ունէին կապած, իսկ իրանց մնացած զէնքերը թողել էին իջևանում, որ յատկացրած էր երկու մէլիքների ծառաների համար: Հանդիսաւոր «սալամը» առաջ էր ընթանում և ճանապարհին ով որ հանդիպում էր, նրանց գլուխ էր տալիս: Մէլիք Գաւիթը երբէք իր կեանքում այսպիսի եռանդոտ ոգևորութեամբ չէր դիմել դէպի մի ձեռնարկութիւն որպէս այսօր: Նա պիտի աշխատէր խափանել հարիւրաւոր հայ դերիների ազատութիւնը, նա պիտի ամեն ջանք գործ գընէր մաշել, ոչնչացնել նրանց խանի բանտերի մէջ: Մէլիք Ֆրանսիւլը մի և նոյն շար դիտաւո-

րութիւնն ունէր, վրէժխնդրութեան մի և նոյն ախորժ տրամադրութեան մէջ էր գտնուում նա: Գրանք այնտեսակ մարդիկներէից էին, որոնց մեծ հաճութիւն է պատճառում գաղանային եղեռնագործութիւնը, մանաւանդ երբ գործի մէջ խառն էին շահի, փառքի և տիրական նպատակներ...

Է.

Վանանոցի չատրներէից փոքր ինչ հեռու կազմված էին երկու վրաններ, նրանցից մէկը փառաւոր, ընդարձակ և գեղեցիկ էր, իսկ միւսը փոքր և հասարակ: Առաջինի բարձր, նիզականման սիւները զարդարած էին ոսկէզօծ և գոյնըզգոյն նկարներով: Ներսը ունէր մի քանի բաժանմունքներ, որ ձևացնում էին մի փոքրիկ պալատ իր բոլոր յարմարութիւններով: Այնտեղ կար հիւրանոց, առանձնարան, քնարան, դիւանատուն, գանձարան և այլն: Բաժանմունքների վայելչութեան համեմատ, վրանի աստառը պատած էր Քիչմիրի թանգագին շալերով, Սպահանի ոսկեհուռ զարբաֆներով կամ Հնդկաստանի մետաքսեայ նուրբ գործուածներով: Յատակը պատած էր Ֆերահանի նաչխուն գորգերով: Թագաւորական փառքի վայելչութիւն ունեցող այդ վրանը զրսից ֆէրուզայի միակերպ գոյն ունէր և կարված էր Քաչանի ամուր, անթափանցիկ զաղաքից: Նրա միջնասիւնի զլխին ծածանվում

էր մի կարմիր զրօշակ, որի վրա նկարված էր մի աջ զա Արութալէրի որդի Ալիի զօրաւոր ձեռքն էր, որ առաջնորդում էր խանին նրա բոլոր յաղթութիւնների մէջ: Վրանի առջև զցած էին մի քանի երկաթեայ թառիկներ, որոնց վրա հանդարտ, խոհական կերպարանքով նստած էին որսորդական բազէների ամենաբնասիր տեսակները:

Գեղեցիկ թարլանը հպարտ վեհանձնութեամբ նայում էր իր շուրջը, կարծես, կամենալով ցոյց տալ իր պարանոցի թանգագին մանեակը, որ զարդարած էր խոշոր արմաստներով: Բոլոր բազէները ունէին այսպիսի մանեակներ, և խրաքանչիւրի արժանաւորութեան համեմատ, զարդարած էին գոյնզգոյն գահարներով: Նրանց տոներին կապած էին ոսկեայ փոքրիկ բոժոժներ, որոնք ամեն մի շարժման ժամանակ ճընկճընկում էին, մեղօղիական մեղմ ձայներ էին արձակում: Մի ծիտ, մի աղաւնի օղի միջով անցնելու ժամանակ, նրանք իսկոյն բաց էին անում իրանց լայն թեքերը, և նետի նման սլանում էին դէպի վեր, որ բռնեն, որ գիշատեն նրան: Բայց մետաքսեայ ոտնակապը կրկին ցած էր քաշում նրանց և նստեցնում էր երկաթեայ թառիկների վրա: Այս շատակեր թռչուններին շատ չէին կերակրում, և միշտ անյագ էին պահում, որ որսորդութեան ժամանակ աւելի սաստիկ ախոր-

ժակ ունենան բռնելու և գիշատելու: Այսպէս պահում էր խանը և իր ծառաներին, այսպէս պահում էր և իր որսորդական շներին: Այս վերջինները, թէ շները և թէ ծառաները, թիւ չունէին: Այնտեղ կարելի էր տեսնել արագավազ բարակներ, թանգագին վզնոցներով, որոնց նուրբ կազմուածքը բաղկացած էր միայն ամուր ոսկրներից, զօրեղ մկնակներից և կարծ մազերով պատած կաշուց: կարծես, մտի մի փոքրիկ քանակութիւնն անգամ դրանց մարմնի մէջ կարող էր արգելել այդ թևթևաչարժ անասունների արմթացութիւնը: Այնտեղ կարելի էր տեսնել փոքրիկ, կատուի չափ, խորամանկ, չարածճի թուլաներ, որոնք սատանայի նման ամեն ծակ կարող էին մտնել, որոնք հոտոտալով, կարող էին գտնել թագնված երէի հետքը: Այնտեղ կարելի էր տեսնել լայնականջեայ եւրօպացի շներ, որոնք թէ ցեղով և թէ սովորութեամբ, ասիականացել էին և աւելի գաղանային բնաւորութիւն էին ստացել: Այնտեղ կային թանձր մազերով, հազգին, գայլանման գամփուներ, որ մի հարուածքով կարող էին ջարդել ամենազօրեղ եղջերուի մէջքը, և իրանց ճանկերի մէջ կարող էին խնդրել ամենի վարաղին: Ծառաները, թէ իրանց հօգեկան և թէ բարոյական յատկութիւններով ամենեկին չէին զանազանվում շներից: Չանազանութիւնը միայն նրա մէջն էր, որ

շները որսում էին իրանց նման անասուններ, իսկ ծառաները որսում էին իրանց նման մարդիկ: Ամենի մէջ տիրում էր մի և նոյն անգթութիւնը, մի և նոյն գաղանային անյագութիւնը արիւն լափելու...

Բոլոր ծառաները հազած ունէին սև դադաքից արխալուղ, իսկ նրա վրա տեղային կոշտ մահուդից կարված, մոյգ-մոխրագոյն գէյմայ մէջքները պնդած էր կաշեայ զօտիով զարդարած արծաթեայ կեւպանքներով, որից քարշ էր ընկած լէկզու դաշոյնը: Գլխներին դրած ունէին գառան մորթից կարած ահաղին փափախներ, իսկ ոտներին հազած ունէին արեխներ կաշեայ զանկապաններով: Կեղաոտութիւնը, անմաքրութիւնը տիրում էր նրանց վրա: Խնչպէս վայրենի խափշիկները որ և իցէ իւղալի բան ուտելու ժամանակ իրանց իւղոտ ձեռքերը քսում են մերկ մարմնի վրա, որ օժեն նրան, այնպէս էլ այդ կիսավայրենիները իրանց իւղոտ ձեռքերը այնքան քսել էին արխալուղների վրա, որ նրանց նիւթը կոկվել, վայլում էր մուշամբայի նման:

Խանի վրանի առջև տարածված էր ընդարձակ, կանաչազարդ հրապարակ, որի վրա ամբողջված էր, վրժվրժում էր բազմութիւնը: Ամենքը անհամբերութեամբ սպասում էին խանի դուրս գալուն: Ոմանք գործով էին եկած, ոմանք վէճ ունէին, նրանից դատավճիռ էին սպասում, ոմանք հե-

տաքքբիւր նայողներ էին, իսկ մի մասը նրա ծառաներն էին. այս սպասում էին, խանը նրանց մի ծառայութիւն յանձնէ, որից կարողանան շահվել:

— Զարբար, ասաց ծառաներից մէկը խանի բազէակրներից մէկին, — այսօր խանը շատ ուշացաւ, չէ դուրս գալիս:

— Իրա քէֆը չէ, երբ կուզէ, այն ժամանակ կը դուրս գայ, ո՞վ է նրան ստիպողը, պատասխանեց Զարբարը, և սկսեց՝ փայփայել բազէի փետուրները, որ նստած էր նրա, մինչև արմուկը կաշեայ ձեռնոցով պատած, բազուկի վրա:

Մտան, նկատելով, որ իր հարցմունքը վատ տպաւորութիւն գործեց բազէակրի վրա, խօսքը փոխեց, հարցնելով.

— Ն՛րբ պիտի բաց անէք այդ բազէի աչքերը: Եւ իրաւ, բազէի աչքերը կապած էին մի տեսակ կաշեայ անթափանցիկ ակնոցներով, որոնց նմանը կրում են մարդիկ քամու ժամանակ, աչքերը փօշուց պահպանելու համար: Բազէն դեռ անվարժ էր, այդ դրութեան մէջ նրան պահում են մի քանի ամիս լոյս և աշխարհ՝ չէ տեսնում, մոռանում է իր վայրենի անցեալը, յետոյ աչքերը բաց են անում, փոքր առ փոքր ընտելացնում են նոր կեանքի, վարժեցնում են որսորդութեան:

Խանի ամբողջ զիւանը հրապարակի վրա սպա-

սում էր նրան: Մի տեղ գետնի խոտերի վրա նստած էր Ֆարրաշբաշին (Ֆարրաշների կամ ժանդարմների գլխաւորը) աչքերը արիւնով և անգթութեամբ լցված մի մարդ: Նրա շուրջը խմբով կանգնած էին անողորմ ֆարրաշները, ձեռնները իրանց դաշոյնի վրա դրած: Գանգատաւորները, հաւաքված այնտեղ, աղաղակում էին, խնդրում էին ֆարրաշբաշուն, որ իրանց դատը յայտնէ խանին: Շատերը մօտենում էին, չօքում էին նրա տաջև, և ականջին փսփսալով, կաշառք էին խոստանում: Մի տեղ նստած էր խանի գլխաւոր մունչի-բաշին, այսինքն՝ միրզաների կամ գրագրների մեծաւորը: Նա մի մաշված, ցամաք մարդ էր, և յաճախ աֆիօն ընդունելուց դէմքը դեղնել, դալկացել, մեռելի գոյն էր ստացել: Նրա հաստ գօտիլ մէջ, առջևից խրած թղթերի փաթոթները բովանդակում էին իրանց մէջ խանի ամբողջ արխիւը, որ նա իբր գօտիւումն էր ման ածում: Այնտեղ էին տուրքերի, հարկերի հաշիւները, այնտեղ էին պաշտօնական թղթերի օրինակները, այնտեղ էին դատերի, վճիռների արձանագրութիւնները, — բոլորը թղթերի կտորտանքի վրա գրած, և խառն, անկարգ կերպով, խողովակի ձևով, միմեանց վրա փաթաթած: Նոյն գօտիլ մէջ խրած էր նրա երկայն, նաչխուն թանաքամանը իր բաղմաթիւ եղէգնեայ գրիչներով: Նոյն գօտիլից քարշ էր ընկած բազ-

մաթիւ կնիքների մի փունջ, հազիկ կոչված քարի վրա փորված, և արծաթի կոթերով բռնված: Մունչի-բաշիի շուրջը հաւաքված էին իր ստորադրեալ միրզաները (գրագիրները): Նրանք էլ ունէին իրանց դատի մէջ թղթերի փաթոթներ և թանաքամաններ: Այստեղ նոյնպէս բազմութիւնը զանազան խնդիրքներով դիմում էր մունչի-բաշիին՝ խանի գլխաւոր քարտուղարին, այս և այն թղթերն էր պահանջում: Այստեղ նոյնպէս շատերը մօտենում էին, չօքում էին նրա առջև և ականջին բաներ էին փսփսում...

— Այս մարդու թուղթը պատրաստ չէ, դառնում էր նա գրագրներից մէկին:

— Պատրաստ է:

— Ինչո՞ւ չէք տալիս:

— Կեռ բ ու լ ու մ ր չեմ ստացել:

Բուսումը այն ընծան էր, որ պիտի տար թղթի ստացողը գրագրին: Յետոյ սկսվում էր երկար սակարկութիւն այդ ընծայի քանակութեան մասին: Աշառակերութիւնը կատարվում էր հրապարակաւ, որովհետեւ դա ընդունված մի սովորութիւն էր:

Բազմութեան մէջ մի դղրոց ընկաւ և զէպի ամեն կողմ տարածվեցաւ խուլ շշուճ՝ «խանը դալիս է»: Բոլորը ոտքի վրա կանգնեցան:

Կանանոցի կողմից յայտնվեցաւ խանը: Նրա առջևից ընկած էին մի խումբ շաթրներ, իսկ

ետևից դալիս էին մի խումբ ֆէրբաշներ: Ինքը միայնակ, մէջ տեղում, վառվում էր ոսկու, արծաթի և գոհարների մէջ:

Այնչև զիւանխանէն հասնիլը բաւական տարածութիւն կար: Մի քանի տեղ կանգնեցրին նրան:

— Խան, քո ոտներին մատաղ լինենք, — խընդիր ունենք... ձայն տուեցին մի քանի հոգի, որ ճանապարհի ելրում չօքած, անդադար համբուրում էին զետիւնը:

Կրանք զիւղացիներ էին, որ կռիւ էին ունեցել ուրիշ զիւղացիների հետ, մի քանիսը վիրաւորված էին, և վէրքերի արիւնը տեսնվում էր նրանց հագուստի և երեսների վրա:

— Ֆարբաշաշի, հրամայեց խանը իր ժանդարմների գլխաւորին, — մարդիկ կուղարկես, բռնել կը տաս այն շարագործներին, և քանի հոգի որ լինեն, իւրաքանչիւրից քսան թուման ջարբի մ ա յ (տուգանք) առնել կը տաս, լաւ պատժելուց յետոյ:

Գանդատաւորները գետիւնը համբուրելով, սկսեցին գոհութիւն յայտնել և օրհնել խանի կեանքը: Խանը անցաւ:

— Ձեր ոտներին մատաղ լինեմ, ասաց ֆէրբաշ-բաշին հաղիւ լսելի ձայնով. — միւս զիւղացիների մէջ նոյնպէս վիրաւորներ կան և երկու հոգի սպանված են...

Ո —Այդ մի և նոյն է, պատասխանեց խանը,— որովհետեւ գրանք առաջ դանդաղացան, պէտք է գրանց դատը վճռել. յետոյ կը լսենք, թէ միւսները ինչ են ասում...

Պարսկական դատատանի կէտից շատ ճիշտ էր խանի վճիռը: Երկու գիւղի մարդիկ միմեանց հետ կռուել էին. մի կողմը շտապեց, դանդաղացաւ և բաւականութիւն ստացաւ: Երբ կը յայտնվէր միւս կողմը, նրան էլ «կը լսէին», այն ժամանակ առաջինների պատիժը գուցէ աւելի սաստիկ կը լինէր. և այսպիսով երկու կողմն էլ «ջարիմայ» վճարած կը լինէին, և այդ աւելի օգտաւէտ էր խանի դանձարանին:

— Խան, քո սոսներին մատաղ, խնդիր ունենք... ձայն տուեցին մի քանի հոգի, որոնք նոյնպէս ճանապարհի եղրի վրա չոքած հանրութում էին գետնը:

Գրանք նոյնպէս գիւղացիներ էին, որոնց ոչխարները գողացել էին. բայց գողը յայտնի չէր. ոչխարների տէրերը «կասկած» էին յայտնում գող Քէրիմի վրա, ասում էին նրա գործն է: Խանը հրամայեց Քէրիմին կալանաւորել, ոչխարները առնել, իրանց տէրերին յանձնել, և յիսուն թուման էլ «ջարիմայ» առնել Քէրիմից յօգուտ դանձարանի: Արդեօք Քէրիմը յանցաւոր էր այդ գողութեան մէջ, թէ ոչ, — քննութիւն չեղաւ: Քննութիւնը միշտ մնում էր վճռից յի-

տոյ: Այսինքն, երբ Քէրիմից ոչխարները կառնէին գիւղացիներին կը յանձնէին, և յիսուն թուման էլ «ջարիմայ» կառնէին յօգուտ դանձարանի, — այնուհետեւ երբ կը յայտնվէր, որ Քէրիմը մեղաւոր չէ, այն ժամանակ կրկին ոչխարները գիւղացիներից կառնէին և կը տային Քէրիմին, և յիսուն թուման էլ նրանցից «ջարիմայ» կառնէին, որովհետեւ սուտ ասեցին: Այսպիսով երկու կողմից էլ դանձարանը կը շահվէր, բացի գրանից, ոչխարները անղաղար մէկից առնելով և միւսին տալով, ամեն անգամ «գահեք» (տասանորդ) կը վեր առնէին նոյնպէս յօգուտ դանձարանի:

Այսպէս, խանը մինչև իր զիւանխանէն կամ դատարանը հասնելը, ճանապարհին, սուքի վրա, մի քանի դանդաղացիներ լսեց, մի քանի վճիռներ տուեց, բոլորը մի խօսքով, բոլորին բոլեական ուշադրութիւն դարձնելէն յետոյ: Գրտում, բաց օդի մէջ, աւելի հեշտ էր դատախազներին իրանց բողոքները նրա ախանջին հասցնել: Բայց երբ նա մտնում էր իր զիւանխանէն, այն ժամանակ բոլորովին անմատչելի էր դառնում: Գանդատաւորը պէտք էր ֆաբրաշքաշուն զիմէր, մունչիւրաշուն զիմէր, և ով է խմանում, հարիւրաւոր շունուգայլի պէտք է զիմէր, մինչև նրան թոյլ կը տային մերձենալ խանին և իր դանդաղութ յայտնել: Բայց մինչև այդ թոյլութիւնը ստա-

նալը, նա ստիպւած էր ամենին «փիշքէ՛ններ» տալ...

✧ Խանը արդէն մօտեցել էր դիւանխանէին: Ամբոխը ամեն կողմից յետ էր քաշվում և մինչև դետին զլուխ էր տալիս: Ֆէրրաշները իրանց ձեռքի վարոցներով գանակոծում էին հանդիպողին, ով որ փոքր ինչ ուշ էր շարժվում և ճանապարհ չէր բաց անում: «Բրօ... բրօ... (հեռացիր, հեռացիր) գոչում էին շաթրները: Նրկիւղը և սարսափը, տենդային ցնցումների նման, անցնում էին ամբողջ ամբոխի մէջ: Մի մեռելային լուսթիւն ավրել էր այդ անազին բազմութեան վրա, միայն լսելի էին լինում ֆէրրաշների ու շաթրների զգուշացուցիչ ձայները: Յանկարծ հեռուից մի աղաղակ բարձրացաւ և ամբոխի ուշադրութիւնը դարձաւ դէպի այն կողմը:

— Այրվեցան... այրվեցան... հայերը այրվեցան... լսելի եղան խուլ ձայներ:

Կարծես, մի անազին հրդեհ բոցավառվում էր խանի դիւանխանէից փոքր ինչ հեռու: Թանձր ծուխը, խառն հրեղէն ալիքների հետ, բարձրանում էին դէպի երկինքը:

— Այդ ինչ է այրվում, հարցրեց խանը, կանգնելով դիւանխանէի առջև:

— Հայեր են... պատասխանեց ֆարաշը, այնպիսի մի սովորական եղանակով, կարծես թէ, այրվող նիւթը փայտ, խոտ կամ յարդ լինէր:

Ֆէրրաշները հրամայեցին ամբոխին յետ քաշվել, որ խանը տեսնէ այդ տարօրինակ տեսարանը:

Բոցերի և թանձր ծխի միջից երևում էին մի քանի մարդիկ. մայրը գրկել էր իր երեխան, ծերունի հայրը ընկած էր որդու բազուկների վրա. մի քանիսը, անշարժ կանգնած, ձեռքները դէպի երկինք բարձրացրած, գոչում էին՝ «գթութիւն... գթութիւն... մի քանիսը ընկած էին գետնի վրա, ձայն չէին հանում... Տեսարանը սոսկալի էր: Այրվում էին կենդանի մարդիկ: Այրվում էին ամբողջ մարմնով, իւրի մէջ թաթախած պատրոյգների նման: Ոչ ոք չէր մօտենում այդ տարօրինակ հրդեհը չիջուցանելու համար: Նա պիղծ էր, նա կարող էր ուղղափառ մահմեդականին պղծել: Բոցերը փոքր առ փոքր լափում էին նրանց և կանգնածները գլորվում էին ցած: Մի մարմին ընկնում էր ուրիշ մարմնի վրա և ձեռացնում էր դիւանների մի կոյտ—մի մարդկային խարոյկ, որ աւելի հեշտ կարող էր վառվել: Բոցերի միջից դեռ լսելի էին լինում խուլ հառաչանքներ, շարժվում էին ձեռքեր, որ բարձրանում էին դէպի սառնասիրտ երկինքը... Կեղմ քամին տարածում էր ձեններային խանձանոտութիւնը դէպի ամեն կողմ: Գա մի կատարեալ մարդաղօճ էր, որ նուիրվում է աստուածներից ամենասնդութին:

Այրվում էին կանայք, երեխաներ, այրվում

էին արևորներ և առոյգ տղամարդիկ: Այդ սարսափելի ողջակեզը կարող էր ամեն մարդու վրա սոսկալի տագաւորութիւն գործել, բայց խանի մէջ նա բարձրացրեց ծիծաղ և մի տեսակ գահանային դուարձութիւն: Նա առանց ժպտելու չէր կարողանում նայել այդ սիրտ կտրատող տեսարանի վրա, որպէս Ներօնը նայում էր Հոսովի Նրդեհին: Նա զարմանում էր այդ թշուառների սատանայական հնարագիտութեան վրա, թէ ինչ խորամանկ միջոց էին ընտրել դարձնելու իրանց վրա խանի բարձր ուշադրութիւնը: Նրանք գանգատաւորներ էին: Մի քանի ամբողջ ամիսներ զեզերվում էին խանի չատրների մերձակայքում, բայց ոչ սք թոյլ չէր տալիս նրանց մօտենալ և իրանց գանգատը յայտնել խանին: Զուտահատութիւնը ստիպեց դիմել այսպիսի սոսկալի ձեռնարկութեան: Նրանք օձեցին իրանց մարմինը և հագուստը նաւթով, նրանք անցկացրին իրանց պարանոցը նոյնպէս նաւթի մէջ թաթախված հասիրներ, և կրակ տուեցին... Այդ բոլորը խիտ ծաղրաշարժ էր թւում խանին:

Մարմինները զեռ ծխում էին: Թանձր մուխը պատել, պաշարել էր նրանց: Նրբեմն միայն բարակ լեզուների նման յայտնվում էին բոցերի գունատ շուալիւղներ, գողգողում էին, պտոյտվում էին և իսկոյն մարում էին ծխի թանձրութեան մէջ: Գրանք թշուառ զոհերի վերջին բո-

ղաքը, վերջին մրմունջն էին արտայայտում...

Հասարակութեան ուշադրութիւնը այդ միջոցին դարձրած էր դէպի մի մանկահասակ պատանի, որ չը կարողանալով դիմանալ կրակի զարհուրանքին, դուրս էր պլծել իր մօր զրկից և ընկած էր խարոյկից հեռու: Յանկարծ մի մարդ շուտ վրա հասաւ, ջրով թրջած իր վերարկուն շտապով ծածկեց նրա վրա, և այսպիսով հանգցրեց նաւթի բոցերով բռնկված նրա հագուստից կրակը: Յետ քաշելով վերարկուն, նա սկսեց խնամքով մերկացնել մանուկին, որովհետեւ կիսավառ հագուստը զարձեալ այրում էր նրա մարմինը: Մագերը և մինչև անգամ օչքերի թերթերունքը բւլորովին խանձված էին: Պատանին ուշաթափութեան մէջ էր գտնվում, բայց կեանքի նշուղները իսպառ անհետացած չէին: Երեսի կաշին այրված էր, իսկ մարմնի վրա երեւում էին մի քանի մրկած տեղեր:

— Ի՞նչ պիտի անես այդ լակոտին, Ահմէդ, հարցնում էին նրա շրջապատողները:

— Ես նրան կառողջացնեմ և ինձ որդի կը շինեմ, պատասխանեց ծերունի ներքինապետը ծանրութեամբ:

— Գաւուրին, գոչեցին ամեն կողմից զգուսնքով:

— Ես նրան մահմեդական կը դարձնեմ: Թէև ծերունի Ահմէդը հաւատքով ծածուկ քրիս-

տոնեայ էր, բայց այդ խօսքը ասաց նա իր շքր-
ջապատողների մոլեռանդութիւնը չը գրգռելու
համար: Լսելով թշուառ դիւղացիների արկածքը,
նա շտապեց, եթէ կարելի կը լինէր, բոլորին
օգնութիւն հասցնել. բայց մինչև իր դալը ամեն
ինչ վերջացած էր.... Նա կարողացաւ ազատել
այդ մանուկը միայն:

Բայց նրանից առաջ, երբ բոցերը ճարակում
էին իրանց բոլոր դժոխային արհաւիրքով, երբ
դոհերը մրմնջում էին, երբ թանձր ծխի միջից լսելի
էր լինում «գթութիւն... գթութիւն»... հառա-
չանքը,—նրանց մօտից անցան հայոց ժողովրդի
երկու ներկայացուցիչները՝ մէլիք Ֆրանզիլը և
մէլիք Գաւիթը: Նրկումն էլ Դսիոյն հասկացան
եղեղութիւնը և այդ թշուառների յուսահատ ան-
ձնասպանութեան դրդիչ պատճառները: Մէլիք
Գաւիթի դէմքի վրա անցաւ տխրութեան մի
ամպ, նա ամբողջ մարմնով սոսկաց, սիրտը ըս-
կսեց դողդողալ և ոտքերը սկսեցին կարկամիլ:
Այդ խղճի և ցաւակցութեան զգացմունքը չէր,
որ այսպէս շանթահարեց նրան. դա եղեռնա-
գործի, դա չարագործի այն սոսկումն էր, որի
զազանային խռովութիւնը անցնելուց յետոյ,
յանկարծ տեսնում է իր աչքի առջև անմեղ զո-
հերը.... և նոր է հասկանում յանցանքի մեծու-
թիւնը: Իրանց անձը այրողները տաթևացիներ
էին, մէլիք Գաւիթի կառավարութեանը յանձն-

ված հարստահարեալներ էին: «Ուրացողը» այն
աստիճան կողոպտել էր նրանց, այն աստի-
ճան ծանրաբեռնել էր զանազան տուրքե-
րով, որ վերջին ժամանակներում անկարող էին
վճարել: Չարագործը նախ սկսեց ծախել տալ
նրանց տնային կարասիքը, անասունները, իսկ
երբ դրանք էլ սպառվեցան, սկսեց այնուհետև
վաճառել նրանց զաւակները մահմեդականներին:
Մի սյսպիսի բարբարոսութեան անկարող էր
համբերել ազքատ և ապրուստի ամեն միջոցնե-
րից զրկված զիւղացին: Նա սովորած էր ինչքի
և կայքի հարստահարութեան, բայց իր սիրելի
զաւակների մահմեդական դառնալուն չէր կարող
համբերել: Նա աւելի բարուք կը համարէր, որ
նրանք մեռնէին, օջնչանային, քան թէ կրօնա-
փոխ լինէին: Մէլիք Գաւիթի անգթութիւնները
կատարեալ զազանութեան էին հասնում: Նա
տանջում էր հայերին աւելի քան մի թուրք, մի
պարսիկ, կամ մի այլ մահմեդական: Անճարա-
ցած ժողովուրդը կամենում էր դիմել խանին,
յայտնել իր ցաւերը և արդարութիւն պահանջել:

† Ժողովուրդը յոյս ունէր, որ բռնակալ խանի
մէջ կը դռնէ աւելի գութ, աւելի մարդասիրու-
թիւն, քան թէ մի հայ զաւաճանի մէջ, որ փառ-
քի և պաշտօնի համար վաճառել էր մինչև ան-
գամ իր կրօնքը: Բայց խորամանկ մէլիքը այն-
պէս փակել էր բոլոր մուտքերը նրանց առջև,

որ ոչինչ հնար չէին գտնում իրանց բողոքը հասցնելու խանի ականջին: Ակսեալ ֆարաշաշաշից մինչև վերջին ծառայողը կաշառված էին մէլիքից, որ այդ գիւղացիներին թոյլ չը տան խանին մօտենալ: Մի երկրում, ուր ամեն դատկատարվում էր բերանացի, կամայական կերպով, ուր դատաւորը մատչելի չէր ամենին, ուր ամեն գործ քննվում էր լոկ խօսքերով միայն,— այսպիսի հանդամանքներում զրանիկների բարեխօսութիւնը կամ նրանց չարախօսութիւնը, ի հարկէ, մեծ նըշանակութիւն կարող էր ունենալ դանդաժաւորների վերաբերութեամբ: Գրանիկները կարող էին գէպի ամեն կողմ ծուկ դատաւորի կամքը, որը մի և նոյն ժամանակ ժողովրդի տէրն էր: Գրանիկները կարող էին գործը այնպէս սարքել, որ իշխանը ամենևին տեղեկութիւն չը ստանար, թէ ինչ է կատարվում ժողովրդի մէջ: Չափազանց անկարգութիւնները կառավարութեան մէջ, միշտ ծնեցնում են ծայրայեղ միջոցներ նրանց բառնալու համար, այն է ոչնչացնել անիրաւ իշխանութիւնը արդարութիւնը վերականգնելու համար: Բայց զրա համար ժողովրդի մէջ բաւական կեանք և բարոյական ուժ է հարկաւոր: Այդ ժամանակներում (և մինչև այսօր՝ Պարսկաստանի մէջ), ժողովուրդը այն աստիճան մեռած էր, որ սովորական իրերի կարգն էր անցել այն զրուայքը, թէ հասիր կը զցեմ բողազս, կը գնամ

խանի դրանը, ինձ կայրեմ... Գա հարստահարված գիւղացու վերջին յուսահատական խօսքն էր, երբ կամենում էր, որ իր ցաւերի վրա ուշադրութիւն դարձնէին: Լուկրեցիան խէնջարը ցցելով իր կուրծքի մէջ, անձնասպան եղաւ և իր մահուամբ բողոքեց անբարոյական շոսմի դէմ: Իսկ հայ գիւղացին մահմեդական իշխանի դրանը իրան այրելով, բողոքում էր տիրող բռնութեան դէմ:

— Այդ բանից վատ հոտ է գալիս... ասաց մէլիք Ֆրանզիւլը, դաճնալով մէլիք Գաւիթին, երբ նրանց աչքին ընկաւ սոսկալի տեսարանը:

Մէլիք Գաւիթը ոչինչ չը պատասխանեց: Նա մտածում էր այն բանի վրա, թէ ինչ տպաւորութիւն կունենայ այդ անցքը խանի վրա: Նա պատրաստում էր պատասխան նրա համար: Իր մտքում հարիւրաւոր պատճառներ էր հնարում, հարիւրաւոր փաստեր էր ստեղծում իրան արդարացնելու համար, երբ խանը բացատրութիւն կը պահանջէր նրանից սարսափելի անցքի մասին: Իսկ մէլիք Ֆրանզիւլին տանջում էր մի այլ միտք: Նա երկիւղ ունէր, որ գիւղացիների ինքնասպանութիւնը գուցէ կը շարժէր խանի մարդասիրական զգացմունքը և զրանով կը դժուարանար իրանց դիտաւորութիւնը հայ գերիներին վաճառումը կամ իսպառ խափանելու, կամ յետաձգելու մասին: Այդ նպատակով նրանք զի-

մում էին խանին, որ արգելեն հայ գերիներէ վաճառումը, և Թորոս իշխանին ձեռնթափ յետ դարձնեն, որը այսօր գալու էր գերիներին զնելու: Իսկ այդ անիծված գիւղացիները վատ ժամանակ ընտրեցին իրանց այրելու: Այսօր պէտք էր խանի անգթութիւնը իր գաղանային բորբոքման մէջ պահել: Իսկ այդ անիծված գիւղացիները փոքր ինչ մեղմացրին նրա բարբարոսութիւնը: Ո՞ւմ սիրտը չի ցաւի, տեսնելով երեխաներին և կնիկներին կրակի բոցերի մէջ... Այսպէս էր մըտածում մէլիք Ֆրանգիւլը, երբ նրանք հասան խանի վրանի մօտ:

Խանը զեռ կանգնած էր իր վրանի առջև և նայում էր, թէ որպէս մի քանի չրէաներ երկաթէ կարթերով, շան գէշերի նման, քննելին տալիս կիսախորով դիակները, տանում էին հեռու, ձգում էին մի փոսի մէջ և ծածկում էին հողով: Մահմեդականները չէին մօտենում նրանց, պիղծ էին համարում, այս պատճառով պիղծ ծառայութիւնը յանձնել էին նոյնպէս պիղծ չրէաներին, որոնք գործով եկել էին խանի բանակը:

Տեսնելով երկու մէլիքներին, որոնք հանդիսաւոր կերպով իր մօտ էին գալիս, խանը մի առանձին հեղնական ժպիտով դարձաւ նրանց, ասելով.

—Տեսնք, ինչ արեցին այդ յիմար հայերը...
Երկու մէլիքները մինչև գետին խոնարհվելով,

զլուխ տուեցին: Խանի ժպիտը քաջալերեց նրանց, և մէլիք Դաւիթը օդուտ քաղելով նրա ուրախ տրամադրութիւնից, պատասխանեց.

—Հային ո՞վ է տուել խելք, եթէ հայերը խելք ունենային, էլ ինչու էին հայ լինում...:

«Ուրացող» շողորթութիւնը բաւական դիւր եկաւ խանին, որը ձեռքը դնելով նրա ուսի վրա, ասաց.

—Այդ իրաւ է, Բաղր բէկ (պարսիկները այսպէս էին կոչում նրան)—եթէ հայերը խելք ունենային, կը հետեւէին քո օրինակին, կընդունէին մեր սուրբ կրօնքը, և համ այս աշխարհում, համ այն աշխարհում վայելչութիւն կունենային:— Այսպէս չէ, մէլիք Ֆրանգիւլ, հարցրեց նա վերջինից:

Մէլիք Ֆրանգիւլը դարձեալ զլուխ տուեց, ասելով.

—Այո, խան, այդպէս է, քո ոտքին մատաղ: Խանը մտաւ վրանի այն մասը, որ յատկացրած էր զիւանի համար: Նա նստաւ իր համար առանձին պատրաստած թանգագին օթոցի վրա և նրաւիրեց երկու մէլիքներին նոյնպէս նստել: Նրանք տեղաւորվեցան խանից ցած: Խանի զրանիկներից նրա մօտ նստեց միայն մուշի-բաշին, իսկ միւսները ոտքի վրա կանգնած մնացին վրանի առջև: Այդ միջոցին անցաւ այնտեղից ծերունի Ահմէդը, և հեռուից լուռ աչքով ակնարկելով խանի ման-

կահասակ սպասաւորներէից մէկին, կանչեց իր մօտ:

— Սալամ, ասաց նրան, — ահա քեզ տան ոսկի. այդ մարդիկը ինչ որ խօսելու լինեն խանի հետ, շուտով խարարը կը բերես ինձ: Նա ցոյց տուեց երկու մէլիքներէ վրա:

— Փողը ինչ կանեմ, պատասխանեց կանացի դէմքով գեղեցիկ սպասաւորը, — քեզ մի ծառայութիւն անելու համար ես ամեն բանի պատրաստ եմ:

— Ոչ, ընդունիր, ինչ որ քեզ ասում են՝ այն լսիր. ոչ մի խօսք չես վախցնի ականջիցդ, բոլորը կը պատմես ինձ:

Սալամը խանի համար ղէյլան մատուցանող սպասաւորն էր, որ միշտ կանդնած էր լինում նրա սպասին: Նա առանց կաշառք եւ ընդունելու ծերունի ներքինապետից, միշտ պատրաստ էր կատարելու հարեմի այդ հզօր իշխանի կամբը, որից բոլոր ծառայողները դողում էին:

Խառնիճազանձ բաղմութիւնը վրանի առջևից քաշվեցաւ դէպի նրա ետևի կողմերը, նստեցին խոտերի վրա, որ խանի աչքին չընկնէին: Իսկ վրանի մուտքի աջ եւ ձախ կողմերը կանդնած մնացին ֆէրրաշները, շաթրները եւ միւս ծառայողները:

Խօսակցութիւնը կրկին դարձաւ հայերի վրա: — Ֆարրաշ-բաշի, ձայն տուեց խանը, — դուք

չը դիտէք պատճառը, թէ ինչու համար այդ հայերը իրանց այրեցին:

Ֆարրաշ-բաշին մտեցաւ, գլուխ տուեց, եւ շփոթված տատանվում էր, չը դիտէր, թէ ինչ պէտք էր պատասխանել: Վերջապէս ասաց նա, թէ ինձ ոչինչ յայտնի չէ:

— Ես գիտեմ... մէջ մտաւ մունչի բաշին, խանի առաջին քարտուղարը:

Այդ մարդը, որ ամբողջ մարմնով թունաւորված էր անդադար ափիօն ուտելով, որի ձեռքերը դողում էին շատ արագ խմելուց, բայց որպէս գրագէտ, որպէս շատ կարդացած մարդ, համեմատաբար աւելի բարոյական էր, քան թէ միւս բոլոր ծառայողները: Նա պատկանում էր պարսից մի ծածուկ աղանդի, որ հերքում էր ամեն կրօնքները, իբրև վնասակար, իբրև սուգերի եղբայրութիւնը խափանող եւ նրանց մէջ թշնամութիւն սերմանող մի վարդապետութիւն: Նա բացատրեց խանին, թէ հայերի յուսահատական ինքնասպանութիւնը առաջ է եկել հարկերի չափազանց ծանրութիւնից, թէ նրանք վճարում էին երեքպատիկ, չորեքպատիկ աւելի, քան թէ պարտաւոր էին. թէ նրանց ինչքը, ստացվածքը եւ մինչև անգամ զաւակները վաճառվում էին տուրքերի փոխարէն. — Ի հարկէ, այդ բոլորից յետոյ, աւելացրեց նա, — նրանց ոչինչ չէր մնում, բայց միայն մեռնել...

Այդ միջոցին մէլիք Գաւիթի ղէմքը գունա-
թափվել, դակիացել, մեռելի գոյն էր ստացել:
Նրա աչքերում վառվում էր մի տեսակ դադա-
նային կատաղութիւն, նկատելով, թէ դեռ ևս
կան աշխարհում անմիտ մարդիկ, որոնք բողո-
քում են չարութեան դէմ: Նա դսպեց իրան, ո-
չինչ չը պատասխանեց, սպասելով, թէ խանը ինչ
կասէ:

— Հաշիւներ կան ձեզ մօտ, հարցրեց խանը:

— Ինչպէս չէ, պատասխանեց քարտուղարը և
դուրս բերեց իր գօտիի միջից թղթերի ահագին
փաթոթը, սկսեց նրանց միջից ջոկել տաթևա-
ցիները հաշիւները:

Այդ միջոցին խանի վրանը մտաւ ցեղի ընդ-
հանուր հոգևոր զլուխը—խմամբ: Բոլորը ոտքի
վրա կանգնեցին, նրան զլուխ տուեցին: Խանը
հրաւիրեց նրան իրանից բարձր նստել, նոյն թան-
գազին օթսցի վրա, ուր առաջ ինքն էր նստած:
Քննութիւնը հայերի հարստահարութեան մասին
ընդհատվեցաւ:

Սովորական հարցութարեններից յետոյ, խանը
ծիծաղելով դարձաւ ղէպի իմամը, ասաց.

— Ի՞նչ է շինում ձեր գէրվիչը, պատրաստեց
խոտացած մաջուկը:

— Գեռ բոլոր նիւթերը ձեռք չեն բերված, պա-
տասխանեց իմամը լուրջ կերպով.— հարկաւոր է
դեռ ևս հարիւր մաղալ մարդարիտ, հարիւր մըս-

ղալ խոշոր մարջան, տասն մաղալ ալմաստ, տասն
մաղալ եաղութ, տասն մաղալ լալ, հինգ մաղալ
մուշք, հարիւր մաղալ չուբի-չին, երկու հարիւր
մաղալ եաղուղի ոսկի, և մի քանի ուրիշ նիւ-
թեր: Այստեղ անկարելի է բոլորը գտնել, միտք
ունեմ գրել թարվէզ, որ այնտեղից ուղարկեն:

— Ամենին հարկաւոր չէ գրել թարվէզ, ասաց
խանը իր ծառայութիւնը ցոյց տալու համար
իմամին, — բոլորը կը գտնվեն ինձ մօտ, դուք կա-
րող էք ստանալ ինձանից այդ բոլոր գոհարնե-
րը, որքան պէտք է ձեզ, միայն այն պայմանով,
որ փողի փոխարէն շնորհէք ինձ ձեր սուրբ օրհ-
նութիւնը:

— Նս առանց այդ ևս ամեն օր իմ նամազների
մէջ յիշում եմ ձեզ, ասաց իմամը իր յատուկ
բարեարտութեամբ:

Խանը լուռ զլուխ տուեց ի նշան իր շնորհա-
կալութեան:

Իմամը վաթոռն տարին անցրած մի չոր ու
ցամաք ձերուների էր, ստքից մինչև զլուխը սպի-
տակ հագնված, որդէս վայել էր այդ նրա բա-
րեպաշտութեանը: Նրա զլխի ձերմակ չալման
մի ահագին կաղամբի էր նմանում, իսկ մէջքի
հասա գօտին, փրփուրի պէս սպիտակ և նուրբ
գործուածքից, զիզվել էր փօրի վրա: Նա տասն և
երկու կնիկներ ունէր, իսկ այդ հատակում կա-
մենում էր պսակվել մի դեռահաս, տասն և չորս

տարեկան աղջկայ հետ, յոյս դնելով իր գէրվիչի հրաշալի մաջուկն ի վրա, որը պէտք է վերադարձնէր նրա մանկութիւնը, և նրան մի առոյգ երիտասարդի սիրտ և ուժ պիտի տար: Նա բուրբովին հաւատում էր իր վերածնելութեանը, թէև հրաշալի մաջուկը նրան շատ թանգ պիտի նստէր, թէև բոլոր գոհարեղէնները պիտի մոնէին խորամանկ դէրվիչի գրպանը: որը բժշկութեան մէջ իրան մի նոր Վօկման էր ներկայացնում:

— Այդ դէրվիչը, խօսեց իմամը, — սքանչելի բաներ գիտէ, նա խոստանում է ինձ համար մի դարման շինել, որը մի անգամ ընդունելուց յետոյ բոլոր սպիտակ մազերը սև դոյն կը ստանան: Գիտէ և մի ուրիշ դարման, որ կեանքը հարկւրաւոր տարիներով երկարացնում է:

— Ի՞նչու չէք շինել տալիս, հարցրեց իւանը:

— Նիւթերը հազուադիւր են և ըստ մեծի մասին թանկագին:

— Այսպիսի դարմանները պատրաստվում են գլխաւորապէս գոհարեղէններից:

— Այո՛, գոհարեղէններից:

Խանը դարձեալ կրկնեց, թէ բոլորը իմամը կարող է ստանալ իրանից, և ինդրեց դէրվիչին իր մօտ ուղարկել, յայտնելով, թէ ինքն էլ նպատակ ունի նոյն մաջուկները պատրաստել տալ իր համար, և այսպիսով մի օգուտ հասցրած կը լինի դէրվիչին, որը իմամի թէ բժիշկը և թէ

հիւրն է: Մի խօսքով, խանը աշխատում էր ամեն տեսակ հաճութիւն ցոյց տալ այդ սպիտակեղէնների մէջ փաթաթված, չորուցամաք ձերուկին, որ բովանդակում էր իր մէջ ամբողջ ցեղի հաւատը և համակրութիւնը: Խանը այնքան վարպետ էր, որ գիտէր, թէ այդ մարդուն զրաւելով, ամբողջ ժողովուրդը իր ձեռքում սանձահարված կարող էր պահել:

Մի մարդ միայն այդ վրանում իր մտքում ծիծաղում էր այդ բոլոր խօսակցութիւնների վրա, — դա մուշի-բաշին էր: Նա խիտ դժգոհ էր, որ իմամի այցելութիւնը խանդարեց իր բացարժեթիւնները հայերի հարստահարութեան մասին, և բարկութիւնից, հանեց իր ծոցից մի փոքրիկ ոսկեայ տուփ, և նրա միջից վեր առնելով ափիօնի երեք հատ խոշոր դնդակներ, զրեց բեբանը, կուլ տուեց:

— Միրզայ-Ջաֆարը — այսպէս էր մուշի-բաշիի անունը, — արդէն կուլ տուեց իր մաջուկը, նկատեց իմամը հեղնական եղանակով:

— Այո՛, պատասխանեց նոյնպէս հեղնական ոճով քարտուղարը, — այդ է իմ մաջուկը, թէև չէ մանկացնում, բայց դոնէ մոռանալ է տալիս ինձ աշխարհի վշտերը...

— Միթէ դուք էլ վշտեր ունէք, հարցրեց իմամը ծիծաղելով:

— Նս վշտեր չունեմ, բայց ուրիշի վշտերը նե-

ղացնում են ինչ... ասաց նա վիլիսօփայական գուարձախօսութեամբ, — աշխարհի մէջ շատ չար ու բարի են տեսնում... կան մարդիկ, որ ամեն հնարներ դործ են դնում իրանց կեանքը երկարացնելու համար, որ աւելի շատ վայելեն աշխարհի հեշտութիւնները... կան և այնպիսի մարդիկ, որոնք կամաւ կարճացնում են իրանց կեանքը և մահուան մէջ են որոնում հանգստութիւնը...

Թէ խանը և թէ խմամը առաջուց սովոր էին քարտուղարի տարապայման խօսակցութեանը, այս պատճառով չը բարկացան նրա բացարձակ ակնարկութիւնները վրա: Գէրվիշները առհասարակ յարգանք ունեն պարսիկների մօտ, չը նայելով որ, նրանց հայացքները և սովորութիւնները շատ անգամ հակառակ են լինում ընդունված նախապաշարմունքներին: Միրզա-Չաֆարը նոյնպէս դէրվիշ էր: Իր վերջին խօսքերով նա ակնարկում էր խեղճ հայերին, որ մի քանի բուպէ առաջ այրվեցան հրապարակի վրա: Իմամը հասկանալով այդ, պատասխանեց նրան.

— Նրանք առանց այդ էլ պիտի այրվէին դժոխքի կրակների մէջ: Լաւ է, որ այս աշխարհում փորձեցին նախապատրաստվել գեհնի կրակների համար:

Քարտուղարը կամենում էր պատասխանել իմամին, բայց խանը նրան աչքով արաց, որ լռէ:

Մէլիք Գաւիթը, որ բոլոր ժամանակը լուռ լսում էր, մտածեց օգուտ քաղել իմամի ներկայութիւնից և իր հաշիւը վերջացնել քարտուղարի հետ: Բայց առիթ չէր գտնում: Առիթը տուեց ինքը իմամը, որը գոհ մնալով իր սուր պատասխանով հայերի վերաբերութեամբ, դարձաւ դէպի մէլիք Գաւիթը, հարցնելով.

— Այսպէս չէ, Բադր բէկ:

— Իրաւ, այդպէս է, տէր, ասաց «ուրացողը» — բոլոր հայերը դժօխքի կրակի մէջ պիտի այրվին: Աստուծոյ զրախօը միայն Մուհամմէդի ուղղափառների համար է: Մի քանի բուպէ առաջ պարոն քարտուղարը ինձ մեղադրում էր, իբր թէ ես եմ եղել զխաւոր պատճառը, որ այդ յիմար հայերը իրանց անձերը կրակին մատնեցին: Իբր թէ ես նրանցից ծանր հարկեր եմ առել և նրանց զաւակները վաճառել եմ: Խոստովանվում եմ, որ այդ երկուսն էլ արել եմ ես աւելի յարգանք ընդունելու համար, քան թէ նախատինք: Հարկերը ծանրացնելով, ես ծառայութիւն եմ արել խանի զանձարանին, իսկ «գաւուրների» զաւակները մահմեդականներին վաճառելով, ես աշխատել եմ բաղմացնել մեծ մարգարէի հաւատացեալների թիւը: — Գրանք են իմ արածները, եթէ մի որ և իցէ յանցանք էք գտնում դրանց մէջ, ահա իմ պարանոցը, կտրել տուեցէք:

—Այդ գործերի մէջ ոչ ոք ձեզ մեղադրելու իրաւունք չունի, ընդհակառակն, դուք պատուի և շնորհակալութեան էք արժանի, պատասխանեց իմամը ծանրութեամբ:—Գրանցով դուք ցոյց էք տալիս, որ անկեղծութեամբ և հաւատքով էք ընդունել մեր կրօնը: Ես կը խնդրեմ խանից, որ ձեզ ըստ արժանւոյն վարձատրէ:

—Ես այսօր իմ սեպհական հանդիւժմանից մի խ ա լ ա թ կընծայեմ Բաղը բէկին, ասաց խանը իմամին դոճացնելու համար:

Մէլիք Գաւիթը գլուխ տուեց և օրհնութիւններով յայտնեց իր շնորհակալութիւնը: Այժմ չարագործի մռայլված դէմքը կրկին սկսեց փայլել ուրախութիւնից: Իմամը մէլիք Ֆրանգիւլի վրա ամենեկին ուշադրութիւն չը դարձրեց, թէև նա ատիճանով լաւելի բարձր էր մէլիք Գաւիթից: Մուսուլմանների բարձր հոգևորականը, կարծես, զգվում էր այդ «գաւուրի» ներկայութիւնից, մոնաւանդ, որ նա համարձակվել էր նստել նոյն վրանի տակ, ուր ինքն էր նստած: Այդ սքոհամարհանքը սատարիկ աղղեց փառասէր մէլիք Ֆրանգիւլի սրտին և նրա զլխում կրկին ծագեց այն միտքը, որ երկար ժամանակ տանջում էր նրան...

Իմամը վեր կացաւ, յայտնելով, թէ երկար նստել չէ կարող, թէ իր նամազի ժամանակը անցնում է, թէ նա մի քանի բոլակով միայն

կամեցաւ անցնել խանի մօտ, նրա առողջութիւնից տեղեկութիւն ստանալու համար, թէև նա եկած էր զլխաւորապէս գոհարեղէնների համար, որ պահանջում էր նրանից դէրվիչը: Թէ խանը և թէ բոլոր ներկայ գտնվողները կանգնեցին և բաւական տեղ, վրանից հեռու, ճանապարհ դրին իմամին:

Իմամի դնալուց յետոյ խանը երկու մէլիքների հետ մնաց միայնակ: Քարտուղարը խուովված մարդու նման առանձնացաւ վրանի միւս մասնում, ուր նստած էին նրա ստորադրեալ գրադրները և սկսեց զբաղվել իր գործերով: Այդ միջոցին խանը կանչել տուեց իր մօտ ձիաւորների զլխաւորին, որին կոչում էին դուլար-աղասի և հրամայեց նրան պատրաստել երկու հարիւր զինված ձիաւորներ թորոս իշխանին ընդունելու համար:

—Թորօսը, հարցրեց մէլիք Ֆրանգիւլը զարմացած կերպով, իբր թէ ոչինչ բանից տեղեկութիւն չունի,—ինչու համար է դալիս թորոսը:

—Իշխանը պիտի գայ մեզ մօտ գտնված հայ գերիներին գնելու համար, պատասխանեց խանը: —Այսօր, ճաշից երկու ժամ առաջ, ժամանակ ենք նշանակել նրան ընդունելու:

—Ներեցէք համարձակութեանս հարցնել՝ որքան փրկանք էք նշանակել:

—Ես դեռ ոչինչ չեմ նշանակել, տեսնենք իշ-

խանը որքան կը տայ. ի հարկէ, փողի մասին սակարկութիւն կը լինի:

— Ես հէնց այդ էի ուզում գիտենալ, ասաց մէլիք Ֆրանզիւլը խոհեմ կերպով. — Պորոտը եօթըն սատանայից աւելի խորամանկ է, վախենում էի, որ այդ անիրաւը ձեզ կը խաբէ: Լաւ է, որ դեռ գործը վերջացած չէ, ես այժմ կարող եմ ձեզ մի քանի օգտաւէտ խրատներ տալ:

Սալամ մանկլաւիկը, որ ներքինապետից պատուէր էր ստացել լրտեսել խանի և երկու մէլիքների խօսակցութիւնը, աւելի սրեց իր ականջները մէլիք Ֆրանզիւլի «խրատները» լսելու համար: Ընդունելով իր մատուցած ղէշլանը խանի ձեռքից, նա մի կողմ քաշվեցաւ, կանգնեց վրանի մուտքի մօտ, և լարված ուշադրութեամբ լսում էր նրանց:

Մէլիք Ֆրանզիւլը խանի ուշադրութիւնը դարձրեց նախ այն կէտի վրա, թէ ո՞վքեր են գերինները, ինչ տոհմից են, որքան կարողութիւն ունեն և նրանց ազգականները ինչ գումար կարող էին վճարել նրանց գնելու համար: Բոլորի անունները մի առ մի յայտնելուց յետոյ, նա աւելացրեց, թէ ինքը, կռիւի ժամանակ, որովհետև խանի զօրքերի մէջն էր գտնվում, և խանին աւելի շահ հասցնելու մտքով, աշխատեց ընտրել գերինների ամենահարուստ ընտանիքներից, որպէս զի, նրանց ազատելու համար կարելի

լինի պահանջել նշանաւոր գումարներ: Գերինները թուով հարիւր քսան և հինգ հօգի են. մի մասը մեռել են բանտի մէջ, բայց հարիւրի չափ դեռ մնում են: Գրանց մէջն է գտնվում Ստեփաննոս պատանին, որ Շահումեան իշխանների տոհմիցն է, մէլիք Վարթանէսի որդին, ամբողջ Գենուազ գաւառի ժառանգը, այն դաւառի, որ դուք տիրեցիք, որ այժմ ձեր իշխանութեան ներքոյ է գտնվում: Այդ պատանուն ամենակին պէտք չէ ձեռքից թողնել, եթէ կամենում էք, որ Գենուազը մնայ ձեզ որպէս մշտական սեպհակա-նութիւն: «Վիշապի ձազը երբ որ մեծանայ, դարձեալ օձերի թագաւորը կը դառնայ» — այդ պարսկական առածի միտքը դուք լաւ էք հասկանում: Ուրեմն, պէտք է Շահումեանների տան այդ վերջին շառաւիղը արմատից կտրել, այդ տոհմի հետքը աշխարհի երեսից ջնջել, եթէ ցանկանում էք, որ Գենուազը ձեզ մնայ: Իսկ եթէ պատանու կեանքին ղիպչել չէք ցանկանայ, խոհեմութիւնը պահանջում է, որ նրան պահէք ձեզ մօտ որպէս պատանդ:

Մէլիք Ֆրանզիւլը այնպէս հասարակ և սովորական կերպով առաջարկում էր խանին իր «խրատները», որպէս բժիշկը տալիս է իր հիւանդին դանազան առողջապահական խորհուրդներ, որոնց մէջ նա խղճի, պատուի և ազնու-թեան դէմ ոչ մի յանցանք չէ գտնում:

— Այդ բոլորը, ինչ որ ասեցիրք, չատ խելացի են, պատասխանեց խանը ուշադրութեամբ լսելոց յետոյ. — բայց ես այդ պատանուն ոչ կարող եմ պահել ինձ մօտ որպէս պատանդ և ոչ ոչնչացնել նրան, որովհետեւ Թորոս իշխանին խօսք եմ տուել բոլոր գերիները դարձնել նրան, և ես իմ խօսքը յարգում եմ:

Կարծես մէլիք Ֆրանգիւլի գլխին սառը ջուր ածեցին: Նա չէր սպասում խանից մի այսպիսի պատասխան: Բայց դարձեալ իր վստահութիւնը չը կորցնելով, դաւաճանը շարունակեց.

— Ես երբէք չէի ցանկանայ, որ դուք ձեր խօսքը կտորէիք, խան, բայց այդ չէ արգելում ձեզ պահանջել որպէս պատանու, նոյնպէս և միւս գերիների համար արժանաւոր փրկանք:

Մէլիքի նպատակը այն էր, որ խանը պահանջէ այնպիսի անազին գումար, որ Թորոս իշխանը չը կարողանայ վճարել. դրանով դարձեալ գերիները կը մնային խանի բանտի մէջ, այնտեղ կը մաշվէին, կը տրորվէին և վերջապէս կ'ոչնչանային, — այն ժամանակ մէլիքը դարձեալ հասած կը լինէր իր նպատակին: Բայց ինչ սատանայական նպատակ էր այդ, — պէտք է պարզել:

Մէլիք Ֆրանգիւլը վաղուց դիտաւորութիւն ունէր Գենուաղ դաւառի մէլիքութիւնը իր ձեռքը ձգել: Այս նպատակով, նա իրան աջակից ընտրելով տաթևացի Դաւիթ ուրացողին, երկու-

սը միասին կարողացան խանին գրգռել Գենուաղի վաղեմի իշխան մէլիք Վարթանէսի դէմ: Կաւադրութիւնը այնպէս սարքեցին, որ մէլիք Վարթանէսը բոլորովին անպատրաստ, խանի հրոսակները յանկարծ մտան նրա երկիրը: Շահումեանների տունը բոլորովին ընալինջ եղաւ, ինքը մէլիք Վարթանէսը ընկաւ կուլի մէջ: Այդ անագին իշխանական տոհմից ազատվեցաւ մի պատանի միայն, Ստեփաննոսը, որը գերի ընկաւ խանի զօրքերի ձեռքը: Նրա հետ գերի առնվեցան Գենուաղի գիւղերի բոլոր նշանաւոր տանուտէրների որդիները: Այնուհետեւ խանը իր կողմից նշանակեց այդ դաւառում պարսիկ կառավարիչներ: Գերիները այնքան ժամանակ պահվում էին խանի բանտերում, մինչև Գենուաղը բոլորովին հպստակէր և ժողովուրդը ապստամբական փորձեր չանէր: Բայց որովհետեւ ժողովրդի գլխաւորները ոչնչացրած էին, և նրանց դաւակները որպէս զբաւական պահվում էին տիրող բռնակալի ձեռքում, այս պատճառով անտէր, անառաջնորդ Գենուաղը շուտով խոնարհվեցաւ պարսիկ խանի իշխանութեան ներքոյ: Այնուհետեւ աւելորդ էր պահել գերիներին, երբ կարելի էր ստանալ նրանց փոխարէն բաւական մեծ գումար: Բայց մէլիք Ֆրանգիւլին այդ ձեռնտու չէր: Նա ժառանգական թշնամութիւն ունէր Շահումեանների տոհմի հետ: Նա ցանկանում էր ոչնչացնել

այդ հոյակապ ընտանիքից մնացած միակ ներկայացուցիչը, Ստեփաննոսին, որ ինքը լինի Գենուաղի տէրը: Թէև այդ մասին նա դեռ ոչինչ խօսեցած չէր խանի հետ, բայց մեծ յոյս ունէր, որ կարող է համեմել իր նպատակին, որովհետև խանը նրա օգնութեամբ, նրա առաջնորդութեամբ միայն կարողացաւ տիրել Գենուաղին և յաղթել մէլիք Վարթանէսի նման մարդուն, որը մեծ զօրութեան տէր էր: Պարսից խաները սովորութիւն չունէին իրանք կառավարելու հայոց դաւառները. նրանք յանձնում էին հայ մէլիքներին և տարեկան մի նշանակեալ հարկ էին ստանում: Ո՞վ աւելի արժան էր այդ պաշտօնին, քան մէլիք Ֆրանգիսը, որ այնքան հաւատարիմ էր խանին, որ այնքան օգնել էր նրան Գենուաղի տիրապետութեան մէջ:

Մէլիք Ֆրանգիսը երկար ժամանակ աշխատում էր պատանի Ստեփաննոսին խեղդել տալ բանտի մէջ, բայց այդ փորձը, ինչպէս տեսանք, չը յաջողվեցաւ: Նա այնքան երկիր չէր կրի այդ պատանուց, եթէ նա չունենար մի այնպիսի հզօր քեռի, որպիսին էր Թորոս իշխանը, Չաւղուրի ամբողջ գաւառի տէրը: Ստեփաննոսի մայրը այդ իշխանի հարազատ քոյրն էր:— Տարակոյս չը կայ, մտածում էր մէլիք Ֆրանգիսը, որ Թորոս իշխանը, ազատելով իր քրոջ որդուն, կը պահէր իր մօտ, կը մեծացնէր, և վերջը

կաշխատէր նրան կրկին իր հայրենական ժառանգութեան տէր դարձնել:

Արծաթի սէրը խանի մէջ մեծ էր ամեն բանից: Մէլիք Ֆրանգիսը բոլոր խորհուրդները, բոլոր փաստերը, թէ դերիներին իր մօտ պահելով կամ ոչնչացնելով, կարող էր նա ապահովացնել Գենուաղի տիրապետութիւնը,—այդ «խրատներին» խանը մեծ նշանակութիւն չը տուեց: Նրան միայն գրաւեց փողի խնդիրը և այս պատճառով հարցրեց, թէ ինչքան կարելի է պահանջել Թորոս իշխանից:

—Մէլիք Վարթանէսի ամբողջ գանձը, պատասխանեց մատնիչը:

Խանը զարմացաւ, ասելով, թէ մէլիք Վարթանէսը ինչ որ ունէր, ինչ որ չունէր, բոլորը կողոպտվեցաւ կռիւի ժամանակ. միթէ դեռ ևս նրանից մի բան մնացած է:

—Ինչպէս չէ, պատասխանեց մէլիքը ժպտելով, որպէս մի մարդ, որ ժպտում է երեխայի միամտութեան վրա:—Մէլիք Վարթանէսը դեռ կռիւից շատ առաջ հօտը առել էր, որ ձեր զօրքերը պիտի մտնեն նրա երկիրը. այս պատճառով իր գանձը նախապէս անդափոխել էր իր աներոջ Թորոս իշխանի ամրոցը: Չէր զօրքերը գտան մէլիք Վարթանէսի ամրոցում նրա հարստութեան փլյանքները միայն:

Յետոյ նա սկսեց պատմել այդ առասպելական

գանձի մասին շատ բան. թէ մէլիքը իր ամբողջում մի ներքնատուն ունէր երկաթէ դռներով, թէ այնտեղ յատակի վրա, ցորենի շեղջերի նրման, դիզված էին՝ մի կողմում ոսկի, միւս կողմում արծաթ, մի տեղ պղնձէ դրամներ, միւս տեղ թանգազին քարեր: Թէ այդ կոյտերը այնքան բարձր էին, որ եթէ մի մարդ միւս կողմում կանգնած լինէր, անկարելի էր նրան տեսնել: Եւ փողը այնտեղ չէին համբարում, կամ կշռում էին կշիռքով, կամ չափում էին սօմարով: Այդ բոլորը նա ուղարկ բեռներով առաջուց ուղարկած էր Թորոս իշխանի տունը:

Այդ պատմութիւնը խանի վրա նոյն ազդեցութիւնն էր դործում, ինչպէս քաղցած մարդու մօտ համեղ կերակուրների պատմութիւնը. «Նրա ախորժակը աւելի բացվեցաւ, և ինչպէս ասում են՝ շերտի ջուրը գնաց», երբ մէլիք Գաւիթը, որ բոլոր ժամանակը լուռ էր, վկայութիւն տուեց, թէ բոլորը ճշմարիտ է, թէ ինքը իր աչքովն է տեսել այդ ահագին գանձը, թէ այնտեղ կային սկսեալ Սրկանդար Զուլկարնէյից (Աղէքսանդր Մակեդոնացուց) ամեն ժամանակների դրամներ, թէ այնտեղ կային մինչև անգամ քաջքերի դրամներ:

Այդ միջոցին հեռուից լսելի եղաւ փողի ձայն, որի դողդոջուն հնչիւնները կտորատվելով տարածվեցան լեռների մէջ: Մի քանի անգամ կըրկնվեցաւ ձայնը, յետոյ լուռ:

— Իշխանը դալիս է, ասաց խանը և հրամայեց Ֆարրաշ-բաշուն, իր դրամիկներից գլխաւորների հետ ընդ առաջ գնալ:

Երկու մէլիքները կանգնեցան, յայտնելով, թէ իրանց անյարմար է նրա գալուց յետոյ ներկայ գտնվել:

— Շնորհակալ եմ, «իմ» մէլիքներ, ասաց խանը բարեկամաբար, — շատ շնորհակալ եմ, որ դուք այդ բոլորը նախապէս յայտնեցիք ինձ: Ես պատանի Ասեփանին չեմ տայ, մինչև չը ստանամ նրա հօր ամբողջ գանձը, և միւս գերիներին նոյնպէս չեմ աղատի, մինչև չը ստանամ արժանաւոր փրկանք: Ես չեմ մոռանայ, որ դուք իմ աչքերս բաց արեցիք...

Ը.

Նրբ երկու մէլիքները հեռացան, խանը գտնվում էր մի տեսակ հոգեկան բերկրութեան մէջ: Առասպելական գանձի պատմութիւնը այն աստիճան դրդուել էր նրա ազահութիւնը և այն աստիճան լցրել էր նրա սիրտը շուտ հարստանալու յոյսերով, որ երեակայում էր, թէ քանի բոսիէից յետոյ աշխարհի Ղարունը *) կը դառնայ: Ի՞նչեր չէր կարելի անել այդ գանձով: Նրանով կարելի էր կազմակերպել զօրքերի այնքան բազմութիւն, որոնցմով շատ հեշտ կը լինէր տիրել ամբողջ

*) Ղարուն, պարսից Արեստը:

Ատրպատականը... որոնցմով կարելի կը լինէր մինչև անգամ յափշտակել Սէֆէվիների թագը...

Ազահուլթեան և փառասիրութեան բաղձանքը ծնեց նրա մէջ յանցաւոր խորհուրդ—մեղանչել հիւրասիրութեան սրբութեան դէմ և չը յարգել տուած խօսքը: Երկուսն էլ մեծ անպատուութիւն էին մի պետի համար, որքան վայրենի, որքան և բարբարոս լինէր նա: Թորոս իշխանի ընդունելութեան պայմանները սկզբից որոշված էին նրա հետ. իշխանը պիտի դար երկու հարիւր ձիաւորներով, բերելով իր հետ զերիները ազատելու փրկանքը: Փրկանքի քանակութիւնը կամ ընծաների արժէքը որոշված չէին, դրանք թողված էին իշխանի մեծահոգութեան վրա: Երկու հարիւր ձիաւորներ խանի կողմից պէտք է զիմաւորէին նրան: Իշխանին պէտք է ցոյց տրվէր, նրա պատուի համեմատ, ամեն յարգանք և հիւրասիրութիւն: Բայց այդ բոլոր կարգադրութիւնները փոխվեցան խանի մտքում: Նա վճռեց, եթէ Թորոս իշխանը չի համաձայնվի տալ նրան մէլէք վարթանէսի գանձը, այն ժամանակ ոչ միայն զերիները չէ կարող ազատել, այլ խանը կը հրամայէ նրան կալանաւորել, բանտարկել և բանտի մէջ մաշել, մինչև զանձը ստացվի: Բայց Թորոս իշխանը միայնակ չէր լինելու, նա իր հետ պիտի բերէր հայոց քաջերից երկու հարիւր զինված ձիաւորներ: Այդ ոչինչ, խանի բանակի մէջ կա-

րելի էր մի բռնակամ պատրաստել հազար զինված մարդիկ: Կարծեալ մկանը կարելի էր պցել թակարդի մէջ....

Մինչ խանը այդ խորհրդածութիւնների մէջ էր, կանանոցի վրաններից գուրս եկաւ մի կին. նա ոտքից ցզլուլս փաթաթված էր մոյգ-կապտապոյն չաղրչաբի (զաղիֆայ) մէջ և երեսը ծածկած ունէր սպիտակ, անթափանցիկ քօղով, որի աչքերը ծածկող մասը միայն ունէր մաղաձև հիւսվածք սեռութիւնը խապաւ չը խափանելու համար: Յուշիկ, նազաքայլ ընթացքով դիմում էր նա գէպի խանի վրանը և նրա առջևից գնում էր ծերունի Ահմէդը ներքինապետի բոլոր ինքնափտահուլթեամբ: Ճանապարհից բոլորը յետ էին քաշվում, երեսները շուռ էին տալիս, մտածելով, որ անցնողը խանի հարեմի խանուաններից մէկը պէտք է լինի: Աւ իրաւ, դա Ալուրին էր, ծերունի Ահմէդից սեղեկացած լինելով երկու մէլլիքների մատնութիւնների մասին, գնում էր իր ամուսնի մօտ հայ զերիների ազատութեան համար բարեխօսելու: Նա անցաւ դէպի խանի վրանի այն մասը, որ կօշվում էր խալվաթ-խանայ (զաղտնարան), ներքինին բաց արեց նրա առջև մուտքը, նա ներս մտաւ, կրկին նրա ետևից մուտքը փակվեցաւ: Ալուրին մնաց միայնակ գաղտնարանի մէջ: Նա մի կողմ ձգեց մոյգ-կապտապոյն չաղրչաբը, որի մէջ փաթաթված էր և յայտնիցաւ

որպէս մի ծովային յաւերժահարս, որ յանկարծ դուրս է դալիս ոտարէի միջից: Նա երեսից յետ քաշեց քօղը: Այդ թանձր, անթափանցիկ քօղը, կարծես, խեղդում էր նրան: Այժմ սկսեց ազատ շունչ քաշել: Այն օրվայ բոլոր անցքերը թողել էին նրա սրտում դառն և ցաւալի տպաւորութիւններ: Հարեմի կանանց նախանձը, գլխի մագերի կտրովիլը, հայ գիւղացիների սոսկալի վախճանը, իր հօր և նրա համանման արբանեակի բանասարկութիւնները, — այդ բոլորը այն աստիճան վրդովել, այն աստիճան տխրութեան մէջ էին գցել նրան, որ նմանում էր մի անմխիթար սգաւորի, որը կորցրած է լինում այն, ինչ որ ամենաթանկագինն է աշխարհում նրա համար: Այսուամենայնիւ, այս բոլորը չէր կարող պատճառ տալ հարեմի ստրուկին ուշադրութիւն չը դարձնել իր հագուստի և դարդարանքի վրա, որպէս վայել էր իր իշխանի աչքին երկնալու համար: Նա տխուր էր, թէ ուրախ, — մի և նոյն է. պէտք էր սովորական պշրանքով ներկայանալ իր իշխողին: Նրա կարճիկ շալվարը (լուկայ) կարված էր վարդադոյն ատլասից, ոսկեհուռ բանվածքով և ստորին եզերքը չորս մատի լախութեամբ զարդարած մարդարիաներով և գոհարներով: Թիկնոցը կարված էր մանիշակագոյն թաւիչից, նոյնպէս ոսկէ թելերով նախշած և եզերքը մարդարիաներով զարդարած: Խոշոր մարջաններ

բով շարած մի թանկագին մանուակ քաղչ էր ընկած սարանոցից կիսամերկ կուրծքի վրա: Ամբողջ մարմինը բուրում էր անուշհոտութեան մէջ: Անհանգիստ, անվճռական դրութեան մէջ կանգնած էր նա դազանարանում, տարուբերվում էր մտածութիւնների մէջ, թէ ինչպէս պէտք էր հանդիպել խանին, ինչ կերպով սկսել իր խօսքը: Արդեօք, իր վարմունքը կասկածելի չէր անի նրան խանի աչքում, և չէր մերկացնի նրա համակրութիւնը դէպի հայերը և քրիստոնէականները, որ այնքան տարի ամենայն զգուշութեամբ ծածկած էր: Ի՞նչպէս բարեխօսել գերիների ազատութեան համար, ինչպէս ասել, թէ այն բոլորը սուտ է, ինչ որ յայտնեցին երկու մէլիքները երեսկայական գանձի մասին: Ախար նրանցից մէկը իր հայրն էր. ինչպէս ցոյց տալ նրա խաբէութիւնը: Արդեօք կը հաւատար խանը, — այդ զարձեալ մի հարց էր:

Հարեմի խնորհգանների մէջ սովորել էր նա փոքր ինչ խորամանկ լինել: Մտածում էր իր միջնորդութեանը մի գերբնական, գաղանի ազդեցութիւնից ներշնչված, խորհրդաւոր ձև տալ: Գրա համար բաւական էր հնարել մի ևրազ, ասել թէ երազումս այս տեսայ, այն տեսայ և այս բոլոր տեսիլների ազդարարութեան համեմատ, պէտք է ազատել գերիներին, եթէ ոչ, հետեանքը վատ կը լինի, որովհետև Աստուած

մեծ պատիժ է սպառնում: Բայց ինչու այդ բու-
լորը նոր էր մտածում նա, ինչու սկզբից խոր-
հած, նախապատրաստված, չը դիմեց նա գոր-
ծին: Նա շտապեց: Հէնց որ ծերունի ներքինա-
պետը հաղորդեց նրան, թէ ինչ թակարդ լարե-
ցին երկու մէլիքները, հէնց որ լսեց նա փողի
առաջին ձայնը, որ ազդարարում էր թորոս իշ-
խանի դալը, նա ածապարեց խանի մօտ, հազիւ
ժամանակ գտնելով հագնվելու: Այժմ միանգա-
մից հասկացաւ նա իր կատարած դերի վտան-
գաւոր կողմերը: Միթէ խանի կասկածը չէր
գրգռի նա, երբ կիմանար, թէ իր կինը լրտե-
սում է նրա խօսակցութիւնները, թէ Ահմէդի
ձեռքով կաշառում է սպասաւորներին, թէ...
վերջապէս շատ բաներ կարող էր գիտենալ նա,
այնուհետև ինքը կորած էր:

Ահա այդ մտատանջութիւնների մէջ գտաւ
նրան խանը, որ աւելի բարկացած, քան թէ
զարմացած իր ամուսնի անակնկալ այցելութեան
վրա, ներս մտաւ գազանարանը: Հարեմի մէջ
փակված կնոջ իր արգելարանից դուրս դալը, և
ահագին բազմութեան միջից անցնելով, այդ
վրանը մտնելը ոչ միայն անվայել, այլ բոլորո-
վին հակառակ էր կանանոցի կանոններին: Եւ
դրանով պէտք է բացատրել այն սպառնական
հայեանքը, որով դարձաւ խանը դէպի իր կինը
հարցնելով:

— Գու ինչ գործ ունես այստեղ:

Սիւրին մնաց շփոթված. կարծես, նրա լեզուն
կապեցին, և մի խօսք անգամ չը գտաւ պա-
տասխանելու: Նրան տիրեց մի տեսակ երկիւղ,—
ստրուկի երկիւղը իր սարսափելի տիրոջ առջև:
Այդ առաջին անգամն էր, որ նա զգում էր իր
ոչնչութիւնը, թէ ինքը մահմետական ընտանիքի
մէջ մի կրաւորական առարկայ էր, մի փայլուն
և խայտաճամուկ զարդ էր, և ոչ կամքի ու
խօսքի տէր արարած, և ոչ ամուսնի ընկեր ու
նրա խորհրդակից: Խանը նայելով այդ գեղեցիկ,
չփոթված առարկայի վրա, սրբ, որպէս մի ա-
մօթխած հրեշտակ, ներկայանում էր նրա աչ-
քում իր բոլոր սքանչելի հրապուրանքով, մեղմեց
իր բարկութիւնը, և մօտենալով, բռնեց նրա ձեռ-
քից, նստեցրեց իր մօտ մախմուռի օթոցի վրա,
հարցրեց:

— Գիտեմ, մի ինդիրքով եկած կը լինես ինձ
մօտ, խօսիր, նազելիս, ինչ ունիս ասելու:

Նեղ դրութիւնը մարդուն սրամիտ է շինուս:
Սիւրին յանկարծ յիշեց այն նշանաւոր բոպէն
իր ամուսնական կեանքում, որ սկիզբը դրեց նրա
ամբախտութեանը: Նա յիշեց այն տաղնապալից
գիշերը, երբ ինքը տասն և չորս տարեկան մի
անմեղ աղջիկ, փառասէր հօր ձեռքով ձգվեցաւ
խանի գիրկը: Նա յիշեց այն բոլոր հողեկան
տանջանքը, այն բոլոր դարչելի զզուանքը, ո-

բով ինքը, որպէս մի նոր Հովիտիմէ, պատերազմում էր խանի գազանային կրքերի դէմ և չէր կամենում անձնատուր լինել: Նա յիշեց այն խօսքը, որ ախտաբորբէք խանը երդվելով ասաց նրան. «խնդիր ինձանից ամեն բան և ես կը տամ քեզ, միայն թէ դու իմս լինես»: Սիւրբին ոչինչ չը խնդրեց և անձնատուր եղաւ... Այնուհետեւ խանը մի քանի անգամ կրկնեց նրան մի և նոյն խոստմունքը, բայց Սիւրբին միշտ սպասում էր մի կարևոր դէպքի, որ իր խնդրածը մի նպատակայարմար և նշանաւոր բան լինէր: Այժմ դէպքը ինքն ըստ ինքեան առաջ եկաւ:

Նա չօքեց խանի առջև, որպէս մի խոնարհ աղերսարկու աստուածներից ամենասարսափելի արձանի առջև, և իր գեղեցիկ, արտասուքով լի աչքերը դէպի վեր բարձրացնելով, ասաց.

— Իմ իշխանը յիշում է, որ մի պարտք ունի ինձ վճարելու:

— Ի՞նչ պարտք, հարցրեց նա զարմանալով:
Սիւրբին յիշեցրեց նրան հին խոստմունքը:

— Այդ ես չեմ մոռացել, ասաց խանը ժպտելով, — ես մեղաւոր չեմ, որ քո առջև վատ պարտական գտնվեցայ, դու առհասարակ անհող ես քո ապառիկների վերաբերութեամբ: — Հիմա, խնդիր, ինչ որ կամենում ես, ես իմ խոստմունքը պատրաստ եմ կատարելու:

— Նս քեզանից մեծ բան չեմ խնդրելու, պա-

տասխանեց Սիւրբին, տակաւին անշարժ մնալով իր չօքած դրութեան մէջ, — ես եկայ խնդրելու, որ ազատես հայ գերիներին և Թորոս իշխանին ձեռնունայն յետ չը դարձնես:

— Ա՛... այդ շատ մեծ բան է քո խնդրածը... պատասխանեց խանը զարմացական բացականչութեամբ, և նրա փոքր ինչ մեղմացած դէմքը կրկին մռայլվեցաւ սովորական խստութեամբ: — Դու կամենում ես ինձ կորցնել տալ մէլիք Վըրթանէսի ամբողջ գանձը:

— Ի՞նչ գանձ:

Խանը սկսեց պատմել նրան բոլորը, ինչ որ լսել էր նրա հօրից և մէլիք Ֆրանգուլից առապելական գանձի մասին, աւելացնելով, թէ մեծ յիմարութիւն կը լինէր իր կողմից մի այսպիսի ահագին կողոպուտը ձեռքից բաց թողնել, մանաւանդ, որ ինքը փողի շատ հարկաւորութիւն ունի:

Սիւրբին պատասխանեց, թէ ինքը երբէք յանձրն չէր առնի ձանձրացնել իր «իշխանին» անտեղի խնդիրքով և երբէք չէր ցանկանայ զրկել նրան իր շահերից, եթէ զիտենար, որ այդ երեւակայական գանձը գոյութիւն ունի: Բայց նա այդ բոլորը զրպարտութիւն է համարում, թէև հաղորդողներից մէկը իր հայրն է:

— Ուրեմն ինչ նպատակ ունէին նրանք խարելու ինձ, հարցրեց խանը խորին վրդովմունքով:

— Նպատակ ունեն... պատասխանեց Միւրին զգալի խռովութեամբ, — և նրանց նպատակը ինձ լաւ յայտնի է, բայց այժմ անյարմար եմ համարում հաղորդել ձեզ, յուսարով, որ իմ իշխանը կը հաւատայ, որ իր ազգայինը սուտ խօսող է:

Այս խօսքերը պատասանեց նա այնպիսի մի զգացմունքով, որ ազգեց խանի քարացած սրբասի վրա, և նա բռնկելով իր առջև չոքած գեղեցիկ կնոջ թեքից, կրկին նստեցրեց իր մօտ, ասելով.

— Նա կը կատարեմ քո խնդիրքը:

Միւրին ուրախութեամբ ընկաւ իր «իշխանի» զիրկը, թեքերը փաթաթեց նրա պարանոցով, և իր բորբոքված, շառագունած թշերը սեղմեց նրա շրթունքի վրա: Այդ առաջին անգամն էր, որ մանկահասակ կինը այնպէս ջերմ, այնպէս անկեղծ սիրով գրկում էր իր բռնապետին, որին մինչև այն օր միշտ ատել, միշտ անիծել էր իր սրտում:

Այդ միջոցին կրկին հնչեց փողը և հեռուից լսելի եղան ձիաների սմբակների ձայներ:

— Այժմ հեռացիր, նաղելիս, ասաց խանը կանգնելով և Միւրինին իր հետ վեր բարձրացնելով. — Թորոս իշխանը գալիս է:

Միւրին ծածկվեցաւ իր մոյզ-կապտադոյն չափազարի մէջ, ձրեց երեսի վրա անթափանցիկ

քօզը և դուրս եկաւ գաղտնարանից: Առաջի առջև նրան սպասում էր ծերունի ներքինապետը, որը առաջ ընկաւ և տարաւ արկնոջը մինչև իր վրանը: Այնտեղ միայն հարցրեց ծերունին.

— Յաջողեցաւ:

Միւրին, ուրախութեան ժպիտը երեսին, պատասխանեց.

— Այո:

— Փառք Աստուծոյ, բացականչեց ծերունին իր գոհունակ ձեւքերը բարձրացնելով դէպի երկինքը:

Թ.

Այսօր էր արդէն: Խանի վրանի առջևի հրապարակի վրա, դէպի աջ կողմը, կարգով շարված էին երկու հարիւր զինված ձիաւորներ խանի հեծելախմբից, հրացանները պատրաստ ձեռներին բռնած: Նրանց հանդէպ, դէպի վրանի ձախ կողմը, նայնպէս կարգով շարված էին երկու հարիւր հայ ձիաւորներ, նոյնպէս հրացանները ձեռքներին պատրաստ բռնած: Հայ և պարսիկ ձիաւորների մէջտեղը թռված էր փողոցի նման մի երկայն տարածութիւն, որտեղից պիտի անցնէր Թորոս իշխանը: Այդ փողոցի ծայրից յայտնվեցաւ նա: «Սալամ»... գոռացին բոլոր ձիաւորները մի քանի անգամ և օդը թնդաց բաղմամբիւ ձայների որոտմունքից: Իշխանը նստած էր մի գեղեցիկ, սպիտակ նժուղի վրա, որի ամբողջ

առաջադէնը զարդարած էր արծաթով: Նա մի հըս-
կայատիպ մարդ էր, այրական խրոխտ դէմքով
և առիւծի հրացայտ աչքերով: Նրա առջևից
տարվում էին իշխանի բերած «փիշքէշները», որ
պիտի ընծայէր խանին: Աօթն հողի մինը միւսի
ետևից, զլինների վրա դրած, տանում էին եօթն
պղնձէ սինիններ, որ ծածկված էին քիրմանի
թանգագին շալերով և իրանց մէջ կրում էին
զանազան հազուագիւտ և ծանրագին իրեղէններ:
Նրանց ետևից, սանձերից բռնած, տանում էին
երեք գեղեցիկ նժույզներ, որոց թամբը, սանձը
և բոլոր պարագայքը զարդարած էին արծաթով:
Նժույզները նոյնպէս ծածկված էին քիրմանի շա-
լերով: Այդ «փիշքէշների» ետևից գալիս էր ինքը
իշխանը, շքապատած իր թիկնապահներով: Բոլոր
մահմետականները մի առանձին նախանձոտ կա-
տապութեամբ դիտում էին հայ իշխանի փառքը
և մեծութիւնը: Նրա կշտից քարշ էր ընկած եր-
կայն, կեռ թուրը, որի երախակալը զարդարած
էր թանգագին ակներով, իսկ գօտիի մէջ խրած
էին մի զոյգ ատրճանակներ, արծաթով պատած
կոթերով: Նա թէև քառասուն և հինգ տարեկան
կը լինէր, բայց երիտասարդի բոլորովին թարմ
դէմք ունէր, բաւական գեղեցիկ և կանօնաւոր
զծագրութեամբ: Արմ կտրած մօրուքի և զլսի
զանգրահեր մազերի մէջ դեռ ոչ մէկը չէր սպի-
տակել, չը նայելով, որ այդ մարդը իր կեանքում

խիտ սակաւ լոպէներ ազատ էր մնացել մաշող
վշտերից:

Երբ իշխանը մօտեցաւ խանի վրանին, տասն-
քայլ հեռաւորութեան վրա ձիուց ցած իջաւ,
այդ ժամանակ խանը դուրս եկաւ վրանից, դի-
մաւորեց նրան, և ձեռքիցը բռնելով, բերեց
չաղրի այն մասը, որ յատկապէս պատրաստված
էր պատուաւոր հիւրին ընդունելու համար: Իշ-
խանի թիկնապահները, որ թւով քսան և հինգ
հողի էին, բոլորը ամենի և քաջ երիտասարդներ,
ձեռքները իրանց սրերի վրա դրած, կանգնեցին
վրանի մուտքի այն կողմում, որ կողմը նստած
էր իրանց տէրը: Նրանց հանդէպ կանգնած էին
խանի Ֆէրրաշները, և անընկերատէր կերպով
նայում էին կոպիտ սրենցի հայերի երեսին:

— Բարով եկաք, հազար բարով, ձեր խրա-
քանչիւր քայլը ինձ համար մեծ շնորհ եմ հա-
մարում, ստաց խանը իր երկրի բազաքավարու-
թեան սովորական ձևով:

— Ինձ բերեց ձեր սպասին, իբրև մի ուխտա-
ւոր, ձեր շնորհալի դէմքի լոյսը տեսնելու ցան-
կութիւնը: Աս ինձ բաղդաւոր եմ համարում, որ
վայելում եմ ձեր շնորհը և բարեսրտութիւնը,
և յօւսով եմ, որ միշտ անխախտ կը պահպան-
վին մեր բարեկամական կապերը, որպէս եղել
են միշտ:

Այսպէս երկար, երկու տարբեր և թշնամական

ցեղերի պետերը, մինը միւսին յայտնի կերպով շողքորթեցով, թափոււմ էին միմեանց առջև իրանց բարեկամական ջերմ զգացմունքը և սէրը: Այդ միջոցին իշխանի ծառաները «փիշքէհները» ներս բերեցին: Կօթն սղոնձէ սինիներ շարվեցան խանի առջև: Երբ նրանց վրայից վեր առեցին քիրմանի շալի ծածկոցները, խանի աչքերը կատարելապէս շլացան: Այդ թանգազին իրեղէնները թէև մէլիք վրթանէսի գանձի չափ չէին լինի, բայց գարձեալ մեծ հարստութիւն զիջված էր սինիների վրա: Մէկի վրա կիտված էին սակի դրամներ, միւսի վրա՝ արծաթի դրամներ, երրորդի վրա՝ արծաթով դարդարած ընտիր զէնքեր՝ գաշոյն, ատրճանակ, զարաբինայ, վառօդի և գնդակի ամաններ և այլն. չորրորդի վրա՝ արծաթից շինված և ոսկէջրած անօթներ՝ թասեր, կուլաներ, զէյլանի և չիրուխի գլուխներ և այլն. հինգերորդի վրա՝ գեղեցիկ չինեական ամաններ, վեցերորդի և եօթներորդի վրա՝ դանազան տեսակ նուրբ մետաքսեղէն և շալեղէն գործուածներ հարեմի կանանց հաղուստի համար:

— Կ'նչ նեղութիւն էք քաշել, խօսեց խանը այդ բոլորը տեսնելուց յետոյ, — դուք ինձ չափազանց ամաչացնում էք ձեր առատաձեռնութեամբ. ևս, իրաւն ասեմ, չը գիտեմ, թէ ինչով կարող եմ գուրս գալ ձեր պարտաւորութիւնից:

— Այդ բոլորը ոչինչ նշանակութիւն չունի ձեռք բարեսրտութեան առջև, պատասխանեց իշխանը ուրախ ժպտով, — ես դերովիշի *) նման ձեզ համար մի հատիկ մեխակ եմ բերել և աւելի ոչինչ:

Այդ միջոցին կանգնեցրին վրանի առջև իշխանի բերած երեք ազնիւ նժոյգները իրանց գեղեցիկ ասպաղէնով:

— Փահ... փահ... փահ... մաշալլա... բացականչեց խանը հիացմունքով, — դրանք, երեխ, ձեր սեպհական երամակիցն են, եթէ ոչ, Սիւնեաց ամբողջ նահանգում այս տեսակ ձիաներ չը կան:

— Այն, իմ սեպհական երամակիցն են, պատասխանեց իշխանը և հրամայեց ձիապաններին, որ շուռ տան նժոյգները, որպէս զի խանը տեսնէ նրանց ձախ ոտի ազդրի վրա իր դրօշմը, որ էր հայոց Թ տառը:

«Փիշքէհներ» ձիան ատամներին չեն նայում, ասում է հատարակաց առածը, բայց խանը կամենում էր տեղեկանալ նժոյգներին տոհմը, ծագումը, կարծես, փողը նազը էր տուել. և այդ աւելի վըրգովեցնում էր իշխանին, թէև նա ամեն կերպով աշխատում էր ծածկել իր խռովութիւնը:

— Շնորհակալ եմ, շատ շնորհակալ եմ, ասաց

*) Մեխակը կամ կանաչ տերևը դերովիշների ամենամեծ ընծան է:

խանը ծանրութեամբ,—ես վաղուց գիտէի, որ դուք շատ լաւ մարդ էք, իսկ այժմ ուրախ եմ, որ ես սխալված չեմ եղել իմ կարծիքի մէջ:

Այնուհետեւ նա հրամայեց իր ակտուարներին, որ նժուղները տանել տայ և խառնէ իր ձիաների երամակի հետ, իսկ սանդուխտարին (գանձապահին) հրամայեց, որ սինիների մէջ բերված ընծաները տանէ իր սանդուխտանան (գանձարանը):

Այդ միջոցին խանի գեղեցիկ հագնված մանկլաւիկները չինէական նախշուն գաւաթների մէջ մատուցին շարքէթ, պատրաստած Ռաշտի լիմօնի ջրից, որի մէջ լողում էին սառուցի մանր կտորտանք: Չովացուցիչ ըմպելին մի քանի անգամ տրվեցաւ, ընդմիջվելով Շիրազի անուշահոտ թամբաքուրից պատրաստված դէյլանով: Չը նայելով այն բոլոր շողօքորթական խօսքերին, չը նայելով այն բոլոր մեծարանքին, որ խանը ցոյց էր տալիս հայոց իշխանին, նա դարձեալ իրան խաբված էր համարում, ընդունելով իշխանի բերած ընծաները և զրկվելով մէլիք Աբրթանէսի գանձից: Այդ ինչ յիմարութիւն էր, որ նա ընդունեց իր կնոջ առաջարկութիւնը, միթէ կնոջ խօսքին կարելի էր հաւատալ, միթէ առջին կինը չէր, որ խաբելով իր տղամարդին, զրկեց նրան զբախտի փառքից: Այսպէս էր մտածում նա և տարուբերվում էր զանազան

չարաններ: Կտորհուրդների մէջ, բայց չը գիտէր ինչ կերպով յաղեցնել իր ազահութեան կրքերը:

Խանը այն տեսակ մարդիկներից չէր, որ շնորհակալ է լինում ստացածովը. այս պատճառով Թորոս իշխանի հարուստ ընծաները ոչ միայն չը բաւականացրին նրան, այլ ձգեցին խիստ խորին կասկածանքի մէջ,—արդեօք այդ մարդը, որ այսքան կարողացաւ տալ ինձ, ուրեմն որքան պէտք է պահած լինի իր համար: Նա տխուր էր, որ շատ ստացաւ, որովհետեւ այդ շատը ապացոյց էր ուրիշ շատերի, որ պէտք չէր թող տալ մի հայ մարդու մօտ:

Երբէթի խմելուց յետոյ մանկլաւիկները ձեռք լուանալու ջուր բերեցին, և կամենում էին ճաշի սեղանը պատրաստել:

—Ես մի պատառ հաց անգամ բերանս դնել կարող չեմ, մինչև գերիներին բանտից դուրս եկած և իմ մարդիկներին յանձնված չը տեսնեմ, ասաց Թորոս իշխանը փոքր ինչ սառը կերպով:

—Ինչո՞ւ էք շտապում, պատասխանեց նրան խանը ծիծաղելով,—գեւ ևս ճաշ անուշ արէք, հանգստացէք, այնուհետեւ, երեկոյեան զովի ժամանակ, երբ գնալու կը լինէք, գերիներին ձեզ հետ կը տանէք:

Բայց պարսկական ճաշը հնդկական անուշահոտութիւններով, իսկ յաճախ թոյներով համեմած ճաշը, Թորոս իշխանին շատ չէր գրաւում: Նա

խկապէս ասորժակ չունէր մի բանի ուտելու, թէև ճանապարհից էր եկած, թէև ոչինչ չէր կերած: Գերիներն վիճակը սաստիկ տանջում էր նրա առաքինի և սիրող սիրտը: Նա ցանկանում էր շուտով տեսնել նրանց, տեսնել, թէ որն է մեռել, և որը կենդանի մնացել: Բայց խանը չէր կամենում, որ իշխանը գերիներին նոյն ցաւալի դրութեան մէջ տեսնէ, որպէս պահել էր նրանց. այս պատճառով իր մանկլաւիկներից մէկի միջոցով ծածուկ պատուէր տուեց բանապետին, որ նրանց դուրս բերէ բանտից, շղթաները արձակէ, և կեղտոտութեան մէջ ապականված այդ թշուառներին փոքր ինչ մաքրել տայ:

Այդ միջոցին երկու մէլիքներէն վրանը մտաւ խանի սպասաւորներից մէկը, որին կաշատել էին լրտեսելու, թէ ինչ վախճան կունենայ թորոս իշխանի այցելութիւնը:

— Ի՞նչ լուր բերեցիր, հարցրեց նրանից մէլիք Ֆրանգիւլը:

Սպասաւորը պատմեց, թէ խանը սիրով ընդունեց իշխանին, և շնորհակալ եղաւ նրա բերած «փիշքէշներին» համար, և հրամայեց բանտից դուրս բերել գերիներին և յանձնել իշխանի մարդիկներին:

Սպասաւորի խրաքանչիւր խօսքը նետի նման ծակում էր երկու մէլիքների սրտերը: Նրանք

դժուարանում էին հաւատալ, թէ խանը կարող էր այսպէս հեշտութեամբ իր միտքը փոխել, թէ նա այնքան կը յիմարանար, որ չէր հասկանայ իր սեպհական շահերը, և չէր կատարի այն բոլոր օգտաւէտ խորհուրդները, որ նրա հաւատարիմ մէլիքները հաղորդեցին նրան: Ուրեմն դարձեալ խորտակվեցաւ այն մեծ որոգայթը, որի մեքենայութեան վրա այնքան շատ աշխատել էին այդ երկու մարդիկը, դարձեալ նրանց ջանքերը իզուր անցան: Բայց խանի տրամադրութեան անակնկալ փոփոխութիւնը առանց մի նշանաւոր պատճառի չէր լինելու, և այդ պատճառը գիտնալը աւելի հետաքրքրում էր մէլիք Վաւիթին:

— Դու այն ասա, կաֆար, հարցրեց նա սպասաւորից, — դեռ թորոս իշխանը չեկած, ո՞վ տեսնվեցաւ խանի հետ:

— Հարեմից մի կին եկաւ խանի վրանը, և նրա հետ սուանճնացած զազանարանում, երկար խօսում էին, պատասխանեց սպասաւորը: — Մերունի ներքինապետը, սատանայի նման կանգնած էր զազանարանի մուտքի մօտ և ոչ ոք համարձակութիւն չունէր մօտենալու, դրա համար ևս ոչինչ լսել չը կարողացայ:

Մէլիք Վաւիթը հասկացաւ բոլորը, դա անիծված Սիւրին պիտի լինէր, որ այս անգամ ևս խոչնդոտ դրեց հօր ձեռնարկութեան առջև, որ այս

անգամ ևս ոչնչացրեց նրա բոլոր յոյսերը: Կատա-
ղութիւնը, վրէժխնդրութիւնը իր ամբողջ գծովա-
յին վրդովմունքով լցրին թշուառ հօր սիրտը: Նա
այնքան մեծ ակնկալութիւններ ունէր իր աղջ-
կանից, նա հաւատացած էր, որ Սիւրին կը լինի
մի լաւ միջնորդ, մի լաւ բարեխօս իր և խանի
մէջ, և կաշխատէ կատարել հօր բոլոր ցանկու-
թիւնները, իսկ այժմ հակառակն էր տեսնում:
Խաբված յոյսը աւելի զայբացնում էր նրան:
Նրան յայտնի էին բոլոր պատճառները, թէ ինչ-
չու Սիւրին այսպէս էր վարվում: Նա ծախեց
իր աղջկան, վաճառեց նրան փառք և իշխանու-
թիւն ստանալու համար: Նա խրեց նրան քրիս-
տոնէական ընտանիքից և ձգեց մահմտական
հարեմի ապականութեան մէջ և, որ ամենագլ-
խաւորն է, նա գրկեց աղջկան իր սիրած տղա-
մարդից... որը այժմ գտնուում էր մի և նոյն դե-
րիների թւում... և որի շղթաները կամենում
էին աւելի ծանրացնել, և եթէ հնար կը լինէր,
նրա կեանքին մահ նիւթել...: Անգութ, անողորմ
փառասէրը կարծում էր, թէ կարող կը լինի
խեղդել ընտանեան ձայնը իր սիրող դստեր մէջ,
կարծում էր, թէ պարսկական փակված հարեմի
խլութեան մէջ բոլորը կը մոռանայ նա, ինչ որ
առաջ այնքան թանգազին, այնքան մօտ էր նրա
սրտին: Նա չէր կարծում, թէ հայ ընտանիքի
ստրկացած դստեր մէջ կարող է լինել այս աս-

տիճան կամքի և բնաւորութեան հատատութիւն:
Նա չէր մտածում, որ Սիւրիի այժմեան կեանքի
պայմանները կարող էին նրան աւելի խելամուռ
զարձնել և աւելի ջերմ կերպով բորբոքել նրա
սրտում կորցրած տղամարդի սէրը:

Մէլիք Յրանդիւլի արծուի տեսութիւնից ան-
յայտ չը մնաց իր գործակցի խռովութիւնը.
նա տեսաւ, թէ որպէս այդ սառնասիրտ և անա-
գորոյն մարդը շիտթութեան մէջ ընկաւ, երբ
լսեց սպասաւորի բերած համբաւը: Բայց ինքը
չէր հաւատում, որ խանը փոխած լինի իր միտ-
քը, նա աւելի հաւանական էր համարում, որ
խանը կընդունէ թորոսի բերած ընծաները, կը
խոտտանայ վերադարձնել գերիներին, իսկ յետոյ
կը հրամայէ նրան բանտարկել, և կը պահանջէ
նրանից մէլիք Վրթանէսի գանձերը: Ի՞նչ կարող
են անել իշխանի բերած երկու հարիւր ձիաւոր-
ները և քսան ու հինգ թիկնապահները, որոնց
առջև կանգնած են նոյն թւով զինված պարսիկ-
ներ: Շատ-շատ հայերի և պարսիկների մէջ կռիւ
կընկնի, մարդիկ կը սպանվեն, բայց զարձեալ թո-
րոսը կը մնայ խանի ձեռքում:

— Դու հաստատ գիտես, որ խանը հրամայեց
գերիներին յանձնել թորոսի մարդկանց ձեռքը,
հարցրեց նա սպասաւորից, չը նայելով, որ նա
արդէն հաղորդել էր այդ տեղեկութիւնը:

— Ինչպէս չը գիտեմ, պատասխանեց սպասա-

ւորը գործադէտ մարդու եղանակով, — ես իմ ա-
կանջով լսեցի և իմ աչքով տեսայ, երբ բանտա-
պետը խանից հրաման ստանալով, գնաց, բաց ա-
րեց բանտի դռները և պատուիրեց իր սպառա-
ւորներին մաքրել գերիներին, որ իշխանը նրանց
այնպէս կեղտոտ չը տեսնէ:

Սպասաւորը կրկին հեռացաւ, պատուէր ստա-
նալով երկու մէլիքներից, եթէ մի նոր փոփո-
խութիւն կամ մի նոր դէպք կը պատահէ՝ չուտով
խնայում տալ նրանց:

Մպասաւորի հեռանալուց յետոյ երկու մէլիք-
ները, կայծակնահար եղած մարդու նման, եր-
կար մնացին մի սոսկալի շփոթութեան մէջ: Նը-
րանցից ամեն մէկը խօսք չէր գտնում իր սրտի
ցաւը և վրդովմունքը արտայայտելու: Մէլիք
Ֆրանգիւլը մինչև այսօր յոյս էր դրած մէլիք
Գաւիթի խորամանկութեան և բազմափորձութեան
վրա: Նա հաւատացած էր, որ այդ բանտարկուն
իր ազդեցութեան տէր դասեր միջնորդութեամբ
ամեն ինչ կարգի կը դնէ: Իսկ այժմ մի խուլ
զգացմունք նրան համոզում էր, թէ Սիւրին խիստ
անհորհակալ գործիք է հօր ձեռքում, թէ հայրը
այնքան ազդեցութիւն չունի նրա վրա, որքան
լնքը աշխատում է ցոյց տալ, և վերջապէս Սիւ-
րին հակառակ է գնում հօր ձեռնարկութիւններին:
Այդ կարծիքների մէջ աւելի համոզվեցաւ նա
սպասաւորի այն խօսքով, որով յայտնեց, թէ

Թորոս իշխանի դալուց առաջ, հարեմի կնիկնե-
րից մէկը վրանի գաղտնարանում տեսնվեցաւ
խանի հետ: Ո՞վ կարող էր լինել այդ կինը, եթէ
ոչ Սիւրին. և կնիկներից որին կարող էր հետա-
քրքրել գերիների վիճակը, եթէ ոչ նրան:

— Գուք չէք կարծում, որ այդ բոլոր գործերը
փչացնողը ձեր աղջիկն է, հարցրեց նա մէլիք
Գաւիթից:

Թշուառ հօր լեզուն կապվեցաւ, չը գիտէր,
թէ ինչ պէտք էր պատասխանել. անակնկալ
հարցը սարսափեցրեց նրան:

— Նս չեմ կարծում, պատասխանեց նա բոպէ-
սկան մտայուզութիւնից յետոյ:

— Ապա ինչով եք բացատրում Սիւրիի խանի
հետ տեսնվելը Թորոսի դալուց առաջ:

— Նս առաւօտեան ձեզ պատմեցի, թէ այս գի-
շեր հարեմի մէջ պատահել է մի անկարգութիւն,
կնիկներից մէկը Սիւրիի քնած ժամանակ կտրել
է տուել նրա ծամերը, երևի, այս առիթով դիմել
է նա խանին, յայտնելու իր դանդաղը:

Թէև մէլիք Գաւիթի բացատրութիւնները հե-
ռու չէին հաւանականութիւնից, այսուամենայ-
նիւ, մէլիք Ֆրանգիւլի սրտում մնաց մի խուլ
կասկած դատեր և հօր յարաբերութիւնների մա-
սին, մանաւանդ երբ նա մտաբերեց, որ առաւօ-
տեան Սիւրին մերժել էր հօր այցելութիւնը,
պատճառ բռնելով իր տկարութիւնը: Հարազատ

հօրից աւելի ո՞ւմ կարող էր ընդունել հիւանդ աղջիկը, որ մահմեդականների մէջ ոչ մի աղգահան, ոչ մի բարեկամ չունէր: Եւ ի՞նչ հրաշքով այդ հիւանդը այնպէս շուտ առողջացաւ, որ ըստապէս բողոքել իր ծամերի կարմբելու մասին: Այդ բոլորը մէլիք Ֆրանդիւլին թւում էին անլուծանելի հանելուկներ:

Բայց մէլիք Գաւթի ճամար ամեն ինչ պարզ էր, թէև նա աշխատում էր խորամանկութեամբ ծածկել: Նրան յայտնի էր իր դատեր սէրը Գետուաղի Շահումեան իշխանների վերջին ժառանգի՝ Ստեփաննոսի հետ, որ այժմ գերիների թւումն էր գտնվում, որին սպանել տալու ամեն միջոցները անցան ապարդիւն...: Նա գիտէր, որ Սիւրին այնքան խելք ու այնքան համարձակութիւն ունէր, որ կարող էր ցրել խանի հրապուրանքը Ստեփաննոսի հօր՝ մէլիք Վրթմանէսի առասպելական գանձի մասին: Եւ վերջապէս, նա բոլորովին բնական էր համարում, որ Սիւրին կաշխատէր յաջողեցնել գերիների ազատութիւնը, որպէս զի նրանց թւում ազատված լինի և իր սիրելին:—Այդ բոլորը ոչնչացնելու, այդ բոլորը խափանելու համար, և Թորոս իշխանին ձեռնունայն, ամօթալի վերադարձնելու համար՝ բաւական էր մի խօսք ասել խանին,—բաւական էր յայտնել նրան, թէ իր պաշտելի Սիւրին խաբոււմ է, դաւաճանում է նրան, թէ նա սիրում է այն

գերիներից մէկին, որոնց ազատութեան համար բարեխօսութիւն է անում, թէ նա վաղուց իր սիրտը տուած էր ալդ պատանուն, որ կարող է մի ժամանակ ոչ միայն խլել նրա հարեմից կնիկներից ամենագեղեցիկին, այլ տիրանալ և այն դաւառին, որ պատկանում էր նրա հօրը, որը նուաճելու համար խանը դործ գրեց այնքան շատ զոհողութիւններ: Այդ բոլորը անագորոյն հայրը պատրաստ էր յայտնել խանին: Նա պատրաստ էր մասնել հարազատ աղջկան: Բայց ի՞նչ կը լինէր դրա հետեանքը:—Հետեանքը, որպէս պարզ հայելու մէջ, տեսնում էր նենդաւորը. խանը, արդարև, գերիներին դարձեալ կը պահէր իրանց շղթաների մէջ և Թորոս իշխանին դարտակ ճանապարհ կը դնէր: Խանը Ստեփաննոսին սպանել կը տար: Խանը նրա սիրուհուն՝ Սիւրին խնդրել կը տար կամ խայտառակութեամբ դուրս կը ձգէր իր հարեմից: Այդ բոլորը անտարակոյս կանէր խանը: Բայց ի՞նչ կը շահէր մէլիք Գաւթի, —ահա այդ հարցը տանջում էր նրան: Սիւրի անհաւատարմութիւնը պէտք է պատճառ դառնար նրա հօրը կորցնել իր բոլոր նշանակութիւնը խանի աչքում: Եթէ այժմ թէ հայ և թէ մահմեդական հասարակութիւնների մէջ համարում և ազդեցութիւն ունէր նա, դրանցով պարտական էր իր աղջկանը, որ խանի առաջին կինն էր: Բայց երբ Սիւրին այլ ևս չէր լինի, այնուհետև

ով մարդու տեղ կը գնէր տաթեացի ուրացողին: Այժմ նրան թէև սրտով չէին յարգում, բայց նըրանից վախենում էին, որովհետև խանի նման մի հզօր փեսայ ունէր: Բայց երբ նրա բոլոր կապերը կը քանդվէին խանի հետ, այնօրից նա կը կորցնէր բոլորը: Թէև Սլուրին ոչ մի ժամանակ չէր օգնել նրա շար նըպատակներին, թէև նա միշտ հակառակել էր հօր եղեռնական դիտաւորութիւններին, բայց այդ գիտէր հայրը միայն, զրոյց այլապէս էին նայում գործերի վրա: Գրսից այնպէս էին կարծում, թէ մէլիք Գաւիթը իր աղջկայ միջնորդութեամբ խանի խելքը, միտքը և սիրտը իր ձեռքումն ունի: Ի՞նչու չը շահվել միամիտներէ այդ երևութական կարծիքից: Ի՞նչու իր ձեռքով ոչնչացնել իր բախտը...

Խարէութեան սովորութիւնը զսպեց չարագործին հարազատ աղջկան մատնելու ցանկութիւնից, ոչ թէ նրա կեանքը և պատիւը խնայելու մտքով, այլ իր կարծիքական բարեկամութիւնը խանի ընտանիքի հետ պահպանելու համար:

— Այդ պարսիկներին խօսքերին ամենևին հաւատալ չէ կարելի, ասաց մէլիք Ֆրանգիւլը արհամարհանաբար, ընդհատելով իրանց մէջ տիրող լըռութիւնը:

— Պարսիկները մեղաւոր չեն, պատասխանեց

մէլիք Գաւիթը սառնաբերեամբ, — մեղաւորը մենք ենք, որ չը գիտենք իր ժամանակին ցանկէ, որ կարողանանք նոյնպէս իր ժամանակին սրտուղ ստանալ: Սուտ չէ ասած, թէ «հայի վերջին խելքն է գովելի», որովհետև գործի սկզբում նա խելք չունի: Այսպէս էլ վարվեցանք մենք: Թորոս իշխանը առաջուց իր պատուիրակների ձեռքով ամեն ինչ խօսում է, ամեն պայմաններ վերջացնում է խանի հետ, իսկ մենք յետոյ ենք իմանում, և յետոյ ենք աշխատում նրա արդէն ետիւմ սպուրի մէջ սառն ջուր խառնել: Այսպիսի յիմարութիւնները խիտ սակաւ անգամ են յաջողութիւն գտնում:

Ճ.

Մինչ երկու մէլիքները խիտը յուսահատութեան մէջ նախատում էին իրանց անհեռատե սովորները, պախարակում էին իրանց դանդաղ սովորները, այդ միջոցին բանտապետը գուրս էր բերում գերիներին իրանց մթին խորշից: Նայողների հետաքրքիր բազմութիւնը հաւաքված էր այնտեղ, և անհամբերութեամբ սպասում էին տեսնել այդ թշուառներին, որոնք մի քանի ամիս մաշվում էին ստորերկրեայ զնդանի մէջ: Այնտեղից գուրս բերեցին գերիներին, մի քանի զաթ արօղի և քիչ սուրճ, որպէս քարավանի գրաստներին կաբում են միմեանց հետ: Իւրաքանչիւր զաթարը բազկացած էր քսան հոգուց, մի եր-

կայն չզլթայ, որի օղակները անց էր կացրած նրանց պարանոցով, կապում էր բոլորին միասին: Այդ բաւական չէր, բոլորի թեքերը ետեից չզլթայած էին կապանքներով: Բանտապետը սկսեց բաց անել կապանքները: Շատերը չէին կարողանում ոտքի վրա կանգնել. ստորերկրեայ զնդանի սպանիչ խոնաւութիւնը անցել էր մինչև նրանց ոտկները և թուլացրել էր նրանց ջղերը: Մարդ սարսափում էր, նայելով այդ մաշված, դեղնած, դալկացած թշուառների վրա, որոնք, կարծես, գերեզմանից էին դուրս գալիս: Տեսնելով դրսի օդը, դրսի լոյսը, նրանք փոքր ինչ զուարթացան, իսկ ազատութեան յոյսը կեանք տուեց նրանց: Շզլթաների մէջ մի քանիսը մեռած էին. դիակը օրերով կապված էր մնացել կենդանի ընկերի հետ: Նրանց կրկին ձգեցին զնդանի մէջ, որ հրապարակի վրա չը մնան, որ թորոսի մարդիկը չը տեսնեն:

Գժուար է նկարագրել այն անսահման ուրախութիւնը, որ տիրեց այդ թշուառներին, երբ թորոս իշխանի մարդիկը եկան նրանց տանելու: Մի քանի բոպէ ցնորվածի նման գրկախառնվում էին, համբուրվում էին և շատերը արտասուք էին թափում: Թորոսի, այդ փրկարար հրեշտակի, պաշտելի անունը մոռանալ տուեց նրանց կրած տանջանքները: Շատերի համար մաքուր հագուստներ էին ուղարկված իրանց ազգականն-

րից, և սկսեցին անմիջապէս փոխել իրանց կեդտոտ հագուստները: Պատանի Ստեփաննոսը հագնվեցաւ, որպէս վայել էր մի իշխանական տոճի ներկայացուցչին: Նրա գլխի վերքը հոգատար տիկնոջ խնամքով բաւական լաւացած էր, իսկ գունաթափ, հիւանդոտ դէմքը իր թառամութեան մէջ աւելի գեղեցիկ էր: Նրբ նա բոլորովին պատրաստ էր, խանի մանկլաւիկներից մէկը մօտեցաւ նրան, և գլուխ տալով, ասաց.

— Խանը հրամայեց իր հետ ճաշել, թորոս իշխանն էլ այնտեղ է:

Մանկահասակ իշխանազը, շրջապատված իր հօր վաղեմի ծառաներով, սկսեց հանդիսաւոր կերպով դիմել դէպի խանի վրանը: Նա անցաւ կանանոցի չաղրների մօտից: Այդ միջոցին չէր կարելի չը նկատել, որ կանանոցի սարայփերդէից մի գեղեցիկ կանացի գլուխ կիսով չափ վեր բարձրացաւ, և երկու խոշոր, սևորակ աչքեր սկսեցին նայել նրա վրա: Մանկահասակ իշխանազը շուտ եկաւ դէպի այն կողմը և երկուսի աչքերը հանդիպեցան միմեանց: Այդ լուռ, խորհրդաւոր հայեացքի մէջ նրանք այնքան շատ բան ասեցին միմեանց և այնքան ազդու կերպով արտայայտեցին իրանց սրտերի զգացմունքները, ինչ որ անկարող էր կատարել պերճախօս լեզուն: Մնացած գերիները տարվեցան թորոսի ձիաւորների մօտ:

դուած: Նոյ երեսը շուռ տուեց և հարցրեց թո-
րոսից:

—Մենք երկօր պիտի մնանք այստեղ:

—Ոչ, պատասխանեց իշխանը լուռթեամբ, —
չուտով կը հեռանանք:

Խանը հասկացաւ, որ նրանք աճապարում
են, հրամայեց շուտով ճաշի սեղանը պատրաս-
տել:

—Գուք, ասաց նա դառնալով իր հիւրերին,
իմ ազուհացը անպատված կը լինէք, եթէ ինձ
հետ չը ճաշէք: Ձեզ սեղանակից կը լինեն և
երկու յարգելի հիւրեր՝ մէլիք Ֆրանգիւլը ու
Բաղը բէկը:

Լսելով այդ երկու դարչելի անունները, թէ
իշխանը և թէ պատանին երկուսն էլ վերկացան,
յայտնելով, թէ չեն կարող սեղանակից լինել
այնպիսի անաղնիւ և զզուելի մարդկանց հետ:
Խանը նկատելով այդ, կտտակի ձև տուեց իր
առաջարկութեանը, ասելով.

—Տեսնում էք, սուտ չեն ասում, թէ հայերի
մէջ միաբանութիւն չի լինի:

—Շների հետ չեն միաբանում, խան, պա-
տասխանեց իշխանը փոքր ինչ բարկացած ձայ-
նով:—Ս.յսպիսի ցած խաբեբաները, այսպիսի ա-
նամօթ ստախօսները, այսպիսի անարգ դաւա-
ճանները ձեզ մօտ միայն կարող են չնորճ զբա-

նել, իսկ ես նրանց զզուելի երեսը տեսնել չէի
ցանկանայ:

Որքան և վիրաւորական լինէին իշխանի խօս-
քերը, դարձեալ խանը իրան զսպեց և ոչինչ չը
պատասխանեց: Նրան ինչ վնաս երկու հայ մէ-
լիքների ցած, անամօթ, դաւաճան լինելը, երբ
նրանց խաբէութիւններից և դաւաճանութիւննե-
րից միշտ օգուտ էր քաղում նա: Բայց ցանկա-
նալով իր հիւրերին, որքան կարելի է, գոհունակ
ճանապարհ դնել, նա իր խօսքը յետ առեց: Իշ-
խանը և պատանին հանդատացան, կրկին նստե-
ցին իրանց տեղերը:

Խանը սովորութիւն չունէր իր կանանոցում
ճաշելու. կանանց հասարակութիւնը կարող էր
ստորացնել նրա արժանաւորութիւնները: Բացի
զրանից, նրա կարծիքով, կանանց հետ պէտք
չէր շատ մտերիմ լինել, պէտք չէր շատ ընտա-
նեբար վարվել, այդ կարող էր նրանց ասելի հա-
մարձակութիւն տալ, կարող էր, ինչպէս ասում
են՝ նրանց շերտը բաց անել, լրբացնել: Կնիկ-
ներին պէտք էր միշտ երկիրդի և տարտափի տակ
պահել: Իսկ նրանց հետ ճաշելը գլխաւոր պատ-
ճառներից մէկն էր մտերմական յարաբերութիւն-
ների, որը շատ ցանկալի բան չէր: Եւ ո՞ր մէկի
մօտ կարելի էր ճաշել: Նրանք թիւ և համար
չունէին: Մէկի մօտ հիւր լինելիս, միւսը ան-
պատճառ կամ կը վիրաւորվէր, կամ կը նախանձ-

վեր և կամ մի ուրիշ զաւանդաւ կը սարքէր: Կը-
 նիկիները ընդհանուր սեղանատուն չունէին, այլ
 իւրաքանչիւրը իր առանձին խոհանոցն ունէր:
 Այս պատճառով խանը, հետեւելով բոլոր մեծ
 մարդերի սովորութեանը, միշտ իր վլանուսն էր
 ձաշում և միշտ ունէր իր մօտ հիւրեր իր ցեղի
 նշանաւոր պետերից: Հացը, առատաձեռնութիւ-
 նը գլխաւոր պայմանն էր այդ գիշակերներին իր
 հետ կապելու: Բայց այս անգամ ոչ ոք չէր կանչ-
 ված, որովհետև այնտեղ կային քրիստոնեայ հիւ-
 րեր, որոնց հետ սեղանակից լինելը կարող էր
 պղծել մասնեղականներին: Չէր կանչված և ցեղի
 շէյխը, հոգևոր գլուխը, որը խանի սեղանի ան-
 պակաս հացկատակն էր: Այնտեղ կային, բացի
 իշխանից և պատանի Ստեփաննոսից, գլխաւոր
 քարտուղարը (մունչի-բաշին) և բժիշկ զէրվիշը,
 սրին խանի խնդրելով շէյխը ուղարկել էր նրա
 մօտ, որ հրաշալի մ ա ջ ու ն ի մասին տեղեկու-
 թիւն ստանայ: Այդ տարօրինակ մարդը իր օտա-
 րտի կերպարանքով իր վրա էր դարձնում բո-
 լորի ուշադրութիւնը: Յունական հին մերկիմաս-
 տակների պէս, նրա ամբողջ հագուստը բաղկա-
 նում էր մի կտորից միայն. դա հասարակ կտա-
 ւից կարված մի սպիտակ շապիկ էր, հայոց ժամի-
 շապիկների նման, որ իջնում էր մինչև կրունկ-
 ները: Բացի դրանից ունէր մի վագրի մերթի,
 որ նստելու ժամանակ իր տակն էր ձգում որպէս

օթոց, իսկ ման գալու ժամանակ ձգում էր ու-
 սերի վրա որպէս թիկնոց: Գլխարկ չունէր. նրա
 սեղը բռնել էին գլխի խիտ, խճճված մազերը,
 որոնք երբէք մկրատի և սանրի երես չը տեսնե-
 լով, թաղիքի ձև էին ստացել: Մօրուքը նոյնպէս
 սանրված չէր: Երևում էր, այդ զէրվիշը պատ-
 կանում էր Ծագիրնների այն դասակարգին, որոնք
 ճգնութեան և իրանց անձը զրկելու ու տանջե-
 լու փորձութիւնների մէջ, մտածում են գտնել
 մի հոգևոր և գերբնական գոյափոխութիւն, որ
 կը հեշտայնէր նրանց հաղորդակցութիւն ունե-
 նայ անմարմին էակների հետ: Մերկ պարանոցի
 վրա, կանանց մանեակների նման, անցուցած
 էին զանազան տեսակ յուլուններ, որոնք կա-
 խարդական և թիլիոմանական նշանակութիւն
 ունէին: Երկու ձեռքերի, մինչև արմուկները
 մերկ, բազուկների վրա փաթաթած էին ազօթե-
 լու «տէրոզորմեաներ» (իւսրից *) շինված,
 սև և խոշոր հատիկներով: Երեսի թուխ կաշին,
 գլխի և մօրուքի սև, և փոքր ինչ ստեանման մա-
 զերը ցոյց էին տալիս, որ այդ թափառաշրջիկ մեր-
 կիմաստաւէրը եկած պիտի լինէր Արաղստանի խոր-
 քերից: Նրա խոպոտ ձայնը և պարսկական մաքուր
 արտասանութիւնը հաստատում էր այդ: Բայց
 նրա խօսակցութիւնը աւելի երգի յանդ և ներդաշ-

*) Իւսր մի տեսակ ծովային կենդանի է պօ-
 լիպների տեսակից:

նակութիւն ունէր, քան հասարակ խօսակցութեան: Նա աւելի պատասխանում էր, քան թէ խօսում էր: Նրա պատասխանները կարճ հանելուկներէ ձև ունէին, որոնց պէտք էր մեկնել, բացատրել:

Ճաշի ժամանակ էր: Խանի մանկլաւիկներէց մէկը, մի ձեռքում բռնած արծաթէ լազան, միւսում արծաթէ ջրածիկ (ափտաֆայ) մտաւ վրանը: Նախ լազանը դրեց խանի առջև, չոքեց, սկսեց ջուր ածել նրա ձեռքերի վրա, նա լուացվեցաւ: Յետոյ լազանը դրեց դէրվիչի առջև. նա հրաժարվեցաւ լուացվելուց, յայտնելով, թէ լուացվելու սովորութիւն չունի: Յետոյ լազանը դրեց իշխանի առջև, իսկ նրա լուացվելուց յետոյ հերթը հասաւ Ստեփաննոսին և զխաւոր քարտուղարին: Բայց պէտք է ասած, որ ամենքը աւելի թրջում էին իրանց ձեռքերը, քան թէ լուացվում էին:

Գերվիչի իւրաքանչիւր խօսքը, իւրաքանչիւր սովորութիւնը միշտ խորհրդաւոր նշանակութիւն ունենալով պարսիկների աչքում, խանը հետաքրքրվեցաւ խմանալ թէ ինչու նա լուացվելու սովորութիւն չունի:

— Պէտք է մաքրել ներքին մարդը, պատասխանեց նա:

— Ներքին մարդը ո՞րն է:

— Հոգին:

Եւ իրաւ, նա երկար տարիներ չէր լուացվել,

և ամբողջ մարմինը կեղտով պատած, հոտում էր: Աւելի զգուելին այն էր, որ զանազան միջատներ համարձակ կերպով շրջում էին, վրժվում էին նրա մօրուքի և զլխի մազերի մէջ, մարմնի վրա, որոնց յօժարակամ նա թոյլ էր տուել ուտել իր անձը *):

Լուացվելուց յետոյ մի ուրիշ մանկլաւիկ տաբածեց յատակի գորգերի վրա սեղանի գոյնզգոյն սիւռոցը: Սիւռոցը գործված էր Սպահանում և նրա ծոպաւոր եզերքի վրա արարական խոշոր տառերով տպված էին զանազան աղօթքներ զօրանից և այլ գրքերից: Մէջտեղում գունաւոր թելերով ասղնեգործած էին հրեշտակների պատկերներ, որոնք ձեռքներին բռնած ունէին փոքրիկ մանգաղներ և ցոփենի հասկերից փռնջեր: Այդ բոլորը արտայայտում էին խանի կրօնական ջերմ հաւատը: Իսկ աւելի ազատամիտ մահմեդականների սեղանի սիւռոցը Պարսկաստանում այլապէս է պատրաստվում: Ղօրանի աղօթքների փոխարէն լինում են Հաֆիսի կամ Սաադիի երգերից զեղեցիկ կտորներ, իսկ հրեշտակների փոխարէն՝ կիսամերկ աղջիկներ, կամ մշտադալար հիւրիների ու փէրիների հրապուրիչ պատկերներ, որոնք կամ պար են դալիս, կամ զինու բաժակ-

*) Մահմետական ուխտաւորները Մեքքայ գրնադու ժամանակ, նոյնպէս մեղք են համարում ոճնչացնել իրանց մարմնի միջատները:

ներ են մատուցանում քէյֆի մէջ ընկղմված մի հեշտասեր տղամարդի:

Երբ սեղանի սփռոցը տարածվեցաւ, մի քանի ուրիշ մանկլաւիկներ, գլխները վրա դրած, բերեցին երեք մեծ պղնձէ սինխներ *), որ սքօղած էին թանգազին ծածկոցներով, որոնց եզերքը զարդարած էին ոսկեթել ծոպերով: Սինխները մէկը դրեցին խանի առջև, միւսը իշխանի և Ստեփաննոսի առջև, իսկ երրորդը դերովիշի և զլխաւոր քարտուղարի առջև: Երբ բարձրացրին ծածկոցները, սինխների վրա տեսնվեցան շարված բազմաթիւ մեծ և փոքր պղնձէ պնակներ, լի գանազան տեսակ կերակուրներով, որոնց տաքութիւնը պահպանելու համար ծածկված էին նոյնպէս պղնձէ կալպակներով: Այդ անօթները իրանց գեղեցիկ քանդակադործութիւնով, որպէս պարսկական արհեստի և ճարտարութեան ճոխ արդիւնք, կարող էին ամենանշանաւոր մուզէնումի զարդարանքը լինել:

Բայց թորոս իշխանի ուշադրութիւնը գրաւեց մի ուրիշ բան. ոչ միայն խանի սինխ և նրա կերակուրները բաժանված էին միւս հիւրերի բաժիններից,—այլ նա նկատեց, որ խանի սինխի ծածկոցի ճոթերը կնքված էին մօմով: Նա ա-

*) Սինխ նշանակում է պղնձից կամ արծաթից չինված մատուցարան, որը բոլորակ ձև ունի:

ռաջ խնամքով նայեց կնիքներին, յետոյ իր ձեռքով վեր առեց ծածկոցը:

Իշխանը չը կարողացաւ իր հետաքրքրութիւնը գտպել և կասկածաւոր կերպով հարցրեց.

— Այդ ինչ կնիքներ են:

— Ի՞նչու էք զարմանում, խօսեց խանը ժղտելով,— այն խոհանոցը, ուր պատրաստվում են ինձ համար կերակուրներ, զտնվում է մօրս անմիջական հսկողութեան ներքոյ, նա սովորութիւն ունի իր ձեռքով ածել կերակուրները և իր կնիքով կնքած ինձ ուղարկել:

— Ի՞նչու համար:

— Ի՞նչպէս ինչու համար. կերակուրները կարող են թունաւորել:

— Ո՞վքեր:

— Անիկները: Միթէ կարելի է նրանց հաւատալ, եթէ ինձ հետ թշնամութիւն էլ չունենան, կարող են կաշառված լինել դրսից: Անցեալ տարի փոքր էր մնում, որ ես պխտի մեռնէի, եթէ ինձ չազատէր մի թարվիղեցի հայ բժիշկ: Փլաւի մէջ թոյն էին խառնած, ես կերայ առանց զգալու. իսկոյն սկսեցին աղիքներս կտրատվել: Այն օրից մայրս արգելեց այդ քածերին իմ խոհանոցը մօտել, և կերակուրների սինխ կնքված է ուղարկում ինձ, մի գուցէ սպտասաւորները նոյնպէս չարութիւն գործեն: Ախար ամենն էլ այստեղ բարի պտուղներ չեն:

Խանը այնպէս հասարակ կերպով էր խօսում իր ընտանեկան գաղտնիքների վրա, կարծես, այնտեղ մի սոյորական բան լինէր թունաւորելը, սպանելը: Լնիկները, նրա կարծիքով, կեանքի ընկերներ չէին, այլ մի տեսակ անհաւատարիմ առարկաներ, որ լաւ չէին ծառայում, որոնց վրա յոյս դնել չէր կարելի:

— Յայտնվեցաւ թունաւորողը:

— Յայտնվեցաւ. ևս հրամայեցի անլգամին ձգելին մի տօպրակի մէջ և խենջարներով ծակ-ծկեցին:

Պարսիկների մէջ հարեմական դրութիւնը կնոջ վերաբերութեամբ պահպանվում էր և պատփի ժամանակ: Գահիճը չը պիտի տեսներ իր զոհի երեսը, այս պատճառով նրան սկզբից ձգում էին մի մեծ տօպրակի մէջ և բերանը կարում: Գործողութիւնը կատարվում էր տօպրակի դրսից, երբ ամեն ինչ վերջացած էր, մի և նոյն արւենաթաթախ պատանի մէջ գլխակը տանում թաղում էին:

Խանը մինչև անկամ պատմեց այն մանրամասնութիւնները, որ առիթ էին տուել այն ճանդգամին: Թունաւորել իրան. ասաց, որ նա մի հասարակ գիւղացի աղջիկ էր, մի օր որսորդութեան ժամանակ տեսաւ նրան լեռներէ վրա, ոչխարներ էր արածացնում. տեսաւ և հաւանեց նրան, ներքինիներից մէկին ուղարկեց նրան բերե-

ցին իր կանանոցը. աղջկայ ծնողները ուրախացան, որ նա ընկաւ խանի կանանոցը, թէ և մի ուրիշ տղայի հետ նշանված էր, բայց ճանդգամը երեխ չը մտացաւ նրան, և խանին սպանելով, աշխատում էր կրկին ընկնել իր սիրելիի գիրկը:

Հարեմական խնորհաները, խեղճ կնոջ եղբրական պատմութիւնը, թոյնը, — այդ բոլորը այն աստիճան անախորժ տպաւորութիւն գործեցին թէ իշխանի և թէ պատանի Ստեփաննոսի վրա, որ նրանք բոլորովին կորցրին իրանց ախորժակը մի բան ուտելու, թէ և պարսկական խոհանոցի արդիւնաբերութիւնը հրապուրելու չափ համադրամ էր: Պղնձէ պնակների կալպակները բարձրացնելով, գտան նրանց տակ ամեն տեսակ խորտիկներ, սխեալ մսեղէններից, մինչև ընդեղէն, բանջարեղէն կերակուրները և բաղմատեսակ անուշեղէնները: Նրանց մօտ դրած էին անագին ամանների մէջ դանազան տեսակ քաղցր շերքէթներ և մածնաթան (աբղուղ), որոնց պէտք էր խմել անագին շերեփներով, որ խիստ նուրբ և զեղեցիկ կերպով շինված էին շիշաատի զեղիւն փայտից: Ոգելից ըմպելիքներ չը կային: Գանակ, պատառաքաղ, սեղանի այսպիսի պարագայք չը կային: Բոլոր կերակուրները պէտք էր ուտել մատներով: Նրբեմն խանը իւղաթաթախ մատներով վեր էր առնում իր բաժնից մի պատաս-

տապակած միս կամ մի բուռը փլաւ, և զնեւով
 իշխանի պնակի մէջ, ասում էր.— Կերէք, դա լաւ
 կտոր է: Այդ առանձին ուշադրութիւն և առան-
 ձին պատիւ էր հիւրին: Գէրվիշը ոչ մի կերա-
 կուրի չը զիպաւ, յայտնելով, թէ սովորութիւն
 չունի մեղէն կերակուրներ ուտելու: Նրա կար-
 ծիքով, այդ մի տեսակ դազանութիւն էր, որ մի
 անասուն, մորթում, ուտում էր ուրիշ անասունի
 միսը: Նա առեց մի կտոր ցամաք հաց, թաթա-
 խեց աղի մէջ և կերաւ: Այդ եղաւ նրա ճաշը:
 Յետոյ հեռացաւ սեղանից, կուճ եկաւ վրանի մի
 անկիւնում, և հանեց իր կշտից քարը ընկած,
 հովուի մախաղի նմանութիւն ունեցող դրպանից
 մի խնչ որ բան *), որեց փոքրիկ դէյլանի գլխի
 վրա, վառեց ղէյլանը, սկսեց ծխել: Մի բողբոս
 ամբողջ վրանը լցվեցաւ դառն, կծու և խեղդող
 ծխով: Բայց այդ արբեցուցիչ ծուխը որքան ան-
 տանելի էր ուրիշներին, այնքան բաւականու-
 թիւն էր պատճառում դէրվիշին: Նա արդէն մի
 տեսակ կիտաքուն դրութեան մէջ, աչքերը փա-
 կած, նիրհում էր, բայց ղէյլանը բաց չէր թող-
 նում ձեռքից և ծուխը մանր օղակներով դուրս

*) Գէրվիշների ծխելիքը կոչվում է բան կ,
 որ պատրաստվում է կանկիի ծաղիկներից ուրիշ
 բազադրութիւնների հետ: Նա արբեցնում է
 ծխողին և նրա ուղեղի մէջ երեան է հանում
 դանազան տեսիլքներ:

էր դալիս երբեմն նրա պնակից, երբեմն սևորակ
 և ուռած չրթունքի միջից: Սարսափելի էր նայել
 այդ կուճ եկած, մուսյլոտ մարդու վրա, որ ներ-
 կայացնում էր մի չոր ու ցամաք կմախք, ոսկոր-
 ների մի կոյտ, որ կոլուրված էր իր սպիտակ շա-
 պիկի մէջ: Նրա այլանդակ դէմքի վրա երևում
 էին երբեմն տենդային ցնցումներ, իսկ երբեմն
 անցնում էր մի տեսակ չարախնդաց ժպիտ:
 Մերթ-մերթ նրա բերանից դուրս էին թռչում
 խուլ, անորոշ հառաչանքներ անհասկանալի բա-
 ռերի հետ:

— Երևի, ողինների հետ է խօսում, ասաց խանը,
 մի առանձին ընհաւատութեամբ նայելով դէր-
 վիշի վրա:

Նա մի և նոյն դրութեան մէջ բոլորովին քը-
 նեց, դարձեալ իր ձեռքից բաց չը թողնելով ղէյ-
 լանը: Մանկլաւիկներից մէկը վերառեց ղէյլանը
 և ծածկեց նրան թանդազին շալից կարված մի
 թեթե վերմակով: Ի հարկէ, եթէ դէրվիշը տես-
 նէր այդ, շատ պիտի վիրաւորվէր, որ նրա ճըգ-
 նութիւններով սպանված մարմինը ծածկում էին
 այս տեսակ շքեղ վերմակով:

Ճաշելուց յետոյ, երբ վերքաղեցին սեղանը,
 դարձեալ լուացվելու ջուր բերեցին. այնուհետեւ
 փոքրիկ, նախշուն ֆինջաններով մատուցին
 սուրճ առանց շաքարի: Բոլորից վերջը տրվեցաւ
 ղէյլան, բայց ոչ դէրվիշի դառն ղէյլանի նման,

այլ պատրանսոված Պարսկաստանի անուշահոտ ծխախոտից:

— Հիմա ժամանակ է մեզ արձակել, խան, առայ Թորոս իշխանը, շնորհակալութիւն յայտնելով նրա հիւրասիրութեան համար:

— Ի՞նչպէս կարելի է, դեռ մենք ձեզ ոչինչ ծառայութիւն չենք ցոյց տուած, պատասխանեց խանը ներողութիւն խնդրելով, — դուք պլտի մընաք մի քանի օրեր, մի քանի շաբաթներ, որ մենք կատարելապէս կարողանանք ձեր պարտաւորութիւնից դուրս գալ:

Իշխանը նոյն կեղծ—քաղաքավարական ոճով յայտնեց, որ ինքը չափազանց շնորհակալ է խանից, որ կատարեց նրա խնդիրքը և իրան միշտ բախտաւոր կը համարէ, որ վայելում է նրա բարեկամութիւնը, և յոյս ունի, որ այդ բարեկամութիւնը անխախտ կը մնայ, եթէ խուսափարար մարդիկ չը խանդարեն նրան: Վերջին խօսքերով նա ակնարկում էր երկու հայ մէլիքներին վրա:

— Գուք այդ մասին անհոգ կացէք, իշխան, պատասխանեց խանը երգվելով, — իմ հօր գերեզմանում թող կրակ լցրած լինեմ, եթէ ձեր մի մաղը փոխելու լինեմ հազար այն տեսակ մարդիկների հետ:

Յետոյ հրամայեց նա իր սանդուխտարին (գանձապահին) իշխանի և պատանի Ստեփաննոսի

համար պատրաստեն ընծաներ: Իշխանի համար դուրս բերեցին մի փառաւոր վերարկու (Չուբայ) որ կարված էր Քիշմիրի թանգագին շալից և զարդարած ոսկէ թելերով: Այդ վերարկուն խանի սեպհական վերարկուն էր, որ միանգամ միայն հագել էր նա, երբ ներկայացաւ պարսից շահին. այժմ ընծայելով իշխանին, պարսից մեծերի սովորութեամբ մի առանձին պատիւ էր անում իշխանին, պարզեւելով մի այնպիսի խ ա լ ա թ, *) որ վեր էր առնված նորին գերազանցութեան՝ խանի սեպհական թիկունքից: Բացի դրանից ընծայեց նրան մի գեղեցիկ Չօհվարդար**) թուր, խորասանի գործ, արծաթեայ պատեանով և թանգագին ակներով զարդարած երախակալով: Պատանի Ստեփաննոսի ընծաները աւելի հրապուրիչ էին. նա ստացաւ մի ալմաստ մատանի և զէնքերի մի ամբողջ թախում՝ թուր, հրացան, ատրճանակներ, գնտակի և վառօդի ամաններ, բոլորը ոսկեզօծ, արծա-

*) Խ ա լ ա թ նշանակում է պարսից այն ընծաները, որ տրվում են հագուստով. այստեղից է հայոց խ լ ա յ բառը:

**) Չ օ հ վ ա Ր զ ա Ր կոչվում են այն տեսակ սրերի շեղբերը, որոնք խառայի նման նկարներ ունեն և որոնց պատճառած վէրքը անբժշկելի է դառնում: Այս տեսակ սրերը այժմ Պարսկաստանում համարվում են հնութիւն, որովհետեւ նրանց արհեստը կորած է:

թով զարդարած և սև սևադով մինա արած: Բայի դրանցից, նա ստացաւ մի գեղեցիկ նժոյգ իր ամբողջ ասպաղէնքով:

Պատանի Ստեփաննոսին խիստ ծանր էր ընծաներ ընդունել այն գազանի ձեռքից, որ թաթախված էր իր հօր, իր մօր և իր ազգատոհմի արիւնով: Այսուամենայնիւ, նա զսպեց իր մէջ վրէժխնդրութեան զգացմունքը, և խոնարհվելով ընդունված քաղաքավարական ձեւերին, յայտնեց իր չնորհակալութիւնը խանի առատաձեւունութեան և բարեսրտութեան մասին:

Թէ իշխանի և թէ պատանու նժոյգները արդէն կանգնեցրած էին վրանի հանդէպ. նրանք դուրս եկան, և խանը թափելով շողորբութեան և բարեկամական արտայայտութիւնների մի ամբողջ հեղեղ, ճանապարհ դրեց նրանց մինչև նըժոյգների մօտ: Նա իր ձեռքով բռնեց իշխանի նժոյգի ասպանդակը և հրաւիրեց նստել:

— Այդ, արդէն չափից դուրս է, ասաց իշխանը հրաժարվելով:

Խանը խնդրում էր ընդունել այդ ծառայութիւնը, որ նրա հիւրասիրութեան և բարեկամական մտերմութեան աւելի ազդու արտայայտութիւնն էր: Բայց իշխանը չը կամենալով մինչև այս աստիճան ստորացնել նրան, ինքը թռաւ թամբի վրա, առանց ընդունելու նրա ձեռքից ասպանդակը: Պատանի Ստեփաննոսը իր նոր

զէնքերով զինաւորված, արդէն գտանվում էր իր նժոյգի վրա: Հայոց ձիաւորների խմբից լսելի եղաւ փողի ձայնը, որ նշան էր հրածեչտի:

— Մնաք բարեաւ, խան, ասեցին իշխանը և պատանի Ստեփաննոսը, իրանց նժոյգների վրայից գլուխ տալով:

— Բարի ճանապարհ, պատասխանեց խանը, նոյնպէս գլուխ տալով:

Վերագառնալով իր վրանը, նա իր մտքում ասաց. «ես քո հպարտութիւնը, շուն հայ, մի խեցեղէն ամանի նման ոտքերիս տակ կը փըշրեմ...»

ԺԱ.

Մինչև այժմ երկու մէլիքների շահերը համաձայն և լծորդարար էին ընթանում: Նրանց միաբանութիւնը՝ հայ գերիների շղթայակապ մնալու, պատանի Ստեփաննոսի սպանման և Գենուազի գաւառը իր միակ ժառանգից զրկելու վերաբերութեամբ՝ բոլորովին անկեղծ էր: Բայց երբ այդ բոլոր մեքենայութիւնները ոչնչացան, երբ գերիները ազատութիւն ստացան և Թորոս իշխանը յաղթող հանդիսացաւ, այնուհետեւ երկու մէլիքների միաբանութիւնը սկսեց փոքր առ փոքր խախտվել: Մինչև այժմ նրանք միաբան էին մէկ խորհրդի մէջ միայն, այն է՝ Գենուազի գաւառը զրկել իր միակ ժառանգից՝ Ստեփաննոսից, բայց թէ նրանից յետոյ ում կը մնար այդ գաւառը, —

վերջին հարցում երկուսի էլ շահերը տարբերվում էին: Մէլիք Ֆրանզիւլը ցանկանում էր իր ձեռքը ձգել Գենուազը և ամբողջ Ղափանի իշխանը դառնալ, իսկ մէլիք Գաւրիթը նոյն իշխանութիւնը իրան էր վերապահում: Մէլիք Ֆրանզիւլը աշխատում էր օգուտ քաղել մէլիք Գաւրիթի և նրա աղջկայ աջակցութիւնից միայն սկզբնական գործողութիւնների համար, բայց երբ նա պարզ նկատեց, որ աղջիկը բոլորովին հակառակ է իր հօրը, այնուհետև աւելի ցած ընկաւ այդ մարդու նշանակութիւնը իր աչքում և աւելի հաստատ կերպով համոզվեցաւ իր յոյսերի մէջ, թէ կարող է նրան ասպարէզից դուրս քշել:

Մէլիք Գաւրիթը իր կողմից նկատում էր, որ իր վարկը, իր նշանակութիւնը հետզհետէ ցած է ընկնում իր գործակցի աչքում, որ նա մինչև անգամ դադարել է իր հետ խորհրդակցելուց և ինչ որ դադանի ձեռնարկութեան պատրաստութիւններ է տեսնում: Մէլիք Ֆրանզիւլի այդ ծածկամտութիւնը աւելի զայրացրեց նրան, շուրջ հէրը կանխի՞ծեմ... ասաց նա իր մտքում և դուրս եկաւ վրանից, անհամբերութեամբ սպասում էր իր ծառային, որին ուղարկել էր ներքինապետ Ահմէդի մօտ լուր բերելու: Ուրացողը ներքինապետի միջնորդութեամբ կրկին փորձ փորձեց տեսնուելու իր աղջկայ հետ, յայտնելով, թէ ինքը գնալու է Տաթև և ցանկանում է նրան մնաք

բարով ասել: Ծառան վերադարձաւ, բերելով ուրախալի լուրը, թէ տիկինը բարեհաճել է ընդունել նրան:

Գիշեր էր: Մէլիք Ֆրանզիւլը այս գիշեր նոյնպէս առանձին տեսութիւն էր խնդրել խանի հետ և գնացել էր նրա մօտ, առանց այդ մասին իմացում տալու մէլիք Գաւրիթին: Ընկերոջ այդ վարմունքը աւելի կատկածանքի մէջ էր պցում նրան: Այս պատճառով նա վարձել էր խանի մանկալակիկներից մէկին, որ լրտեսէ մէլիքի խօսակցութիւնը խանի հետ և իրան տեղեկութիւն տայ:

Սիւրբին ընդունեց հօրը մի առանձին վրանում, որ լուսաւորված էր լապտերի լուսով և գտանվում էր կանանոցից դուրս: Այնտեղ կանգնած էր միայն ծերունի ներքինապետը, իսկ տիկինը նստած էր գորգի վրա, և ինքն էլ չը գիտէր՝ թէ ինչու նրան հետաքրքրում էր համբարել գորգի փոքրիկ քառակուսիները: Տեսնելով հօրը, նա դարձաւ զէպի ներքինապետը.

— Ահմէդ, դուք կարող էք վրանի դրսում ըստպասել:

Ծերունին հեռացաւ և նստեց վրանի կողքին, խոտերի վրա: Սիւրբին ղեռ զլուխը խոնարհեցրած, աչքերը չէր հեռացնում գորգից. հօր այցելութիւնը խանդարեց նրան և մոռացաւ գորգի եզերքի մի անգամ համբարած քառակուսիները

Թիւր: Նա սկսեց կրկին համբարել: Աղջկայ սառն ընդունելութիւնը սաստիկ վշտացրեց հօրը, բայց նա զսպելով իր վրդովմունքը, սկսեց հայրական մեղմ և զթառատ խօսքերով կշտամբել նրա սառնասրտութիւնը, — սկսեց յիշեցնել նրան, թէ ինքը հայր է, թէ հօր պատիւը, հօր յարգանքը ինքն Աստուած հրամայում է զաւակներին, թէ զաւակները իրանց պարտաւորութիւնը այլ կերպ կատարած չեն կարող լինել, բայց միայն սիրելու: և հնազանդվելով իրանց ծնողներին:

— Դու գիտես, Սիւրբի, վերջացրեց նա իր քարոզը. — Ես ձերացել եմ, այս աշխարհում իմ միակ յոյսը, իմ միակ մխիթարութիւնը դու ես մնացել: Աստուած ինձ ուրիշ զաւակներ չը ատեց. եղածները բոլորը մեռան: Եթէ դու ես չը մխիթարես քս հօր ձերութիւնը, ինչ կը վնի նրա վիճակը:

Սիւրբին դեռ նայում էր գորդի վրա. այժմ ըսկսել էր համբարել նրա միւս եզերքի քառակուսիները:

— Ես չըջարատված եմ թէնամիներով, շարունակեց հայրը, — իմ խորհրդակիցները, իմ մտերիմներն անգամ փոս են փորում իմ առջև: Ամեն կողմից աշխատում են ինձ ցած գցել, ամեն կողմից սպառաատվում են խել իմ փառքը: Իմ ձերութիւնը խայտառակութիւնով կը վերջանայ, եթէ դու չօգնես ինձ: Դու այն գաւաղանն ես,

որ պէտք է նեցուկ լինի ձերունի հօրը, որի վրա յենած, նա պէտք է շարունակէ իր ընթացքը: Բայց դու այն աստիճան անգութ ես, Սիւրբի, որ մինչև անգամ մերժում ես հօր այցելութիւնը:

Սիւրբին լսեց վերջին խօսքերը միայն: Նա անգիտակցաբար համբարում էր գորդի քառակուսիները, բայց նրա միտքը թռել, սլացել էր հեռու և հեռու, այն պատանու մօտ, որին թորոս իշխանը այսօր իր հետ տարաւ:

— Այո, ես առաւօտեան մերժեցի քո այցելութիւնը, պատասխանեց նա, գլուխը վեր բարձրացնելով և այժմ միայն ուղիղ կերպով նայելով հօր երեսին: — Հիմայ ընդունեցի: Ի՞նչ ասելիք ունես:

Այդ հարցը աւելի խոր խոցեց հօր սիրտը: Կը նշանակէ նա չէր լսում իր խօսքերը, կը նըշանակէ ոչինչ աղղեցութիւն չունեցան իր քարոզները: Նրա յոյսերը բոլորովին ջարդովչուր եղան, բայց դարձեալ չը կորցնելով իր վստահութիւնը, ասաց:

— Սիւրբի, դու պէտք է միջնորդես խանի մօտ, որ Գենուաղի և Բարգիւշատի մէլքբութիւնը ինձ յանձնէ: Դու կարող ես այդ անել:

— Ես կարող եմ, բայց չեմ անի:

— Ի՞նչու:

— Ես չէի ցանկանայ, որ Գենուաղի և Բարգիւշատի հայ բնակիչները այնքան ասանջվէին քո ձեռքում, որ գային խանի դրանը և իրանց

կրակ տային, այրվէին, ինչպէս այրվեցին այսօր
տաթեազները:

— Միւրի, ընդունիր իմ խնդիրքը, ազազում
եմ, առաջ տարաւ նա ողորմելի ձայնով:—
Նի՞ժէ ձերունի հայրը ոչինչ յարգանք չունի քեզ
մօտ, դոնէ յիշիր մօրդ, որ նրա կլինն է եղել,
որին սիրում էիր դու:

— Որին դու սպանեցիր... սրտասխանեց Սիւրին
և նրա աչքերը վառվեցան կատաղի բարկու-
թեամբ:

— Ն՞ր... բայականչեց հայրը սարսափելով.—
Աստուած կը պատժէ քեզ, Սիւրի, որ այսպէս
չարաչար կերպով զրարստում ես հօրդ:

— Նի՞ժէ Աստուծոյ պատիժները շուտ վրա
հասնէին, դու այժմ այս աշխարհում չը պիտի
լինէիր... պատասխանեց նա դողդոջուն ձայնով:

— Արկնում եմ, դու սպանեցիր իմ մօրը: Գու
ուրացար Լուսաւորչի սուրբ հաւատը Տաթեի
մէլէքութիւնը ստանալու համար և այնուհետեւ
քո տունը լցրիր մահմետական կնիկներով: Խեղճ
մայրս չը կամեցաւ այրել ուրացող ամուսնի
հետ, թողեց քո տունը և դնաց իր հօր տունը:
Քանի անգամ քարչ տուեցիր նրան և կամենում
էիր բռնութեամբ քեզ մօտ պահել, բայց
դարձեալ վախչում էր նա: Քանի անգամ դա-
նակոծվեցաւ նա քո անդուլթ ձեռքերից: Բայց
այս բոլոր տանջանքներին կը համբերէր նա,

եթէ դու չը խլէիր նրա միակ աղջիկը.— ինձ, և
չը գցէիր մահմետական հարեմի մէջ: Նս կրէք
չեմ մուսնայ այն սգաւոր և ցաւալի օրը, երբ
խեղճ մայրս, արտասուքը աչքերում, տարածվել
էր գետնի վրա, գրկել էր քո ստները: Միւս
կողմում կանգնած էին խանի ներքինները, իսկ
մէջտեղում— ես: Մայրս ազազում էր, պաղա-
տում էր քեզ, որ ինձ խանի մարդկանց ձեռքը
չը տաս: Նս լաց էի լինում: Գու, առ ոչինչ
համարելով իմ և մօրս արտասուքը, ինձ յանձնե-
ցիր նրանց ձեռքը: Մայրս կատաղութեամբ վրա
վաղեց, ինձ բռնեց, և երկար կռվելով նրանց
հետ, չէր թողնում, որ ինձ տանեն: Գու
բուռնեցրով զարկեցիր մօրս գլխին, նա ուշաթափ
ընկաւ գետնի վրա և այնուհետեւ չը վեր կացաւ
նա...

Մի ուրիշ մարդ, մէլէք Գաւիթի փոխարէն,
հարազատ դատեր բերանից լսելով այդ անէծքը,
լսելով այդ բոլոր դատապարտական խօսքերը,
կը զղջար, կը փոշմանէր իր եղեռնագործութեան
համար, բայց նա, տեսնելով, որ իր մեղմ, գրա-
ւիչ խրատներով չը կարողացաւ համոզել նրան,
մտածեց վախեցնել աղջկան:

— Բայց ես չեմ կարծում, որ քո մօր յիշա-
տակը այնքան վրդովեցնէր քեզ իմ դէմ,
որքան մի ուրիշ բան...

— Ի՞նչ բան, հարցրեց Սիւրին, սրբելով աչ-

քերից արտասուքը, որ հեղեղի նման թափվում էր մօր պատմութիւնը անելու ժամանակ:

— Այն բանը, որ ես քեզ խլեցի քո սիրականի գրկից... որը այսօր քո հնորհիւ աղատութիւնս գտաւ... որի վէրքերը դու դարմանում էիր բանտի մէջ... և որի հետ դու մտածում ես շարունակել քո հին յիմարութիւնները...

— Այդ բոլորը ճիշտ է, պատասխանեց Սիւրբին սառնութեամբ:— Ես Ստեփանին սիրում էի առաջ, սիրում եմ և այս րոպէիս: Այո, դու ինձ խլեցիր նրա գրկից և ես այդ չեմ ների քեզ:

— Եւ կաշխատես կրկին նրա գրկին ընկել...

— Կաշխատեմ...

— Եւ կաշխատես Գենուաղի իշխանութիւնը նրան վերադարձնել...

— Կաշխատեմ...

— Եւ կաշխատես յետոյ փախչել գնալ նրա մօտ...

— Կաշխատեմ...

— Բայց գիտես ես ինչ կաննեմ...

— Գու ինձ կը մատնես... դու այդ բոլորը կը յայտնես խանին...

— Լա հասկացար, պատասխանեց հայրը կատաղի բարկութեամբ:— Բայց գիտես խանը քեզ ինչ կանէ:

— Խանը ինձ խեղդել կը տայ:

— Հիմա լաւ մտածիր, ի դուր տեղը մի բարկացրու հօրդ:

— Ես բոլորը մտածել եմ. ինձ մնում է երկու բան՝— կամ մեռնել, կամ շնորհ հետ ապրել:

Մէլիք Գաւթը չէր կարծում, թէ կը հանդիպի այս աստիճան հաստատամտութեան իր աղջկայ կողմից: Նա զգաց իր սխալը, որ խօսակցութիւնը ծայրայեղութեան հասցրեց, այս պատճառով փորձ փորձեց շարժել Սիւրբի գթասրտութիւնը:

— Շեքունի հայրը ներողութիւն է խնդրում քեզանից, Սիւրբի, ասաց նա, բռնելով նրա ձեռքը:— Մոռացիր բոլորը, ես մեղաւոր եմ քո առջև, մեղաւոր եմ և քո հանդուցեալ մօր առջև...

Այդ միջոցին նրա աչքերում երևացին մինչև անգամ արտասուքի կաթիլներ: Բայց Սիւրբին թափ տուեց նրա ձեռքը և վեր կացաւ, անելով:

— Ես կը մոռանայի բոլորը, եթէ հաւատայի, որ քո խոստովանութիւնը անկեղծ է: Բայց դու խաբում ես ինձ:

— Աստուած, երկինք, գետինք վկայ, որ չեմ խաբում: Գու զարթեցիր իմ մէջ մեռած խիղճս, Սիւրբի, դու կրկին վառեցիր ծնողական գութը, որ հանգած էր իմ սրտում: Մօրդ ուրուականը գիշեր և ցերեկ հալածում է ինձ, հանգստութիւն

չէ տալիս: Նա կը ներէ ինձ, եթէ դու ներես:
 Վերջին խօսքերը ազդեցին Սիւրբիի սրտին:
 Նա ստորաստ էր զրկել իր հօրը, համբուրել
 նրա շրթունքը, որ արտասանեցին այդ տխուր,
 ապաշխարութեան խօսքերը, որ առաջին ան-
 գամն էր լսում նրա բերանից: Բայց այդ միջո-
 ցին վրանի մուտքի առջև արձանացաւ ծերունի
 ներքինապետի զայրացած պատկերը և լսելի
 եղաւ նրա սպառնական ձայնը.

— Գու, ասաց նա մէլիքին, — նախ քան մե-
 ղանչեւը քո ընտանիքի, քո զաւակի և քո ան-
 բախտ կնոջ առջև, մեղանչել ես քո ազգի առջև,
 որի սրղիքը քո հարստահարութիւններէց ազատ-
 վելու համար, այսօր իրանց այրեցին: Գու մե-
 ղանչեւ ես Յիսուս Քրիստոսի առջև, որովհետե
 ուրացար մեր սուրբ Գրիգոր լուսաւորչի կրօնը:
 Ոչ ոք չի կարող ներել քեզ, մինչև ազգը և եկե-
 ղեցին չը ներեն քեզ: Եթէ քո խօսքերը ճշմա-
 րիտ են, եթէ զարթել է քո մէջ խիղճը, գնա՛,
 մտիր Տաթևի վանքի մէջ, որ քո ձեռքով քան-
 ղեցիր, որի սրբութիւնները կոզոպտեցիր, — գնա
 մտիր նրա տաճարի մէջ և այնտեղ ներողութիւն
 ինդրիր: Այն ժամանակ բոլորը կը հաշտվեն
 քեզ հետ, թէ ազգը, թէ եկեղեցին և թէ քո
 զաւակը: Բայց քանի որ դու քո փառասիրու-
 թեան համար ոտնակոխ կանես ամեն սրբութիւն,
 ամեն մարդ անէծք կը թափէ քո գլխին: Ի՞նչու

եւ մոլորեցնում այդ անբախտ աղջկան. ինչու
 եւ աշխատում նրան գործիք շինել քո չար դի-
 տաւորութիւններին: Բաւական չէ, որ Տաթևի
 ամբողջ զաւառը տանջվում է քո ձեռքում, հի-
 մայ կամենում եւ Գենուալը ու Բարդիւշատն էլ
 ձեռք գցել: Այդ չես կարող յաջողեցնել: Այդ
 երկու զաւառները պատկանում են այն պատա-
 նուն, որի հօր իշխանութիւնը սչնչացաւ քո սա-
 տանայական զաւաճանութեամբ, որը այդ կնոջ
 օրինաւոր նշանածն էր: Բայց դու ոտնակոխ ա-
 րեցիր, թէ քահանայի օրհնութիւնը, թէ աղջկայ
 սէրը...

Վերջին խօսքերը կրկին բաց արեցին Սիւրբի
 վէրքերը, կրկին զարթեցրին նրա մէջ վաղեմի
 դառն ստեղծութիւնը գէպի իր հայրը: Մէլիք
 Գաւիթը մի քանի բոպէ մնաց շանթահարի նման
 պապանծված, և ոչ մի խօսք չը գտաւ պատաս-
 խանելու: Ո՞րտեղից յայտնվեցաւ այդ սատանան.
 միթէ նա լսում էր զրտից իր բոլոր խօսակցու-
 թիւնները: Մէլիք Գաւիթը պատրաստ էր իր
 սուրը նրա կողքը խրել, այդ կը լինէր ամենազ-
 դու պատասխանը նրա կարծիքով, բայց խանի
 ներքինապետի վրա ձեռք բարձրացնելու չափ
 նա քաջութիւն չունէր: Այս պատճառով ասաց
 նա չար ծաղրածութեամբ.

— Մի հայ, որին կոչում են Ահմէդ, փոխանակ
 ուրիշներին խրատներ տալու, աւելի լաւ կանէ,

եթէ նախ ինքը գնայ, մտնէ Տաթևի վանքը և կրկին ընդունէ քրիստոնէութիւնը...

Մէլիքի ակնարկութիւնը չափազանց վիրաւորական էր: Ներքինապետը կծու կերպով պատասխանեց նրան.

—Նս այդ վաղուց կանէի, եթէ հարկադրված չը լինէի, Ահմէդ անուան տակ ծածկվելով, պաշտպանել իմ ազգայիններին ձեզպիտինների չարագործութիւններից: Նս յոյս ունեմ, որ մեր Ղուսաւորիչ պապը կը ներէ ինձ, որովհետև երբէք դաւաճանած չեմ նրա եկեղեցուն, այլ որքան կարողացել եմ, պահպանել եմ նրա դառները ձեզ նման գայլերից...

—Եւ դու կը վարձատրվես այդ ծառայութիւններիդ համար...

—Չը լինի թէ դիտաւորութիւն ունես ինձ ևս մատնելու, խօսեց ներքինապետը դայրացած կերպով.—Նրամայեցէք, ճանապարհը ձեզ ցոյց կը տամ...

Մէլիքը վեր կոցաւ և մրթմրթալով հեռացաւ: Սիւրին և ներքինապետը մնացին միայնակ:

—Գու ի դուր բարկացրիր նրան, Ահմէդ, ասաց տիկինը.—նա ամեն բան պատրաստ է անել:

X —Անհող կացէք, տիկին, ոչինչ չի կարող անել, պատասխանեց ներքինապետը հանդարտութեամբ:—Նա ունի ինձ մօտ մի այնպիսի

գաղտնիք, եթէ խանին յայտնելու լինեմ, խակոյն նրան դիտաւոր կը տայ: Նս հէնց այս գիշեր նրան զգալ կը տամ, որ նրա կեանքը իմ ձեռքումն է, և նա լեզուն կը քաշէ...

Խորին տխրութեան մէջ սկսեց տիկինը դիմել դէպի իր վրանը: Նա իրան այնքան անբախտ էր զգում, որ լսում էր իր հօր մասին հարիւրաւոր վիրաւորական խօսքեր, բայց բարկանալու լիաւուճեք չուներ: Ի՞նչ կարող էր ասել դառն ճշմարտութիւնների դէմ: Նա ունէր մի հայր, որը ոչ երկնքում և ոչ այս աշխարհում մի հատիկ բարեկամ չուներ, որին դաւաճանած չը լինէր: Նա մինչև անգամ յանցաւոր էր խանի մօտ, որի բարերարութիւնները վայելում էր:

ԺԲ.

Երբ մէլիք Գաւիթը աշխատում էր Սիւրինի աջակցութիւնը որսալ, նրան իր նոր նենգաւորութիւնների գործիք դարձնել, այդ ժամանակ մէլիք Ֆրանգիւլը տխուր, յուսահատական դրութեան մէջ դուրս եկաւ խանի վրանից: Նա գնացել էր խանի մօտ խնդրելու, որ Գեհուազի և Բարգիւշատի մէլիքութիւնը իրան յանձնէ, բայց մերժում ստացաւ, թէև խոստանում էր իւրաքանչիւր տարի վճարել խանին հինգ հազար թուման փող, երեք հազար թաղար ցորեան, երկու հազար թաղար գարի, և ամեն տարի երկու հատ զեղեցիկ հայ աղջիկներ հարեմի համար:

Գուրս գալով խանի վրանից, նա մուրրվածի նման, չը դիտէր դէպի սր կողմը գնալ: Գնալ իր իջեանը, ուր ամօթալի դէմքով պիտի հանդիպէր մէլիք Գաւիթին,—այդ մեռնելու չափ անտանելի էր նրան: Նա իր շահերը բաժանեց մէլիք Գաւիթից, թողեց նրան և սկսեց առանձին գործել, վստահացած լինելով, թէ յաջողութիւն կը գտնէ և միայնակ Գենուազը ու Բարդիւշապը իր ձեռքը կը գցէ: Իսկ այժմ նրա բոլոր յոյսերը է գուր անցան: Նա այնքան չէր ցաւում, որ զրկուում է երկու հարուստ գաւառների իշխանութիւնից, որքան ամաչում էր հանդիպել մէլիք Գաւիթին և լսել նրա այսօրինակ հեղինական խօսքերը:—բարեկամ, շունը շան թաթը չի կոխի», դու ուզում էիր հաւրան մինակ ուտել և ընկերիդ չը տալ, դրա համար էլ Աստուած քեզ պատժեց: Ի հարկէ, եթէ մէլիք Ֆրանգուլին յայտնի լինէր իր ընկերոջ գտած նախատական ընդունելութիւնը Սիւրբի մօտ, նա այնքան չէր տանջվի և բոլորովին յուսակոտուր չէր լինի: Նա կը մտածէր եթէ ոչ այսօր, դուցէ վաղը, միւս օրը դարձեալ կարող էր հասնել իր նպատակին: Բայց նա հաւատացած էր, որ որքան էլ թշնամական լինէին աղջկայ յարարութիւնները հօր հետ, դարձեալ Սիւրբին իր հօր կողմը կը բռնէր: Այժմ ինչ անել, ուր գնալ: Նա մտացել էր մուրրված: Հպարտութիւնը խեղդում էր

↓
↓
↓

նրան: Մտածում էր գնալ, ձի նստել և գիշերով հեռանալ, առանց մէլիք Գաւիթի կամ մի այլ մարդու հետ անսովելու: Գոնէ այսպիսով ազատ կը մնար ամօթից և նախատինքից: Բայց ուր գնալ,—այդ հարցը դարձեալ դժուարութեան մէջ էր դնում նրան: Գնալ իր տունը: Բայց ինչ երեսով նայել իր կնոջ, իր որդիների վրա, որոնք մեծ անհամբերութեամբ սպասում են նրա վերադարձին, սպասում են զիմաւորել նրան նոր փառքով, Գենուազի և Բարդիւշապի մէլիքութիւնը ստացած: Ի՞նչ պատասխան տալ իր տանուէրներին, որոնց առաջմանէ զրած էր, թէ նա արդէն ստացել է այդ երկու գաւառների իշխանութիւնը և մէլիք Գաւիթը կորցրել է իր նշանակութիւնը:

Մի հզօր պաշտպան, մի զօրեղ ձեռք պէտք էր, որ նրան դուրս բերէր իր անել դրութիւնից: Ո՞ւմը զիմել, ում օգնութիւնը խնդրել: Խանից նա մերժվեցաւ: Այժմ ո՞վ կարող էր ազդել, ներգործել խանի վրա: Ո՞վ կարող էր միջնորդ և բարեխօս լինել նրա և խանի մէջ: Նա մտաբերեց ցեղի խամին, մի մարդու, որին բոլորը պաշտում էին, թէ խանը և թէ նրա մահմետական ժողովուրդը: Եւ առանց իրան հաշիւ տալու, նա սկսեց անգլխակցաբար իր անվճռական քաջերը ուղղել դէպի նրա վրանը: Նա միայնակ էր, իր հետ ունէր ծառաներից մէկը

✓

✓

միայն: Դմամի վրանը գտանվում էր բաւական հետու, Չալարեանների չաղրների մօտ: Պէտք էր անցնել մի քանի բլուրներ, մի քանի ձորեր: Մէլիք Ֆրանգիւլը ցանկանում էր, որ այդ ճանապարհը աւելի ևս երկար լինէր, մինչև աշխարհիս ծայրը, որ դնար, դնար և չը հասնէր: Միթէ ախամայ էր գնում նա, թէ ցանկանում էր՝ ճանապարհի երկարութեան ընթացքում աւելի լաւ խորհել, աւելի լաւ քննադատել այն ձեռնարկութիւնը, որին գիմում էր... Առ այժմ դարդակ յոյսը նրան աւելի էր մխիթարում, քան կատարված իրողութիւնը, որ թանգ գնով պիտի ստանար... Գիշերային խաւարը ծածկում էր նրան ուշացած հովիւների տեսութիւնից, որ անցնում էին լեռների միջով: Կ'չը լաւ կը լինէր, որ միշտ գիշեր լինէր և նրան ոչ ոք չը տեսնէր: Նա նմանում էր մի գողի, որ մթութիւն է սիրում: Նա նմանում էր մի եղեռնագործի, որ փախչում է մարդկային հասարակութիւնից, անապատների խլտթեան մէջ հանդրատացնելու խղճի խայթը...

Կէս ճանապարհի վրա նա կանգ առեց: Մի քանի բոպէ մնաց մեխված գետնի հետ: Չը գիտէր յետ դառնալ, թէ առաջ դնալ: Նրա սիրտը բարախում էր և գլխի մէջ կատարվում էր խառն մտածութիւնների մի ամբողջ պատերազմ: Արձուկ յետ դառնալ: Բայց այժմ ոչ այն ճանա-

պարհով, որով եկել էր, կարծես, ճանապարհի տարբերութիւնը կարող էր հանդուստանալ նրան: Յանկարծ յիշեց նա խանի խօսքը, որի հիման վրա մերժեց նրան Գեհուաղի և Բարդիւշատի մէլիքութիւնը. «Թորոս իշխանի հետ ունեցած մեր այժմեան բարեկամական յարաբերութիւնները թոյլ չեն տալիս ինձ այդ երկու գաւառների կառավարութիւնը յանձնել մի այնպիսի մարդու, որին իշխանը իրան թշնամի է համարում»: Աւրեմն նա չը կամեցաւ վիրաւորել իշխանի անձնասիրութիւնը, չը կամեցաւ նրա ^{հոգիս} ~~անկողն~~ (Վտեփաննոսի) երկրները յանձնել մի մարդու, որը Թորոսի ընտանիքի հետ տոհմային թշնամութիւն ունէր: Այդ յիմար պարսիկը, մտածում էր մէլիքը, եթէ խելք ունենար, պէտք է օգուտ քաղէր այդ հանդամանքից, պէտք է բռնութեամբ դրաւած երկրների կառավարութիւնը յանձնէր հէնց իրան, որովհետև նրանց նախկին տիրոջ թշնամին էր ինքը: Գրանով աւելի ապահովացրած կը լինէր խանը իր իշխանութիւնը օյդ երկրների վրա: Միւս կողմից, մէլիքին տանջում էր մի այլ միտք. Թորոսը այնքան հարատ էր, ի հարկէ, չէր ցանկանայ փողով գրաւել խանին և կրկին ձեռք բերել այդ երկրների իշխանութիւնը իր կողմէ ~~կազմ~~ Կազմը՝ Վտեփաննոսի համար, որին այսօր գերութիւնից ազատեց, որը այդ երկրների օրինաւոր տէրը և ժառանգն էր:

Կոզ արտ

Նա կը պատրաստվէր զէնքի ուժով զրաւված երկիրները յետ խելը նոյնպէս զէնքով:— Այդ բոլորը նա յայտնեց խանին, յայտնեց, որ այդ երկիրների կառավարութիւնը իրան յանձնելը միակ երաշխաւորութիւնն է խանի իշխանութիւնը նրանց վրա հաստատ պահելու համար: Բայց « յիմար » պարսիկը չը հասկացաւ. նա աւելի զերազանս իր կեղծ բարեկամութիւնը Թորոսի հետ, քան մէլիք Ֆրանգիւլի հաւատարիմ ծառայութիւնը:

Բայց ինչպէս կարող էր մէլիք Ֆրանգիւլը այդ բոլոր անարգանքը տանել: Ինքը թշնամի էր Թորոսի հետ, իր հայրը թշնամի էր նրա հօր հետ, իր պապը թշնամի էր նրա պապի հետ: Այդ երկու ընտանիքների մէջ ստեղծութիւնը անցել էր սերունդից սերունդ և կնքված էր բազմաթիւ զոհերի արիւնով: Այժմ նոյն մարդը դուրս էր գալիս իր առջև որպէս մի հզօր ախոյեան: Պէտք էր ընկճվել նրա առջև: Այդ անկարելի էր: Պէտք էր ջարդուփշուր անել նրա դիտաւորութիւնները: Թէև մէլիքին չը յաջողվեցաւ Ստեփաննոսին խեղդել տալ բանտի մէջ, թէև նրան չը յաջողվեցաւ հայ դերիներին մաշել տալ բանտի մէջ, —բայց նա պէտք է յաջողեցնէ զհնուազիւ և Բարդուշատի մէլիքը լինել, թէև այդ իշխանութիւնը գնվելու լինէր այն բանով, որ աշխարհի մէջ ամենաթանգազինը և ամենա-

սուրբն է նրա համար... Այդ մտքով նա կրկին յետ դարձաւ և շարունակեց իր ճշմարտագործ դէպի իմամի վրանը:

Մի քանի րոպէ առաջ նա գտանվում էր տատանման մէջ: Իսկ այժմ նախանձը, ատեղութիւնը, կրքը փառասիրութիւնը եւ էին գալիս նրա սրտում: Մի քանի րոպէ առաջ նրան տանջում էր միայն ամօթի և հպարտութեան զգացմունքը, իսկ այժմ նրան բորբոքում էր վրէժ-ինդրութեան կիրքը: Պէտք էր պատժել Թորոսին, այնուհետև նրա բոլոր թշնամիները կորագլուխ կը լինէին նրա առջև:

Հանապարհին նա ստեղծեց մի ամբողջ պատմութիւն, որի առիթով պիտի ներկայանար իմամին: Նրա ուղեղը, որ մինչև այժմ բոլորովին մռայլված էր, նրա մտածութիւնները, որ մինչև այժմ խառնաշփոթ զրութեան մէջ էին, յանկարծ որոշ կերպարանք ստացան: Նա այժմ այնքան արագ էր դնում, որ ծանան հազիւ կարողանում էր հետեւել նրան: Քառորդ ժամից յետոյ նա հասաւ իմամի վրանին:

Իմամի վրանը իր պարզութեամբ չէր դանազանվում հասարակ հովիւների շարքերից: Այստեղ չը կային ոչ նուրբ, մետաքսեղէն կերպասներ և ոչ թանգազին շալեր: Աստուծոյ մարդը, կրօնի գորավիպը իրան հեռու էր պահում աշխարհի փառքից և կեանքի շքեղութիւնից, եթէ

ոչ ներքուստ, զոնէ արտաքուստ: Նա նստած էր հասարակ թաղիքի վրա և նրա մօտ դրած էին մի քանի զրքեր: Մի կողմում կուճ էր եկած դէրվիչը և պատմում էր զանազան բժշկական հրաշալիքներ: Արանում ուրիշ ոչ ոք չը կար. մի մօրուքաւոր սպասաւոր միայն կանգնած էր այնտեղ և երբեմն նորոգում էր իմամի չիբուխը, վառում էր, առաջ ինքն էր ծխում, յետոյ տալիս էր նրան: Գէրվիչը խօսում էր Լօկմանի *) վրա, ասում էր, երբ նա ծերացաւ, հազար ինն հարիւր վաթսուն տարեկան դարձաւ, այդ ժամանակ պատրաստեց «կենդանութեան կաթիլները», և իր աշակերտներին՝ Ալասթուին ու Աֆլաթունին **) յանձնելով, պատուիրեց նրանց, երբ ինքը կը մեռնի, այն հեղուկից երեք կաթիլ կաթեցնեն իր բերանը, և ինքը իսկոյն կը կենդանանայ: Արբ նա մեռաւ, Աֆլաթունը վեր առեց հեղուկը, որ իր վարպետի պատուէրի համեմատ, երեք կաթիլ կաթեցնէ նրա բերանը: Գեռ առաջին կաթիլն էր կաթեցրել, այդ միջոցին սատանան աներևոյթ կերպով անցաւ նրա մօտից, թեքով զարկեց սրուակին և հեղուկը թափեց: Լօկ-

*) Լօկման պարսից և արաբական աւանդութիւնների մէջ համարվում է բժշկութեան առաջին հեղինակը:

**) Ալասթուն Արիստոտելն է, իսկ Աֆլաթուն Պլատոնը:

մանի մարմնի մի մասը միայն կենդանացաւ. ուրքերից մինչև պարտը, միւս մասը՝ մէջքից մինչև գլուխը մնաց մեռաւ: Գլուխը գրութեան մէջ ապրեց նա մինչև երկու հազար տարի: Ուրքերը կենդանի էին, ման էին դալիս, բայց գլուխը, թեքերը, մէջքը սկսեց հեղուկացնել լուծվել, փրտել և հող դառնալ: Նրա աշակերտների բոլոր ջանքը չը կարողացաւ կենդանացնել նրա մարմնի մեռած մասը, որովհետև Լօկմանը «կենդանութեան կաթիլները» գաղտնիքը իր մօտ էր պահել:

— Բայց սատանան ինչ թշնամութիւն ունէր Լօկմանի հետ, հարցրեց իմամը:

— Սատանան ո՛ւմ հետ թշնամի չէ, պատասխանեց դէրվիչը, — այդ էլ բաւական էր, որ Լօկմանը իր բժշկական դարմաններով պատերազմում էր մահուան դէմ և ամեն օր հարիւրաւոր հիւանդների կեանք և առողջութիւն էր պարզեւում: Իսկ կեանքը հակառակ է սատանային. նա մահուան և գերեզմանի իշխանն է:

Նրանց խօսակցութիւնը ընդհատեց սպասաւորը, յայտնելով, թէ մէլիք Տրանգիւլը խնդրում է ներկայանալ: Իմամը մի քանի վայրկեան մտածութեան մէջ ընկաւ, թէ ինչպէս ընդունէ այդ «գաւուրին», յետոյ հրամայեց վրանի մի կողմում տարածել մի կապերտի կտոր, որ նա գայ, նստէ նրա վրա, որպէս զի միւս օթոցները

չը պղծէ: Իսկ այդ կապերտի կտորը կարելի էր յետոյ կամ այրել, կամ դէն գցել:

Մէլիք Ֆրանգիլըն ներս մտաւ, խոնարհութեամբ գլուխ տուեց և կանգնեց ոտքի վրա: Խմամբ ինդրեց նրան նստել: Մէլիքը գիտենալով մասնետական հոգևորականները սովորութիւնը, դնաց, նստեց կապերտի կտորի վրա:

Խմամբ թողեց մէլիքին առանց ուշադրութեան, որպէս թէ նա չը կար և շարունակեց իր խօսակցութիւնը դէրվիշի հետ Ղօկմանի և սատանայի մասին: Յետոյ նա անցաւ այն մ ա ջ ու ն ի ն, որ պիտի սլաօրաստէր դէրվիշը նրա ծերութիւնը յետ դարձնելու և նրան մանկական ուժ և թարմութիւն պարգևելու համար:

Մէլիք Ֆրանգիլըն այն աստիճան անհանգիստ էր, կարծես, փշերի վրա էր նստոյժ: Խմամբ արհամարհանքը, նրա սառն ընդունելութիւնը սաստիկ վիրաւորեց նրան: Նա աւելի բարեօք կը համարէր, որ գետինը պատուէր և իրան կուտար, քան այնպէս անպատիւ կերպով նստած լինէր պարսիկ կրօնաւորի սպասում, որ աւելի բաւականութիւն էր գտնում, խօսելով մի զոգուելի դէրվիշի հետ, քան հայ ժողովրդի մի նշանաւոր ներկայացուցչի հետ: Նա անհամբերութեամբ սպասում էր, որ իր վրա ուշադրութիւն դարձնեն, կամ գոնէ հարցնեն, թէ ինչու համար ես եկել: Նա մի քանի անգամ հաղաց, մի քանի

անգամ նստած տեղում այս և այն կողմը շուռ եկաւ, դաշձեալ նրա վրա ոչ ոք ուշադրութիւն չը դարձրեց: Այդ անախորժ դրութիւնը սպանում էր նրան, մանաւանդ որ նկատում էր, երբ խմամբն չիրուխ էին մատուցանում, նա դէրվիշի հետ փոփոխակի կերպով ծխում էր, բայց իրան ամենեւին համեցէք չէին անում, որովհետեւ նրա անմաքոր շրթունքը կարող էր պղծել չիբուխը:

—Ո՛վ ուղղափառների սուրբերից ամենասուրբը, մէկ ինդիրք ունեմ, ասաց վերջապէս մէլիքը բացականչական եղանակով:

Քրիստոնեայ մէլիքի այս եղանակով դիմելը պարսից կրօնաւորին, բաւական հաճոյական երևեցաւ նրան, և ընդհատելով իր խօսակցութիւնը դէրվիշի հետ, հարցրեց.

—Ի՞նչ էք հրամայում:

—Քանի զիշեր է, պատասխանեց մէլիքը, ինձ անհանգստացնում է մի երազ, հէնց որ պառկում եմ, միշտ մի և նոյն երազն եմ տեսնում: Այդ երազի մեկնութիւնը ոչ ոք կարող է տալ ինձ, բացի ուղղափառների սուրբից, որի մօտ պահլած են բոլոր գիտութիւնները, բոլոր երևելի և աներևոյթ էակների գաղտնիքները: Եթէ ձեր սրբութիւնը կը բարեհաճի, ես կը պատմեմ իմ երազը:

Խմամբ թող տուեց նրան պատմել, համես-

տութեամբ յայտնելով, թէ ինքը գիտութեան
 անսահման ուղիքանոսից մի քանի կաթիլի մի-
 այն արժանացած է, բայց Աստուծոյ և մարդա-
 րէի օգնութեամբ կաշխատէ նրան բաւականացու-
 ցիչ բաղատրութիւններ տալ:

Մէլիքը շարունակեց.

— Ինձ երևում էր, թէ գտանվում եմ մի դրախ-
 տի*) մէջ, որ դարդարած էր մշտականաչ ծառե-
 րով: Որքան նայում էի, վերջ և սահման չունէր
 այդ դրախտը: Որպէս ծառերը, որպէս ծաղիկ-
 ները, այնպէս էլ մարդիկը այնտեղ վայելում
 էին յաւիտենական մանկութիւն: Մերութիւնը,
 մահը և այն բոլոր չարիքները, որ ապականում
 են մարդու կեանքը, այնտեղ գոյութիւն չունէին:
 Այնտեղ թագաւորում էր անթառամ, անվերջ
 կեանք միայն: Տղամարդիկը հատած էին տե-
 րեախիտ արմաւենիների հովանու տակ, գոհար-
 ներով դարդարած օթոցների վրա, և թիկն էին
 տուած մախմուռէ բարձերին: Ամեն մի տղամար-
 դի շուրջը պատել էին եօթանասունից աւելի
 դեռահաս աղջիկներ հրաշալի գեղեցկութեամբ:
 Նրանք հագուտտի փոխարէն պատած էին սպի-
 տակ ամպի նման թեթև և թափանցիկ մի նիւ-

*) Դ ր ա խ տ և պ ա ր տ է զ մի և նոյն նը-
 շանակութիւնն ունեն թէ մեր և թէ պարսից
 լեզուի մէջ:

թով: Այդ նազելի արարածները ուրիշ հոգ չու-
 նէին, բացի զգվելուց և փայփայելուց այն աղա-
 մարդին, որին պատկանում էին: Նրանցից ո-
 մանք, կլած նրա կուրծքին, սանրում էին նրա
 երկայն ծամերը և մազերը շարում էին մարդա-
 ըխտներով, ոմանք աչքերին սուրմայ էին քա-
 շում, կամ յօնքերը նախշում էին սևադեղով, մի
 խումբ երգում էր, միւսը ածում էր ոսկեայ քնար-
 ների վրա: Մտուերի ստտերից թուշուները ձայ-
 նակցում էին հրաշալի երաժշտութեանը: Այդ
 թուշուները այնքան գեղեցիկ էին, որոնց նմանը
 ես երբէք տեսած չէի. նրանց փետուրների վրա
 չողջողում էին ծիածանի բոլոր վառ գոյները:
 Նրանք լեզու ունէին, խօսում էին և հասկա-
 նում էին մարդու մտքերը: Այնտեղ բոլոր արա-
 րածները խօսում էին: Տեսնում ես, սիրուն այ-
 ծեամբ, ոսկեայ եղջիւրներով, մօտենում է քեզ
 և շարճալի կերպով գլուխ տալով, ասում է՝
 «սալամ ալէյքում» (խաղաղութիւն քեզ): Լեզու
 ունէին մինչև անգամ ծառերը և խօսում էին ա-
 ւելի քաղցր, աւելի ձարտար, քան թէ հրեշտակ-
 ները: Հարկաւոր չէր ձեռքը մեկնել և քաղել
 նրանց պտուղները, բաւական էր ցանկանալ մի-
 այն, և ահա բարձր արմաւենին խոնարհեցնում է
 իր ճիւղերը և դու քաղում ես, ինչ պտուղ որ
 կամենում ես. ուզում ես նարինջ—նա կը տայ
 քեզ, ուզում ես թուզ—նա կը տայ քեզ, ուզում

ես անանաս—նա կը տայ քեզ: Մարդիկը կերակրվում էին զլիսաւորապէս համեղ և անուշահոտ պտուղներով, որոնց տեսակներին թիւ և չափ չը կար: Նրանք խմում էին կաթ և մեղր, որ բոլորում էին յտանկ աղբւրներէից, և միլիոնաւոր վտակներով վազում էին ծաղիկների միջից, ընդունելով նրանց անուշահոտութիւնը: Բուրբը, ինչ որ ուտում էր, ինչ որ խմում էր մաշոյ, լուծվում էր նրա մէջ, գալորչխանում էր, և վարդաջրի բարեբոյր կաթիլներէ նման, անդգալի կերպով շոգիանում էր նրա մարմնից: Այլ կերպ արտադրութիւն չը կար: Ապականութիւնը հեռու էր այնտեղից: Անարատ սրբութիւն, սնվերջ երանութիւն, անսահման զուարճութիւն,—այդ էր թագաւորում այնտեղ: Մարդկանց սիրտը լի էր բաւականութիւններով, և հոգին ուրախ զուարճութիւններով: Միշտ, անընդհատ կերպով վայելում էին նրանք իրանց շուրջը պատած անսպառ բարութիւնները, բայց ոչ յաղենում էին և ոչ ձանձրանում: Ամեն մի առարկայ նոր ուրախութիւն, նոր բերկրութիւն էր բաշխում նրանց: Միօրինակութիւն չը կար: Մի և նոյն առարկան ամեն մի բոպէ, ամեն մի վայրկեան առանձին կերպարանքով էր ներկայանում նրանց, և ամեն անգամ իր հետ բերում էր նոր հրապուրանք, նոր հրաշալիք: Գեղեցիկ, մշտադալար սղջիկները պահպանում էին իրանց

յաւերժակ^ն կուտութիւնը, որպէս նրանց շըրջապատող քնքոյշ վարդերը, որոնք ոչ թառամում էին և ոչ փոխում իրանց գոյնը: Դամանակը չէր հնացնում նրանց, այլ օր ըստ օրէ մանկացնում էր, բաշխելով նոր թարմութիւն, և նոր չքնադութիւն: Նրանք բուրբ ծառայում էին տըղամարդերին: Տղամարդերից ամեն մէկը կարող էր ունենալ նրանցից, որքան և կամենար: Գիշեր կամ խաւար չը կար այնտեղ: Մանիշակագոյն պարզ երկնքից արեգակը մշտապէս թափում էր իր լուսափայլ ճառագայթները: Ամբողջ տարին տիրում էր կանաչ գարուն, և անձրևի փոխարէն հոտաւէտ ցողը զովացնում էր ճոխ բուսականութիւնը: Մարդիկ այնտեղ հոգ կամ վաստակ չունէին. հրաշագործ բնութիւնը, ինքնայորդոր կերպով, ինքն էր արտադրում ամենը, ինչ որ պէտք էր մարդուն: Ամեն կողմից, հրեշտակների հոգու հետ, շնչում էր գոհութիւն, սէր և խղաղութիւն: Ամեն կողմից լսելի էր լինում օրհնութիւն և փառարանութիւն Արարչին, որ պատրաստել էր այդ բուրբը: Այնտեղ չարութիւն, նախանձ, ատելութիւն չը կար: Այնտեղ զայլը գառի հետ միասին էին ապրում: Եւ թնչ առիթ ունէին կուսելու. ամեն ինչ առատ էր, ամեն տեղ տիրում էր անսահման լիութիւն: Պէտք, կարիք կոչված բաները այնտեղ չը կային: Ինչ որ ցանկանում էր մարդ,— աչքի առջև

պատրաստ էր: Պէտք էր կամենալ միւրջն, իսկ կատարածը չէր յապաղում:

Մէլքը Ֆրանզիւլը իր պատանեկութեան հասակում, գերի ընկած լինելով Պարսկաստանում, երիտասարդութիւնը անցուցել էր Սպահան քաղաքի մէջ: Այնտեղ մահմետականութիւն ընդունելով, ծանօթացաւ պարսից գրականութեան և լեզուի հետ: Այդ հանգամանքները իմամին յայտնի չը լինելով, նա բոլորովին զարմացաւ, տեսնելով մի հայ, որ այնպէս գեղեցիկ լեզուով նկարագրում էր իր երազը: Նա չը կարողացաւ համբերել, ընդհատեց նրա պատմութիւնը, ասելով.

—Նրանութիւն եմ տալիս ձեզ, ով երջանիկ մարդ, որ դուք բախտ էք ունեցել տեսնել Մուհամմեդի գրախորը, որ նա պատրիստուէ է իսլամի արդարների համար: Ղա մի հրաշալի նշան է, որով մարդարէն կոչում է ձեզ իր գիրիը, մասնակից անելու այն բոլոր բարութիւններին, որ ուղղափառները միայն իրաւունք ունեն վայելելու:

—Ես բոլորը չը պատմեցի ձեզ, տէր, պատասխանեց մէլքը Թիսուր ձայնով, — լսեցէք, թէ նրանից յետոյ ինչ տեսայ:

Նա շարունակեց.

—Երբ ես հիացած, խորին հոգեզմայլութեան մէջ նայում էի այն անհուն վայելչութիւններին,

յանկարծ ոգիներից մէկը մօտեցաւ ինձ, ասաց. «Ով մարդ, այստեղ անմաքուրների տեղը չէ, հեռացէք շուտով, այստեղ ապրում են սուրբերը միայն»: Երբ ես փոքր ինչ յապաղեցայ կատարելու նրա հրամանը, նա բռնեց իմ մօրուքից, և հողաթափի հատի նման ձղեց օդի մէջ: Նրա բաղկի թափը այնքան սաստիկ էր, որ ես երկար մնում էի օդի մէջ, թողնելով իմ ներքև լայնատարած ծովեր, ահազին լեռներ և ընդարձակ դաշտեր: Վերջապէս ես ցած ընկայ մի անապատի մէջ, որ ծածկված էր վայրենի փշերով և ծակոտող տատակներով: Ոչինչ այնքան սիրտ ճընշող և տխուր չէր կարող լինել, որպէս այդ աւազբա անապատը: Ղէպի որ կողմը և նայում էի, կեանքի նշոյլ չը կար: Ամեն տեղ տիրում էր մեռելային ամայութիւն: Միայն սև ագռաւները երբեմն խուճերով անցնում էին վերևից և իրանց դառն կոնչիւնով աղմկում էին օդի մահահարաւէր լուութիւնը: Նրանց ձայնը, կարծես, անէծքի հառաչանքներ լինէր, որ թափվում էր երկնքից, որպէս բոթաբեր աղաղակ: Իմ սիրտը կտրատվում էր անհամբերութիւնից, շտապում էի անցնել, հեռանալ այդ անապատից: Բայց նա վերջ և սահման չուներ: Դուտով սկսեց ինձ պաշարել երկիւղը: Ղէպի որ կողմը գնամ, ինչ անեմ, մտածում էի ես: Ահսօրվայ ժամն էր: Արեղակը երկնքից կրակ էր թափում: Ղեախնը, որի

վրա կանաչ բուսականութեան ոչ մի հետք չը կար, տաքացած էր, ինչպէս շիկացրած երկաթ: Ամբողջ տարածութիւնը, կարծես, դարերով ջուր չէր տեսած, և պատակիւում էր ծարաւից: Այնտեղ տեսնուում էի ես կմախքի նման: նիհար մարդիկ, որ թափառում էին անապատի մէջ: Աարծեա, արիւն կոչված բանը չը կար այդ ողորմելի արարածների մէջ: Ախամերկ, պատառոտած հագուստով, բոբիկ ոտներով թափառում էին նրանք տատակների մէջ: Մարմնացած չքաւորութիւնը, իր բոլոր սոսկալի տառապանքներով, միայն կարող էր նրանց նման լինել: Մի յաւիտենական անէծքով դատապարտված, այդ խեղճ մարդիկը, բահի և արօրի փոխարէն, իրանց ճանկերով փորում էին կորդացած երկիրը, ցանում էին նրան և ջրում էին իրանց արտասուքով: Արկիւնքը անձրև չէր տալիս և ոչ երկիրը բղխեցնում էր աղբիւրներ: Հողը մերժում էր նրանց ցանքը և իր արգանդի մէջ խեղդում էր ծլած սերմերը: Իսկ այդ թշուառները դատապարտված էին գործելու, միշտ, անդադար գործելու, թէև առանց վատակի, առանց արդիւնքի: Աշխատութեան ծանրութեան մէջ նրանք կատարելապէս անասնացել էին. մարդկային շնորք չէր երևում նրանց մօտ: Նրանց արևակէզ զաւակները, մըջիմի նման սփռված էին անապատի մէջ, բոյսերի արմատներ էին հանում երկրից և նրանով էին

յաղեցնում իրանց քաղցը: Աչինչ չէր կարող այնքան ողորմելի, այնքան անբախտ լինել, որպէս այդ մերկ մանկտին, որոնց մոխրագոյն դէմքերի վրա ամեննին կեանքի նշոյլ չը կար: Աւելի թշուառ էր կնիկները գրութիւնը: Այդ ըստարեկները մի բոպէ հանդստութիւն չունէին: Աշխատութեան մէջ նրանք այն աստիճան կոշտացել, կոպտացել և վայրենացած էին, որ կորցրել էին բոլորը, ինչ որ կանացի է, ինչ որ քնքոյշ ու գեղեցիկ է: Մանկահասակը չէր որոշվում պառաւանքից, բոլորը մաշվել, թառամել էին վաղահաս ծերութեան մէջ: Հագուստ չունէին նրանք, իրանց մերկութիւնը ծածկել էին գաղանների մորթիներով: Աարծեա, մի աներևոյթ ձեռք անգլթարար ճնշում էր, հալածում էր, տրորում էր այդ խղճալի հասարակութիւնը: Բայց որքան մեծ եղաւ իմ սարսափը, երբ նոյն թշուառ կրնիկները թւում գտայ իմ կնոջը և նոյն անբախտ մանուկների մէջ տեսայ իմ զաւակներին: «Այստեղ ինչ էք չինում» հարցրի ես:— «Մեզ այստեղ բերեցին»... պատասխանեցին նրանք արտասուքը աչքերում և ընկան իմ գիրկը: Այս չը կարողացայ երկար հարց ու փորձ անել նրանցից, որովհետև իսկոյն յայտնվեցաւ մի մարդ գաղանային դէմքով և մտրակի հարուածներով քեց նրանց դէպի անապատը, ասելով. «գործեցէք, անպիտաններ»... Այս պատրաստվում էի յարձակվել

նրա վրա, բռնել, կտոր-կտոր անել, որ իմ աչքի առջև այնպէս բարբարոսաբար քանջուամ էր իմ դաւակներին,—բայց յանկարծ զգացի իմ մէջքի վրա մտրակի մի սաստիկ զարկ և լսեցի նրա ըստառնալի հրամանը. «դէ, դուք էլ»... և նա ձեռքով ցոյց տուեց անապատը: Եւ զարթեցայ, բայց ինձ թւում է, որ հէնց այս բողբոջի զգում եմ մէջքիս վրա նոյն մտրակի դառն ցաւը և զարձեալ լսում եմ նրա սպառնական խօսքերը...

Մէլիքը վերջացրեց. մի քանի վայրկեան վրանի մէջ փրեց խորին լուսթիւն, որը ընդհատվեցաւ իմամի վարդապետական բացատրութիւնով.

—Այդ անապատը ներկայացնում է այն կայարանը, ուր պիտի տարվին «գաւուրները» գաւակները մահից յետոյ: Այդ դձու «Վհաննամի» (գեհենի) նախադաւթն է, եթէ դուք մի փոքր առաջ գնայիք, պիտի տեսնէիք «մաղէ կամուրջը» և նրա տակից հոսող հրեղէն գետը, որ թափվում է դոճիքի մէջ և այնտեղ ձևացնում է մի լայնատարած ծով: Զրեղէն ալիքների մէջ դուք կը գտնէիք «գաւուրները» ամբողջ հասարակութիւնը և գուցէ կը ձանաչէիք ձեր սողափայտներից շատերին, որոնք մարգարէի սուրբ հաւատը թողնելով, հետեցին մուսուլթիւնների, և ժառանգեցին Աստուծոյ բարկութեան հետ նրա յաւիտենական տանջանքը: Բայց Աստուած չէ կամենում, որ դուք մուրբեալների ձանապարհով

գնաք, և այդ երազը մի նշան է, որով Նա հրաւիրում է ձեզ դէպի ուղիղ ձանապարհը, որ տանում է զեպի արդարների յաւիտենական երանութիւնը, որին արժանացաք աչքով տեսնել ձեր երազի սկզբում:

—Եւ մի մեղաւոր մարդ եմ... պատասխանեց մէլիքը ցաւալի ձայնով.— ևս զգում եմ իմ բոլոր մեղքերը...

—Մեր օրէնքով, ասաց իմամը լուրջ կերպով, —եթէ «գաւուրները» մէկը կընդունէ մուսուլմանների կրօնը, ոչ թէ նրանից, այլ և նրա գաւակներից մինչև եօթն սերունդ մեղք չի պահանջվի: Նրանք կը վայելեն ամենապատուական տեղը Մուհամմէդի դրախտի մէջ:

Մէլիքի դէմքի վրա վաղեց ուրախութեան նրման մի բան, և մօտենալով իմամին, ձեռքը մեկնեց, բռնեց նրա ձեռնի նման սպիտակ հագուստի փեշից, և համբուրելով ասաց.

—Ձեզանից է կախուած իմ փրկութիւնը, աէր, մի թողէք ողորմելոյս կորչիլ:

—Ձեր փրկութիւնը խիստ դիւրին է, պատասխանեց իմամը նոյնպէս ուրախանալով, — առայժմ բաւական է միայն, որ դուք կարդաք «վրկայութեան հանգանակը» *) և ընդունէք իսլամը, իսկ վաղը մենք կը կատարենք թլիսատութեան խորհուրդը:

*) Վալմէյի շահագաթ:

— Ես պատրաստ եմ:

Իմամը սկսեց նրան բառ առ բառ թեկադրել «վկայութեան հանգանակի» արարական խօսքերը և մէլիքը դպրոցական աշակերտի նման կըրկնում էր: Երբ վերջացաւ, իմամը գրկեց նրան, և համբուրելով ասաց.

— Այժմ դուք իմ աչքի լոյսը և իմ եղբայրն էք և կարող էք նստել իմ մօտ, իմ օթոցի վրա:

Պիղծ «գաւուրը» մի քանի: արարական բառեր արտասանելով, դարձաւ մաքուր, անարատ մուսլիման: Այժմ իմամը ոչ միայն տալիս էր նրան իր չիբուխից ծխել, այլ պահեց իր մօտ, միասին ընթրիք վայելեցին, և գիշերը մնաց իմամի վրանում, պառկելով նրա հանդերձասնից բերված մաքուր անկողնի մէջ, որին ոչ մի «գաւուրի» ձեռք չէր դիպել: Այդ բոլոր գործողութիւնները ժամանակ դէրվիչը լուռ էր և մի առանձին արհամարհանքով նայում էր հայ մէլիքի վրա, դժուարանալով հաւատալ նրա անկեղծութեանը: Մէլիքին ձանաչում էր նա. տեսել էր նրան Պարսկաստանի մի հեռաւոր քաղաքում... և գիտէր նրա բոլոր գաղանիքները...

Ժ. Գ.

Առաւօտեան չալարեանների ամբողջ ցեղի մէջ լուր տարածվեցաւ, թէ մէլիք Ֆրանգլիւը ընդունել է մահմեդականութիւն. բոլորը հետաքրքրվում էին, բոլորը ուրախանում էին, որ հայերից

մի այդպիսի նշանաւոր մարդ մտաւ իսլամի գիրկը, և հաւատացած էին, որ շատերը կը հետեւն նրա օրինակին: Այդ միջոցին Սիւրին դեռ նոր էլ զարթել, և փաթաթված մետաքսեայ նուրբ սփածանելիքի մէջ, նստած էր իր վրանում, գորգի վրա: Նա պատահած անցքից տեղեկութիւն չունէր: Աղախինը բերել նրա մօտ վաքրիկ երեխային, որի հետ խաղում էր զթոռ մայրը: Ֆաթիման—այդպէս էր երեխայի անունը— այս առաւօտ սովորել էր մի նոր հանաք իր աղախնից. երբ աղլուխը շարժում էին նրա առջև, նա բաւական ծաղրական երես չինելով, արտասանում էր. «առ... առ...»... Այդ բաւական զուարճացնում էր դժբախտ մօրը:

Այդ միջոցին տխուր, բաղմահող գէմքով մտաւ Սիւրին վրանը ներքինապետ Ահմէդը: Նրա սովորութիւնները այն աստիճան ծանօթ էին տիկնոջը, որ տեսնելով նրան վատ արամադրութեան մէջ, իսկոյն հարցրեց:

— Ի՞նչ է պատահել:

— Շատ վատ բան, պատասխանեց ծերունին և սկսեց պատմել բոլորը ինչ որ լսել էր մէլիքի մասին:

Ժողովրդի ֆանտազիան արդէն տուել էր անցքին բոլորովին գերբնական կերպարանք: Պատմում էին, թէ մէլիքը հրեշտակների թեքերի վրա տարվել էր մինչև հինգերորդ երկինքը. այն-

տեղ խօսակցութիւն էր ունեցել Մուհամմէդի և Ալիի հետ. յետոյ ցոյց էին տուել նրան զրախտը ու դժոխքը, ասել էին՝ զրանցից որը կամենում էս ընտրիր: Մէլիքը ընտրել էր զրախտը: Յաճ գալով երկնքից, նա անմիջապէս գնացել էր իմամի մօտ: Խմամը նրա երեսի վրա լայսի ճաճանչներ էր տեսել, և նրա առջևը ընկնելով երկրպագութիւն էր տուել: Յետոյ նրան նստացրել էր իր տեղը, և ինքը նստել էր նրանից ցած, ասելով, թէ «ինձ պէտք է քեզ սպասաւորութիւն անել, դու աւելի սուրբ ես, քան թէ ես»: Յետոյ իմամը հրամայել էր, որ ընթրիք տան, բայց ընթրիքը ուշացրել էին: Այդ ժամանակ մէլիքը «սալավաթ» *) էր քաշել երեսին, և նոյն վայրկեանում երկնքից ցած էր իջել մի սեղան լի ամեն տեսակ անուշահամ կերակուրներով և այլն:

— Այդ բոլորը հին հեքեաթներ են, ծերունիներ քինապետի խօսքը կտրեց Ալիին, — դու այն ասան, մէլիքը այժմ ձրտեղ է:

— Նա գտանվում է իմամի մօտ, պատասխանեց ծերունին խռովեալ ձայնով: — այսօր պիտի կատարվի նրա թլիխատութեան խորհուրդը:

*) Սալավաթը մահմեդականների մօտ փոխարինում է այն արարողութեանը, որ քրիստոնէակաները կատարում են երեսը խաչակնքելով:

և խանը ինքը յանձն է առել քրի վայրի (կընքահայրի) պաշտօնը:

— Կը նշանակէ, մէլիքի մահմեդականութիւնը ընդունելը շատ մօտ է խանի սրտին:

— Տարակոյս չը կայ, այդ անհաւատները ոչինչ բանով այնքան չեն ուրախանում, որքան ուրախանում են, երբ տեսնում են, որ մի մարդ ընդունում է իրանց կրօնը:

Տիկինը ընկաւ դառն մտածութիւնների մէջ: Նրա քնքոյշ, կրօնական ջերմեւանդութեամբ լի սրտի վրա խիստ ծանր տպաւորութիւն դարձեց ներքինապետի պատմութիւնը: Նա աղլուխը տարաւ աչքերին և խուլ կերպով սկսեց հեկեկալ: Աղլուխը տեսնելով, փոքրիկ Ֆաթիման կրկնեց իր սովորական երգը. «ան... ան...» Այս անգամ փոքրիկ աղջկայ թոթովմունքը մի առանձին ուրախութիւն չը պատճառեց մօրը. նա հրամայեց աղախնին դուրս տանել երեսխային:

— Ի՞նչ ես կարծում, Ահմէդ, հարցրեց նա, երբ փոքր ինչ հանգստացաւ իր վրդովմունքից, — այդ ձր սատանան մոլորեցրեց մէլիքին, ի՞նչ նպատակ կարող էր ունենալ նա իր վարմունքի մէջ:

— Նպատակը շատ պարզ է, տիկին, պատասխանեց ծերունին հանդարտութեամբ. — մէլիքը դիմել էր խանին և խնդրել նրանից Գենուադի, ու Բարգիւշատի կառավարութիւնը: Խանը մեր-

ժեւ էլ: Այժմ պէտք էր մէլիքին մի լաւ միջ-
նորդ, որ խանի վրա ազդէ և իր նպատակը կա-
տարել տայ: Նա գտաւ իմամին: Բայց այդ մո-
լեռանդ կրօնաւորին դրաւելու համար, պէտք էր
նրան մի բանով կաշտուել. և ոչինչ կաշառք այն-
քան թանգազին չէր կարող լինել նրա համար,
որպէս մահմեդականութիւն ընդունելը:—Բայց ես
լսել էի մի ուրիշ բան ևս:

—Ի՞նչ բան, հարցրեց անհամբերութեամբ տի-
կինը:

—Ասում են՝ մէլիքը խոտացել է իմամին
կնութեան տալ իր աղջիկը:

—Նա նոյնն է անում, ինչ որ արեց իմ ու-
րացող հայրը... խօսեց տիկինը դառնութեամբ.
—Խխար նրա աղջիկը շատ փոքր է, դեռ ութն
տարեկան է:

—Քիչ է պատահում, որ դրանից աւելի փոքր
հասակով աղջիկներ առնվում են մահմեդական-
ների հարեմխանաներում: Զեղ յայտնի է, տի-
կին, որ այդ անհաւատները մի առանձին բարեպաշ-
տութիւն են համարում իրանց տունը լցնել բազ-
մաթիւ կնիկներով: Զարմանալին այն չէ, որ
աղջիկը փոքր է, դարմանալին այն է, որ
նրա հայրը տալիս է մի փոռած, մաշված ծերու-
կի, որ իր բոլոր յոյսը դրել է մի խաբեբայ դէր-
վիչի «մաջունների» վրա, որ նրանով վերադարձ-
նէ իր մանկութիւնը:

Տիկինը դարձեալ ընկաւ մտածութիւնների
մէջ: Հանգամանքները շատ վատ փոփոխութիւն
ստացան: Աթէ գործը կախված լինէր խանից
միայն, դուրսէ նա կարող կը լինէր ամեն կերպ
դարձնել: Բայց այժմ գործի մէջ խառնվեցաւ մի
հզօր անձն—իմամը, որին ամբողջ ցեղը պաշ-
տում էր, որից ինքը խանը դողում էր: Ի՞նչ
կարելի էր անել նրա հետ: Նա ինչ որ ինչ դրե-
լու լինէր խանից, վերջինս չէր կարող չը կա-
տարել. հակառակ դէպքում, մի խօսքով ամբողջ
ցեղը կապտամբացնէր նրա դէմ: Մահմեդա-
կանները աւելի կաշկանդված էին կրօնի և նա-
խապաշարմունքների կապանքներով, քան մար-
մնաւոր բռնապետի շղթաներով: Այս պատճա-
ռով կրօնի ներկայացուցչի խօսքը համեմատաբար
աւելի մեծ ազդեցութիւն ունէր նրանց վրա: Գրա
համար խանը ստիպված էր միշտ բարեկամու-
թիւն պահպանել իմամի հետ և կատարել նրա
ամենափոքր քմահաճութիւններն անգամ:

—Դու հաստատ դիտես, հարցրեց տիկինը, որ
խանը խոտացել է Գեոուազի և Բարզիչատի
կառավարութիւնը մէլիքին յանձնել:

—Գիտեմ, պատասխանեց ներքինապետը, —չառ
էլ ցանկանար չէր կարող չը յանձնել, քանի որ մէջ
տեղում կայ իմամի նման մի միջնորդ: Ասում
են, այսօր մէլիքի թլփատութեան խորհուրդը

կատարվելուց յետոյ, խանը կը հազցնէ նրան իր նոր պաշտօնի խալաթը:

Յուսահատութեան թախիծը տիրեց տիկնոջ սրտին: Նա ոտնակոխ արեց իր հօր փառասիրութիւնը Գենուազի և Բարգիւշատի իշխանութիւնը ձեռք բերելու մէջ, գլխաւորապէս այն մտքով, որ այդ երկու դաւառները մնալին իր սիրելի Ստեփաննոսին, որ նրանց օրինաւոր տէրն էր: Նա ցանկանում էր տեսնել այդ պատանի իշխանաղնին կրկին տիրացած Շահումեանների թողած ժառանգութեանը, որ նոյն իսկ հայերի դաւաճանութեամբ յափշտակվեցաւ բռնակալի ձեռքով: Նա ցանկանում էր, որ բարի, ազնուամիտ Ստեփաննոսի հովանաւորութեան տակ պատսպարվէին հազարաւոր թշուառներ, որ մաշվում, այրվում, խորովվում էին տիրող անգթութիւնից: Բայց այդ բոլոր ցանկութիւնները ոչնչացան: Այժմ աւելի, քան թէ առաջ, դժուար էր իրագործել նրանց: Տիկնոջ կարծիքով, աւելի հեշտ էր մահմեդական բռնակալի ձեռքից կորզել այդ երկիրները, քան թէ մի ուրացող հայից, որ մահմեդականի ձեռքում գործիք դառնալով, պիտի աշխատէր ամեն տեսակ ցած, անազնիւ և նենգաւոր հնարներ գործ դնել մահմեդականի իշխանութիւնը հայ երկրների վրա պահպանելու համար: Այդ հանգամանքները ի նկատի առնելով, տիկնոջ մէլիք Ֆրանգիւլի ու-

րացութիւնը աւելի վտանգաւոր էր համարում, քան թէ իր հօրն, մահաւանդ որ նա խոստացել էր իր աղջիկը իմամին կնութեան տալ:

— Այդ առաջին անգամը չէ, տիկնոյ, որ նա ընդունում է մահմեդականութիւնը, ասաց ներքինապետը ընդհատելով Սիւրբի լուռ մտածութիւնները: — մէլիք Ֆրանգիւլը իր մանկութեան հասակում գերի ընկաւ և տարվեցաւ Պարսկաստանի Սպահան քաղաքը: Այնտեղ Սպահանի արքայազուններից մէկը որդեգրեց նրան, և մի իմաստուն մօլլայի յանձնելով, կրթեց արաբական և պարսկական լեզուների դպրութեան մէջ: Յետոյ իր աղջիկը նրան կնութեան տալով, նշանակեց նրան Սպահանի հայոց թաղի (Նոր Ջուղայի) բէգէր—բէյի: Այնուհետև նա Սպահանի նահանգում հայոց Քաղազ և Քամարա դաւառների կառավարիչը դարձաւ: Այդ բոլոր պաշտօնների մէջ տանջելով, կողոպտելով ժողովրդին, մեծ հարստութիւն գիլեց: Սպահանի հայերը այն ժամանակ առևտրական ընդարձակ յարաբերութիւններ ունենալով Հնդկաստանի հետ, իրանց կաշառքներով առատ վարձատրում էին նրան: Բայց չարագործը հանգիստ չը մնաց: Նա դաւաճանեց մինչև անգամ այն պետութեանը, որի շնորհիւ այնքան բարձր աստիճանի էր հասել: Գաղտնի կերպով միանալով Լօսի և Բախտիարի կոչված վայրենի յեղբրի գլխաւոր-

ների հետ, նա պատրաստեց մի պարսափեկի ապրտամբուլթիւն պարսից կոռավարութեան դէմ: Նրա նպատակն էր յիշեալ վայրենիների աջակցութեամբ Սպահանի նահանգի հայաբնակ գաւառները անկախ դարձնել պարսից պետութիւնից, որ ինքը կարողանայ ժառանգաբար իշխել: Բայց ապտամբուլթիւնը զսպկեցաւ և նա փախաւ, գնաց Հնդկաստան: Նրկար ժամանակ անյայտութեան մէջ մնալով, վերջապէս վերադարձաւ իր հայրենիքը և կրկին ընդունեց քրիստոնէութիւնը: Այստեղ, ի հարկէ, ոչ ոք չէր կարող գիտենալ, թէ ինչ էր կատարել նա հեռաւոր արևելքում, և ընդունեցին նրան որպէս մի մարդ, որին բազմը յաջողացրել էր վերադառնալ գերութիւնից: Նւ նա ինքը իր անցեալի մասին պահում էր խորին ծածկամտութիւն:

— Իսկ դու ճրտեղից գիտես այդ բոլորը, հարցրեց տիկինը զարմանալով հետաքրքիր պատմութեան վրա:

— Ինձ հաղորդեց մի դէրվիշ, որ բնակվում է իմամի մօտ, նա ինքը սպահանցի է, և ականատես է եղել բոլոր անցքերին: Նա շատ լաւ մարդ է, և ինչպէս երևում է, մէլիքի այժմեան վարմունքը նրան ևս տհաճութիւն է պատճառել:

— Նս նրա մասին լսել եմ, ասում են՝ լաւ բժիշկ է:

— Նա ամեն բան գիտէ, ինչ ասես, որ նա չը գիտենայ:

— Բայց մի փոքր խաբեբայ է:

— Նս էլ առաջ այդ կարծիքն ունէի նրա մասին, տիկին, մանաւանդ երբ տեսնում էի, որ անդադար գոհարներ է պահանջում իմամից նրա համար «մաջուկ» շինելու, և մտածում էի, որ այդ թանդաղին իրեղէնները առաւելապէս իր գրպանի համար է: Բայց նա պարզ խոստովանվեցաւ ինձ, թէ «բժշկութիւնը պարսիկների մէջ պէտք է ծածկված լինի դերբնական քօղով, և այդ աւելի ներդրածում է նրանց երևակայութեան վրա: Հասարակ բանին նրանք նշանակութիւն չեն տալիս: Եթէ ես ասէի իմամին, թէ քո դարմանները պիտի պատրաստեմ այս և այն խոտից կամ արմատից, նա ոչնչի տեղ կընդունէր, բայց ալմաստը, մարգարիտը, եագուլթը և այլն, կարող են ազդել իմամի մնահաւատութեան վրա:— Առհասարակ, աւելացրեց ներքինապետը, — ես այդ մարդու մէջ գտնում եմ մի խորհրդաւոր գաղտնիք, որը նա ամենայն զգուշութեամբ թաղցնում է:

— Գէրվիշները միշտ այդպէս են լինում, պատասխանեց տիկինը անուշաղլի կերպով և կըրկին ընկաւ մտածութիւնների մէջ:

— Իսկ ես դերվիշի պատմութիւնից կամենում

եմ մի օգուտ քաղել, դուք ինչ խորհուրդ կը տաք, տիկին:

— Ի՞նչ օգուտ կարելի է քաղել:

— Ես կամենում եմ գնալ խանի և իմամի մօտ, յայտնել նրանց մէլիքի անցեալը, — յայտնել, թէ ինչ էր արել նա Սպահանի կողմերում, յայտնել նրա դաւաճանութիւնները պարսից կառավարութեան դէմ, յայտնել, որ նա մի վատ խաբերայ է, թէ նա այդ երկրորդ անգամն է, որ ընդունում է մահմեդականութիւն, դարձեալ խաբելու մտքով: Երբ խանը և իմամը կը դիտենան այդ բոլորը, նրան ոչ թէ Գենուազի ու Բարգիւշատի գաւառները կը յանձնեն, այլ գուցէ խեղդել կը տան:

— Բոլորովին հարկաւոր չէ այդ անել, պատասխանեց տիկինը հրամայական եղանակով. — դու կամենում ես մատնութիւններին մատնութիւնով պատասխանել: Ես մէլիքի Սպահանի վարմունքի մէջ մի վատ բան չեմ տեսնում: Մանուկ հասակում, գերի ընկնելով պարսիկների ձեռքը, նրան ընդունել են տուել մահմեդականութիւնը, նա ինչով է մեղաւոր: Իսկ թէ նա, միանալով լօսիների և բախտիարիների հետ, կամեցել է այնտեղ հայկական ազատ գաւառներ ստեղծել, և այդ մտքով ապստամբութիւն է յարուցել պարսիկների դէմ, — այդ նպատակը ամեն համակրութեան արժանի է: Ո՞վ է իմանում,

գուցէ նրա այժմեան վարմունքի մէջ ևս մի այսպիսի նպատակ թաղնված լինի: Ես, իրան ասեմ քեզ, Ահմէդ, սկզբում սաստիկ վրդովվեցայ, երբ շեցի մէլիքի մահմեդականութիւնը ընդունելը. բայց դէրվիշի պատմութիւնը այժմ փոքր ինչ հանգստացնում է ինձ: Ես չեմ կարծում, որ այստեսակ մարդիկ, որոնք երբեմն մտածել և գործել են հայ ժողովրդի աղատութեան համար, կարող են չար մարդիկ լինել: Նրանք չար են երևում նրա համար միայն, որ նպատակին հասնելու մտքով գործ դրված միջոցների մէջ ընտրութիւն չեն անում: Ամեն միջոց նրանց համար սուրբ է, երբ հասցնում է նպատակին:

— Այսուամենայնիւ, պատասխանեց ծերունին, — եթէ մէլիքի դիտաւորութիւնները բոլորովին արդար ևս համարելու լինենք (որի մէջ ես կասկածում եմ) դարձեալ Ստեփաննոսը կը զրկվի Գենուազից: Մէլիքը ինքը տէր կը դառնայ, իսկ նա ոչինչ չի ստանայ, բոլորը կը կորցնէ:

— Այժմ դժուար է նախագուշակել, թէ վերջը ինչ կը լինի...

— Ես այդ դէպքում կարող եմ ինձ կատարեալ մարդարէ համարել, պատասխանեց պարզ ծերունին բարկացած ձայնով. — դուք, տիկին, չափազանց բարեմտութեամբ էք դատում, ուր հարկաւոր էր փոքր ինչ կասկածանքով վերաբերվել դէպի կատարվող իրողութիւնը: Ես մասամբ հա-

մաձայն կը լինէի ձեզ հետ, եթէ մէլիքը իր փառասիրութիւնը դոհացնելու համար իր ութն տարեկան աղջիկը խոստացած չը լինէր փտած իմամին կնութեան տալ: Մի մարդ, որ ծախում է իր աղջիկը, նա կը ծախէ և իր հայրենիքը և իր ազգը: Ուրիշ օրինակներ որոնել պէտք չէ, բաւական է, որ դուք յիշէք ձեր հօր վարմունքը:

Տիկնոջ և ներքինապետի խօսակցութիւնը ընդհատեց մի խառնաձայն աղմուկ, որ լսելի եղաւ հեռուից: Հարեմխանայի բոլոր կնիկները, աղախինները դուրս թափվեցան իրանց չաղրներից, մօտեցան սարայ-փէրդային, և գլուխները բարձրացնելով, սկսեցին նայել:

— Այդ ինչ աղմուկ է, հարցրեց, տիկինը անհանգիստ կերպով:

— Նրևի, անցնում է թափօրը, պատասխանեց ծերունին ներքին խռովութեամբ. — դուք չէք կամենայ նայել նրա վրա:

— Ես այդ զղուելի հանգէսը տեսնել չեմ ուզում... ասաց տիկինը և երեսը շուռ տուեց:

Ծերունին, նկատելով նրա արտասուքը, հեռացաւ, և թողեց նրան միայնակ հաշտվել իր սրտի ցաւերի հետ:

Հեռուից տեսնվում էր անազին բազմութիւն, որ իմամի չաղրների կողմից դիմում էր դէպի խանի չաղրները: Ամբոխը ոտքով էր դնում, մի-

այն մի մարդ փառաւոր կերպով նստած էր գեղեցիկ զարդարած նոսրի վրա, և բազմութեան առաջը ընկած, ամեն կողմից երևում էր: Նա հաղած ունէր թանգազին, ծիրանեղոյն վերարկու, նախած ոսկէ թելերով, որ փողփողում էր արեղակի ճառագայթների տակ: Գա նոր մահմեդականութիւն ընդունած մէլիք Ֆրանգիւլն էր, որ այժմ կոչվում էր Ալի բէկ: Նա աջ ձեռքով բռնած ունէր մի մերկացրած սուր, որ դրել էր ուսի վրա: Նոր կրօնի հետ նա ժառանգել էր նոր իրաւունք՝ սուր կրելու, որի գործածութիւնը Մուհամմէդը միացրել է իր աւանդած սրբազան պաշտամունքների հետ: Նրա առջևից դնում էին մի խումբ չաւուհներ, որ երգում էին կրօնական երգեր: Նրանցից մէկը տանում էր մի կանաչ դրօշակ, որի վրա նկարված էր չիաների խալիֆայի աջը: Թափօրը դանդաղ էր ընթանում: Ամեն քայլում ամբոխը կանգնեցնում էր նոր ուղղափառին, ոմանք համբուրում էին նրա ձեռքը, ոմանք նրա հագուստի փէշէրը: Անիկները իրանց հիւանդ երեխաներին դնում էին այն ճանապարհի վրա, որ կողմից պիտի անցնէր նա: Շատերը անց էին կենում նրա ձիու փորի տակով:

Այդ բոլորը կատարվում էր հոգեոր շնորքների ընդունելու ախնկալութեամբ: Ամբողջ բազմութեան մէջ տիրում էր մի տեսակ խորին, ջերմեւանդական զգացմունք, որ հասցնում էր սնա-

հաւատութիւնը կրօնական վայրենի յափշտակութեան: Չանապարհի վրա մի քանի տեղ մաշակներ կտրեցին, մի քանի տեղ կանգնեցին մաղթանքներ կատարելու համար: Անիկները ծածկում էին ճանապարհը կանաչ ոտներով: Թափօրը անցնում էր այդ կանաչապատ սփռոցի վրայով:

Խանի վրանը այսօր սովորականից աւելի զարդարած էր. նրա դանձարանից դուրս էին բերել ամենաընտիր արծաթեղէն անօթները: Այստեղ պիտի խմէին ռուբախութեան չէրքէթը: Գեղեցկադէմ մանկլաւիկները և սպասաւորների մի ահագին խումբ, շքեղ կերպով հագնված, սպասում էին պատուելի հիւրերին: Արանում նստած էին խանը և իմամը միայն: Երբ թափօրը մտնեցաւ, նրանք երկուսն էլ դուրս եկան, կանգնեցին վրանի մուտքի մօտ ընդունելու նորընծայ մահմեդականին: Խանը իր ձեռքով բռնեց և ցած իջեցրեց նրան ձիուց: Խուռն բազմութիւնը շրջապատեց վրանի չորս կողմը: Իմամը կարգաց մի կարճ աղօթք, յետոյ մտան վրանը: Այնտեղ ընդունվեցան ցեղի նշանաւոր անձինքներից շատերը ուրախակից լինելու այն մեծ հանդիսին:

Այնօր չալարիանլիների ամբողջ ցեղը անցրեց ուրախութիւնով: Բայց մի մարդ, որ նրանց մէջ չէր գտնուում, դա էր Տաթևի մէլիք Գաւիթը: Նա առաւօտեան հէնց որ լսեց մէլիք Ֆրանգիւլի վարժունքը, իսկոյն հասկացաւ, թէ ինչ խաղ

խաղաց այդ մարդը իր գլխին, և սիրտը լի դառնութեամբ, սուսնց ոչ ոքի հետ տեսնվելու, նստեց իր ձին և զնաց դէպի Տաթև, համողված լինելով, որ այնուհետև Գենուազի ու Բարդիւշատի վրա մտածելը յիմարութիւն կը լինէր իր կողմից...

ԺԳ.

Նոյն աւուր գիշերային պահուն ծերունի ներքինապետը դարձեալ վրդովված կերպով մտաւ Սիւրբի վրանը: Նա պատմեց, որ խանից սաստիկ յանդիմանութիւն ստացաւ, թէ ինչու նա պահում է իր մօտ մի քրիստոնեայ պատանի, նրան տեղ է տուել իր վրանում, նրա հետ միասին ուտում է, խմում է, քանի որ այդ հակառակ է մահմեդականների սովորութիւններին, և մանաւանդ անվայել է մի ներքինապետի, որ անդադար կանանոցի հետ յարաբերութիւն ունի:

— Ես չեմ հասկանում, այստեղ ինչ մի անվայել բան կայ, հարցրեց Սիւրբին, կտրելով ծերունու խօսքը:

— Անվայելն այն է, որ քրիստոնեան իմ վրանում ապրելով, կարող էր պղծել ինձ, իսկ ես նրանից պղծված լինելով, կարող էի միւս մահմեդականներին պղծել, պատասխանեց ծերունին, ինքն էլ ծիծաղելով իր խօսքերի վրա:

Խօսակցութիւնը այն տաթևացի պատանու մասին էր, որ խանի վրանի առջև կատարված

եղերական ողջակէզլի ժամանակ, դուրս պրծաւ բոցերի միջից, ուր նրա ծնողները, ձեռքները դէպի երկինք բարձրացրած, «զթութիւն» աղաղակելով, այրվում էին: Ծերունի ներքինապետը վեր առեց իր մօտ չնչասպառ, կիսախանձ պատանուն և այն օրից դարմանում էր նրա մարմնի այրված տեղերը: Արտաքին վէրքերի բժշկութեան արհեստը խիստ սովորական լինելով պարսիկների մօտ, ներքինապետը բաւական հմուտ էր նրա մէջ: Այս պատճառով պատանու առողջանալը շատ չուշացաւ: Բայց ծերունին հաւատացնում էր, որ նա դեռ շատ տկար է, և դեռ երկար ժամանակ պէտք է պառկած մնայ անկողնի մէջ, որովհետև նրանից պահանջում էին, որ պատանուն մահմեդականացնէ: Նա օրըստօրէ յետաձգում էր նրանց պահանջը, զանազան պատճառներ բերելով: Բայց մէլքք Զրանդիւլի մահմեդականութիւն ընդունելու օրը, երբ պարսիկների մուսուլմանութիւնը աւելի զրգոված էր, այլ ևս ծերունուն հանգստութիւն չէին տալիս, մինչև անգամ խանից սաստիկ յանդիմանութիւն ստացաւ:

— Պէտք է նրան այստեղից հեռացնել, ասաց տիկինը տխուր ձայնով:

— Նա էլ այսպէս ևս մտածում, պատասխանեց ծերունին,— և այդ մասին բոլոր պատրաստութիւնները տեսնված են: Բայց մի բան ինձ սաստիկ դժուարութիւն է պատճառում:

+

— Ի՞նչ բան:

Ծերունին պատմեց, թէ պատանին բաւական վայելչահասակ և գեղեցկադէմ է, թէ նրան տեսնողները անդադար կրկնում էին, որ այդ պատանին շատ յարմարութիւններ ունի խանի մահկալիկների կարգը մտնելու և խանին սպառառութիւն անելու, քան զիւրումը դուքան վարելու: Այդ տեղեկութիւնները մինչև անգամ հասցրել են խանի ականջին: Նա միանգամ հրամայեց, թէ կամենում է տեսնել պատանուն, բայց ծերունին նրան խարեց, ասելով, թէ նա հիւանդ է, տեղիցը չարժիւ է չէ կարողանում:

— Այժմ ես մտածում եմ, առաջ տարաւ ծերունին,— եթէ պատանուն փախցնելու լինեմ մեր կողմերը, կամ ուղարկելու լինեմ նրան Տաթև, անպատճառ կը գտնեն նրան և յետ կը բերեն, որովհետև այդ բոլոր տեղերը խանի ձեռքը կը հասնի: Հարկաւոր է նրան մի այնպիսի երկիր ուղարկել, որ խանի իշխանութիւնից դուրս լինի:

— Ուղարկեցէք էջմիածին, այնտեղ օսմանցիներ են տիրում, պատասխանեց տիկինը:

— Այնտեղ նոյնպէս յարմար չէ, մի գաղանի ձեռքից աղատելով, միւս գաղանների ձեռքը պիտի գցեմ: Պէտք է մի քրիստոնեայ տէրութեան մէջ ուղարկել և Վրաստանից աւելի յարմարը չը կայ:

— Այդ լաւ էք մտածել, բայց այնտեղ ո՛ւմ մօտ կուզարկէք: Նա այնքան մանուկ է, որ չէ կարելի առանց խնամակալի մի անծանօթ երկիր ուղարկել:

— Ես բոլոր պատրաստութիւնները կարգադրել եմ, տիկին, ծերունի Ահմէդը այնքան յիմար չէ, որ այդ բաները չը հասկանայ:

Եւ նա սկսեց պատմել իր կարգադրութիւնները, ասաց՝ երկու հաւատարիմ մարդիկ զիշերով կը տանեն պատանուս, կը հասցնեն Վրաստանի Սցիւէթ քաղաքը: Այնտեղ ծերունի Ահմէդը ունի մի լաւ բարեկամ՝ հայազգի Օրբելեան իշխանին: Պատանուս կը յանձնեն նրան իր նպասկի հետ, որի մէջ գրած է նրա հետ պատահած անցքերը, և խնդրում է առնել այդ անբախտ որբին իր խնամակալութեան ներքոյ: Ծերունին յոյս ունի, որ իշխանը ամենայն ուրախութեամբ կը կատարէ իր խնդիրքը, որովհետեւ անցեալ տարի, երբ նա գործով եկաւ իսանի մօտ, ծերունին նրան մեծ ծառայութիւններ արեց, և իշխանը ասաց նրան. «Երանի թէ, մի գործ պատահէր, ես կարողանայի քս պարտաւորութիւնից դուրս գալ»:

— Բայց ի՞նչ կը պատասխանես դու, երբ պատանու անչայտանալուց յետոյ, քեզանից կը հարցնեն՝ ո՛ւր է նա:

— Ես մի քանի օր գաղտնի կը պահեմ նրա փախուստը, մինչև նա կանցնէ Վրաստանի հողը

վրա, յետոյ պարզ կերպով կը յայտնեմ, թէ փախել է, բայց ես ինքս էլ չը գիտեմ, ուր է գնացել:

— Այդ բոլորը շատ լաւ է խորհված, ասաց տիկինը ուրախութեամբ, — բայց երբ մտադիր ես ճանապարհ դնել:

— Հէնց այս զիշեր. նա այժմ այնքան առողջ է, որ կարող է մի քանի օր ձիու վրա ճանապարհորդել:

— Ուրեմն ժամանակ կորցնել պէտք չէ, ասաց տիկինը շտապեցնելով, — բայց ես կը ցանկանայի այդ պատանուս տեսնել նախ քան նրա այստեղից հեռանալը:

Որովհետեւ կանանցը բերել նրան անկարելի էր, վճռեցին, կէս զիշերին, երբ բոլորը քնած կը լինեն, տիկինը գնաց ծերունու վրանը և այնտեղ տեսնէ պատանուս:

Գիշերը սաստիկ մութ էր: Ամպամած երկնքից մի աստղ անգամ չէր երևում: Անտառի ծառերը չարժվում էին մեղմ քամուց, տարածելով իրանց շուրջը մի խորհրդաւոր, կախարդական սօսափիւն: Հովիւների վրաններից հեռու, մի ձորի մէջ գիշերային լուսութիւնը ընդհատվում էր խուռ հեկեկանքով. մի պատանի, զլուխը դրած փոքրիկ բլրակի վրա, լաց էր լինում: Արտասուքը հեղեղի նման թափվելով նրա աչքերից, թրջում էր հողը, որից կազմված էր այդ բլրակը: Այստեղ թաղված էին ղիակները այն թշուառների, որ

բռնութեան, հարստահարութեան երեսից հալած-
ված, իրանց անձները այրեցին խանի դատարա-
նի առջև: Ինքնակամ մահով նրանք բողոքեցին
տիրող անարդարութեան, անգթութեան դէմ: Ի-
րանք մեռան, բայց անարդարութիւնը մնաց...

Պատանին լաց էր լինում, և կարծես, նրա ա-
լելործված կուրծքից դուրս էին թռչում այս հա-
ռաչանքները. «Թող վկայ լինի հայրենիքի այդ
սուրբ հողը, որ ծածկում է ձեր մարմինները,
թող վկայ լինեն այդ անտառի ծառերը, որ տա-
րածում են իրանց հովանին ձեր գերեզմանի վը-
րա, թող վկայ լինեն հայոց լեռները և նրանց
մէջ բնակվող բոլոր չար և բարի ոգիները, որոնք
սկսնաատես եղան ձեր տառնապանքին, վերջապէս
թող վկայ լինի այդ անգութ երկինքը, որ տե-
սաւ ձեզ կրակի բոցերի մէջ, որ հոտոտեց ձեր
այրվող մարմիններից բարձրացած ձենձերային
ծուխը և զարձեալ սառնասիրտ մնաց դէպի ան-
մեղ զոհերի տանջանքը...—ես երգվում եմ, երգ-
վում եմ հայ շինականի խրճթի օջախով, որ հան-
գած է բռնակալի ձեռքով, երգվում եմ հայ կը-
նոջ և հայ աղջկայ պատուով, որ բռնաբարված
է մահմեդականի կրքերով, երգվում եմ հայ երկ-
րագործի արօրով և քրտինքով, որոնց վաստակը
հարստահարվում է, երգվում եմ հայրենիքի սուրբ
յիշատակով, որ օտարի լծի տակ ճնշվում է,—
վերջապէս երգվում եմ այդ գերեզմանով, որ

ամբոփում է ձեր անմեղ մարմինները, ևս պիտի
վրէժխնդիր լինեմ... պիտի վրէժխնդիր լինեմ չա-
րութեան, անարդարութեան և բռնութեան դէմ: Այս
բօսպէից հանդիսաւոր ուխտ եմ դնում կըռ-
ւել և մինչև մահ կուռել հայրենիքի ազատու-
թեան համար: Այն օրը ձեր ոսկերքը կը հան-
գստանան այդ մթին գերեզմանի մէջ, երբ ազա-
տութեան շունչը խաղաղ, կենսաբեր ոգւով կը
փչէ նրա վրայով»...

Այդ խօսքերից և ոչ մէկը չարտասանեց պա-
տանին: Միայն նրա սիրտը անգիտակցաբար
լցված էր այդ զգացմունքներով: Հօր և մօր, աղ-
գականների և բարեկամների հոգիները նոյն
գերեզմանի խորքից ներշնչում էին նրա մէջ այդ
մտածութիւնները: Նա այնքան մահուկ չէր, որ
զգացած չը լինէր բռնակալ ձեռքի դառն հա-
րուածները: Նրա մարմնի վերքերը դեռ ոչ բո-
ւորովին բուժված էին, իսկ սիրտը լի էր վրէժ-
խնդրութեան դառնութեամբ:

Նա վերջին անգամ համբուրեց գերեզմանը և
վեր բարձրացաւ:

—Մնաս բարեաւ, սիրելի մայր,—մնաս բա-
րեաւ, սիրելի հայր,—մնացէք բարեաւ, սիրելի
բարեկամներ, ասաց նա և հեռացաւ:

Ներքինապետի վրանում Սիւրին վաղուց ըս-
պատում էր պատանուն: Մերոնի Ահմէդը շատ
անհանգիստ էր նրա բացակայութեան համար:

Այնքան օրեր պատանին ապրում էր նրա վրանում, խիստ սակաւ անգամ էր պատահել, որ նա մի ուրիշ տեղ գնացած լինէր: Այժմ ո՛ր պիտի գնացած լինէր: Ոչ ոք չը գիտէր: Ներքինապետի ծառաներից ոչ մէկը չէր տեսել նրան վրանից դուրս գալու ժամանակ:

Վրանի վարագոյրները իջկցրած էին: Տիկինը միայնակ նստած էր այնտեղ, իսկ ծերունի ներքինապետը կանգնած էր նրա սպասում: Երկուսի մէջ ևս տիրում էր մի տեսակ լարված լուռութիւն. երկուսն էլ անհանգիստ էին այն մտքով, թէ ի՞նչ եղաւ պատանին: Հեռու, անտառի մէջ թէ ձիաները, թէ մարդիկը պատրաստ էին, որ նրան պիտի տանէին: Գիշերը անցնում էր. պէտք էր շուտով ճանապարհ ընկնել, որ մինչև լուսանալը կարողանային բաւական հեռացած լինել խանի կացած տեղի սահմաններից:

— Ի՞նչ եղաւ, հարցրեց տիկինը անհամբերութեամբ.— ևս կասկածում եմ, որ նրա հետ մի վտանգ պատահած լինի:

— Այստեղ ամեն բան կարող է պատահել, տիկին, պատասխանեց ծերունին շուարած կերպով.— այստեղ ծիտն էլ իր բոյնի մէջ ապահով չէ:

Լսելի եղաւ շան հաչելու ձայնը: Ծերունին դուրս գնաց: Մի քանի վայրկեանից յետոյ նա վերադարձաւ ուրախ դէմքով, իր հետ բերելով

պատանուն: Բայց վերջինիս գունաթափ դէմքը չէր ցոյց տալիս որ և իցէ ուրախութիւն: Խորին տիրութիւնը նկարված էր նրա խոշոր, սևորակ աչքերի մէջ: Տիկինը տեսնելով գեղեցիկ, վայելչահասակ պատանուն, բուրբովին զմայլեցաւ. նրա քնքոյշ, սիրող սիրտը լցվեցաւ այն քաղցր զգացմունքով, որ տիրում է հարադատ քրոջ սրտին, երբ նա առաջին անգամ տեսնում է կարօտած եղբորը, երկար տարիների անջատումից յետոյ:— «Ո՛րքան սիրուն է, որքան մեծացել է իմ եղբայրը», ասում է նա և փաթաթվում է նրա պարանոցին:

Չզայմունքի այդ տեսակ արտայայտութիւններ տեղի չունեցան: Պատանին տիկնոջ ոչ եղբայրն էր և ոչ ազգականը, այլ մի որբ, հայրն ու մայրը կորցրած տղայ, որ ինքն էլ մի բախտով ազատված էր նոյն կրակի բոցերից, որ այրեցին նրա ծնողներին: Պատանու այդ վիճակը ազդում էր տիկնոջ մէջ ցաւակցութիւն, մաքուր սիրոյ հետ խառնված:

— Ի՞նչպէս է անունը, հարցրեց նա, դառնալով դէպի ներքինապետը:

— Դաւիթ ձեր ծառայ, պատասխանեց ծերունին:

— Դաւիթ, բացականչեց տիկինը խորին տաճութեամբ, կարծես ափսոսելով, որ մի այդպի-

սի գեղեցիկ, անարատ պատանին կրում էր իր չարագործ հօր անունը:

Բայց մանկահասակ Դաւիթը մնացել էր բուրորովին դարմացած, ամօթխածութիւնից չը գիտէր ինչ անել, երբ նկատում էր՝ մի նազելի, շքեղ կերպով հագնված կին նրա վրա ուշադրութիւն էր դարձնում: Այդ կինը, անտարակոյս, խանի հարեմներից մէկը պէտք է լինէր: Բայց միթէ պարսիկ կնոջ մէջ կարող էին լինել այն աստիճան քնքոյշ զգացմունքներ դէպի մի անբախտ հայ պատանի:—Այդպէս էր մտածում նա, երբ ծերունի ներքինագետը ասաց նրան, թէ տիկինը քրիստոնէայ է, և յայտնեց նրա ում աղջիկ լինելը:

Կարծես, մի սուր ցցեցին պատանու սրտի մէջ. նա լսեց այն մարդու անունը, որ իր հօր, իր մօր, իր ազգականների դահիճն էր, իսկ այդ նազելի կինը—նրա աղջիկը: Տիկնոջ բոլոր արժանաւորութիւնները, որ այնքան յարգելի էին երևում նրա աչքում, իսկոյն կորցրին իրանց նըշանակութիւնը: Պատանին այժմ նայում էր նրա վրա, որպէս մի թշնամու վրա, որին պատրաստ էր պատառոտել: Նա երեսը շուռ տուեց և կամենում էր դուրս գալ վրանից:

—Հասկանում եմ քո արդար վրդովմունքը, ազնիւ պատանի, ասաց տիկինը, նրա ձեռքից բռնելով.—բայց անբախտ աղջիկը ինչով է յան-

ցաւոր, որ քաւէ չարագործ հօր մեղքը... Ես հաւատում եմ Աստուծոյ արդարադատութեանը, և յոյս ունեմ, որ այդ բոլոր չարիքներին հատուցում կը լինի, նեղեալները կը վայելեն ազատութիւն, իսկ նեղիչները սոսկալի դատապարտութիւն...
—Ո՞ր աշխարհում, հարցրեց պատանին, դեռ ոչ բոլորովին հանգստացած լինելով իր վրդովմունքից:

—Այս աշխարհում, պատասխանեց տիկինը մարգարէուհու եղանակով.—դառնութեան բաժակը մինչև բերանը լցված է... մի կաթիլ ևս, —անհա նա կը թափվի...
—Հաւատում եմ ձեր գուշակութեանը, տիկին, պատասխանեց պատանին ողևորութեամբ, և բռնելով նրա աջը, սեղմեց իր շրթուքի վրա:—Գուք կրկնում էք մի և նոյն խօսքերը, որ մի քանի րոպէ առաջ ես լսեցի իմ անբախտ ծնողների գերեզմանից: Այնտեղից մի ձայն նոյնպէս ասում էր, թէ «դառնութեան բաժակը լցված է»... Ես լսեցի կոչող ձայնը և ուխտեցի մինչև մահ կուռել անարդարութեան դէմ:

Եւ իրաւ, պատանուն այնպէս էր թւում, որ այդ խօսքերը նա առաջին անգամ չէր լսում. թէ նա լսեց այն ժամանակ, երբ ինքը հոգեկան դառն խռովութեան մէջ, ընկած ծնողների հողաճամբարանի վրա, տխուր և ցաւալի կերպով

արտասուք էր թափում: Այժմ նոյնը լսում էր բարեսիրտ կնոջ բերանից:

Ծերունի ներքինապետը ակնարկեց, թէ պատանին ուշանում է, թէ ժամանակ է ուղևորվելու: Բայց տիկինը բողբոջով յափշտակված էր նրա խօսքերով. «ես ուխտեցի մինչև մահ կուուել անարդարութեան դէմ»... Ի՞նչն էր ներշնչել այդ վրէժխնդրական զգացմունքը նրա մանուկ սրտի մէջ, ծնողների ցաւալի մահը, թէ ընդհանուր ժողովրդի անբախտ դրութիւնը: Այդ միտքը սաստիկ հետաքրքրում էր վշտալի տիկնոջը: Նա ցանկանում էր խօսել, երկար խօսել վաղահաս ցաւերով տանջված այդ պատանու հետ, ցանկանում էր շօշափել նրա կոտրած սրտի բուրբ թագնված վէրքերը, բայց ներքինապետը դարձեալ շտապեցրեց, թէ ժամանակը անցնում է, թէ պէտք է շուտով ձանապարհ դնել նրան:

— Բո ուխտը՝ կուուել անարդարութեան դէմ, ասաց տիկինը բռնելով պատանու ձեռքը, — պէտք է լինի ամեն մի հայ մարդու ուխտը, որ մտածում է հայրենիքի փրկութեան համար: Գու, գուցէ քո ծնողների ցաւալի վախճանից զըրդված, ուխտեցիր վրէժխնդիր լինել բռնութեան դէմ, — բայց մտածիր, որ ամբողջ հայ ժողովուրդը այրվում է, խորովվում է, ոչնչանում է նոյն բոցերի մէջ, որ լափեցին քո անբախտ ծնողներին, նոյն բոցերի մէջ, որոնց միջից դու մի բա-

րի բախտով դուրս պրծար: Նոյն բոցերը թողեցին քո մարմնի վրա բռնութեան ձեռքի անջնջելի դրոշմը, ամեն անգամ, երբ կը նայես նրա վրա, յիշիր, որ դա քո ուխտադրութեան կնիքն է, յիշիր, որ դու չարաչար կը մեղանչես Աստուծոյ և քո ծնողաց հոգիների առջև, եթէ չը կատարես այն սուրբ խոստմունքը, որ ուխտեցիր նրանց գերեզմանի վրա:

Պատանին լռութեամբ լսում էր տիկնոջ խրատները, որպէս մի ուխտաւոր, որ խորին ջերմեռանդութեամբ լսում է քրմուհու պատգամները: Տիկինը յայտնեց, թէ զանազան տխուր հանգամանքներ ստիպում են առժամանակ հեռացնել նրան հայրենի երկրից, և ծերունի ներքինապետի հետ խորհելով, վճռվեցաւ նրան ուղարկել Վրաստան: Պատանին յանձնարարական նամակներ կը տանէ իր հետ և այնտեղ թէ խնամակալութիւն և թէ պաշտպանութիւն կը դռնէ մի հայազգի իշխանից, որը բարձր պաշտօն է վարում վրաց թագաւորի մօտ: Տիկինը խոստանում է միշտ և ամեն ժամանակ օգնել պատանուն, որը համարձակ կարող է դիմել իրան, եթէ որ և իցէ բանի մէջ պէտք կուսենայ:

— Առ այժմ, վերջացրեց նա իր խօսքը, — ևս իմ օրհնութեան հետ կարող եմ տալ քեզ այդ փոքրիկ քսակը, որը գուցէ հարկաւոր կը լինի քեզ քո պանդխտութեան մէջ:

— Ինձ բաւական է ձեր օրհնութիւնը միայն, պատասխանեց պատանին, հրաժարվելով ընդունել քսակը.— Իմ ծերունի հայրը հողացել է բոլորը, ինչ որ պէտք է իմ ճանապարհորդութեան համար:

Վ երջին խօսքերով նա ակնարկում էր ծերունի ներքինապետի վրա, որին իր հայր էր կոչում, որի երախտիքը իր կեանքի պահպանութեան համար երբէք մոռանալ կարող չէր: Բայց տիկինը դարձեալ ստիպեց նրան ընդունել քսակը, որը չը մերժեց նա, համբուրելով իր բարերարի աջը:

Վրանի մէջ զբաղված լինելով, թէ տիկինը և թէ ներքինապետը չէին նկատել, որ դրսում եղանակը բոլորովին փոխվել էր: Երկինքը պատած էր սև ամպերով և սաստիկ քամին, որ ալեկոծում էր անտառի ծառերը, սպառնում էր սուկալի փոթորիկ: Անտառը որոտում էր ծառերի միմեանց զարկվելուց, լեռները թնդում էին, իսկ կայծակը երբեմն փայլատակում էր գիշերային մթութեան մէջ: Կարծես, աշխարհի վերջը հասել էր և տիեզերքը լցված էր ահռելի արհաւիրքով: Անձրև դեռ չը կար, միայն երբեմն խոշոր կաթիլներ, քամու սաստիկ հոսանքի հետ թռչելով, գնտակի նման զարկվում էին մարդու երեսին: Տիկինը, նկատելով եղանակի խստութիւնը, խորհուրդ տուեց ներքինապետին յետա-

ձգել պատանու փախուստը: Ծերունին համաձայնվեցաւ նրա հետ:

— Այս գիշեր ամենայրմար ժամանակն է, պատասխանեց պատանին մի առանձին վստահութեամբ, — ես սիրում եմ այսպիսի եղանակը: Չեմ կարող մնալ, պիտի գնամ:

— Ի՞նչ դեռ բաւական տկար ես, ասաց տիկինը կարեկցութեամբ, — փոթորիկի ժամանակ այդ լեռների վրա շատ ցուրտ է լինում, կարող ես մրսել, կարող ես կրկին հիւանդանալ:

— Կարող է ուրիշ վտանգներ ևս պատահել, աւելացրեց ծերունին, — եթէ անձրևը սաստկանալու լինի, ձորերի մէջ հեղեղներ կը բարձրանան:

Պատանին հաստատ մնալով իր որոշման վրա, պնդեց, թէ ոչինչ չէ կարող արգելել նրա ուղեւորութիւնը, թէ նա ցանկանում է մի բոպէ առաջ դուրս գալ, հեռանալ այն մթնոլորտից, որի օդը նրան խեղդում է, ուր ամեն ինչ նրա սրտում ցաւ և կսկիծ է յարուցանում:

Սիւրին հասկացաւ պատանու սրտի վշտերը, հասկացաւ, թէ ինչն է դուրս քշում նրան այդ երկրից, վճռեց չը հակառակել նրա ցանկութեանը և ամեն ինչ թողնել Աստուծոյ կամքին:

— Զիաները, մարդիկը սրտեղ են, հարցրեց նա ներքինապետից:

— Անտառում պահված են, պատասխանեց ծերունին:

— Պատրաստվեցէք պատանուն ճանապարհ դընել, Ահմէդ, ինչ որ Աստուած կամեցել է, այն կը լինի, ասաց տիկինը խորին հաւատքով, — դուցէ այդ փոթորիկը Աստուած յարուց հէնց նրա համար, որ պարսիկները քաշվեն իրանց վրաններում, ճանապարհների վրա ոչ ոք չը մընայ, որ պատանու փախուստը աննկատելի լինի:

Ծերունի ներքինապետը մտաւ վրանի գաղտնարանը, որ բաժանված էր վարագուրով, այնտեղից դուրս բերեց մի դոյզ ատրճանակ և մի թուր. վերջինը նա իր ձեռքով կապեց պատանու մէջքից, և դատարկելով նորընծայ ասպետին իր նոր կոչման մէջ, ասաց.

— Ես բացի այդ թուրից ուրիշ թանգագին բան չունեմ քեզ ընծայելու հոյճար, Գաւիթ, — դա Սինեայ աշխարհի մի հզօր թագաւորի թուրն է, որ ես դուրս եմ բերել խանի գանձարանից: Այդ թուրը, որ մի ժամանակ հայ թագաւորի հզօր ձեռքում պաշտպանում էր մեր հայրենիքը, թող այսուհետեւ յիշեցնէ քեզ նրա ցաւալի անկումը, թող այսուհետեւ ոգևորէ քեզ նրա վերականգնման համար գործել: Դու պէտք է բարձրացնես մեր հայրենիքի փառքը նրա կործանման փոշիներից և վերստին պէտք է կեանք և ազատութիւն պարգևես մեր թշուառ աշխարհին: Ես այդ խօսքերը իմ գլխից չեմ խօսում, այլ Աստուած ինքը յայտնեց ինձ մի տեսիլքի մէջ:

Եւ ես հաւատում եմ քո ճակատադրին, դու էլ պլտի հաւատաս քո կոչմանը...

Լսելով այդ խօսքերը, պատանին կարծում էր թէ իր վրա ծիծաղում են, և ծերունին պատրաստ էր պատմել նրան իր տեսած երազի մանրամասնութիւնները, բայց տիկինը զգուշացրեց նրան, որ լռէ:

— Այդ հասակում տղայի հետ այդպիսի բաների վրա չեն խօսում, ասաց նա արաբերէն լեզուով. — երբ ժամանակը կը գայ, նա ինքը կը հասկանայ բոլորը...

— Այժմ բարի ճանապարհ եմ մաղթում քեզ, ապաց տիկինը պատանու ճակատը համբուրելով, — կրկնում եմ, որտեղ որ լինես, ամեն մի պէտքի, ամեն մի վտանգի ժամանակ կարող ես վըստահութեամբ դիմել ինձ, ես պատրաստ եմ ամեն մի հանգամանքում օգնել քեզ:

Պատանին խորին շնորհակալութեամբ համբուրեց տիկնոջ աջը և մի քանի կաթիլ արտասուք գլորվեցան նրա ձեռքի վրա: Նա մնաք բարեաւ ասաց և խկոյն դուրս եկաւ վրանից, զիշերային մթութեան մէջ ծածկելու իր դառն արտասուքը: Ծերունի ներքինապետը հետեց նրան:

Տիկինը մնաց վրանում միայնակ, տխուր և սաստիկ սրտաշարժ դրութեան մէջ: Կարծես նրա հարազատ եղբայրը դէպի օտարութիւն էր գնում, կարծես, նրանից մի ամենասիրելի բան պակ-

սում էր: Նա լուռ յափշտակութեան մէջ ծունր
դրեց վրանի յատակի վրա և նրա վշտերով լի
աչքերը դարձան դէպի արդարադատ երկինքը:
Ի՞նչ բանի համար էր աղօթում նա,—այդ միայն
Աստուած գիտէ: Բայց ջերմ արտասուքը առա-
տութեամբ թրջում էր նրա գունաթափ դէմքը,
և երկար նոյն դրութեան մէջ մրմնջում էր նա,
մինչև կայծակի վերջին փայլը լուսաւորեց վրա-
նի մէջին շրջակայքը, և հեռացող պատանու քայ-
լերի ձայնը ծածկվեցաւ որոտման սաստիկ զը-
ղրդոցի տակ:

Փոթորիկը աւելի սոսկալի կերպարանք ստա-
ցաւ....


Առաջին գրքի Վերջը



Faint, illegible text, likely bleed-through from the reverse side of the page.

Second block of faint, illegible text, also appearing to be bleed-through.

Third block of faint, illegible text at the bottom of the page.



« Ազգային գրադարան



NL0378061

59.162